




O'ZBEKISTON
SAVDOSANOAT
PALATASI



UN
DP

Uzbekistan

ЎЗБЕКИСТОНДА ЗАМОНАВИЙ ИНТЕНСИВ ОЛМА БОҒЛАРИ



O'ZBEKISTON
SAVDO-SANOAT
PALATASI



ЎЗБЕКИСТОНДА ЗАМОНАВИЙ ИНТЕНСИВ ОЛМА БОҒЛАРИ

BAKTRIA PRESS

ТОШКЕНТ – 2016

УЎК 634.11(575.1)
КБК 42.355-3(5Ў)
А 18
Аброров, Ш.
Ўзбекистонда замонавий интенсив олма боғлари [Матн] : кўлланма / Ш. Аброров, К. Султонов, И. Нормуратов. -Тошкент : Baktria press, 2016. - 132 б.

Кўлланма боғнинг илк йилларидан, қандай қилиб олма дараҳтларида мевали новдаларни ва шоҳ-шаббани шакллантириш, юқори ҳосилдорликка эришиш, сифатли ва мўл мева етишириш мавзуларни кенг ёритиб беради.

Кўлланмадаги маълумотларнинг кўп қисми уруғли мева дараҳтлари физиологиясидан олинган. Боғда қўлланиладиган агротехник тадбирлар уруғли ва данакли меваларга ҳам таалуқли ҳисобланади. Ушбу тадбирларни боғда муваффақиятли қўллаш учун уруғли меваларнинг ўсиши ва мева тугиш хусусиятларини яхши тушиниш талаб этилади. Мева етиширишнинг қалити бу – мевали дараҳт ўсиши ва ҳосил тугиши ўртасидаги мувозанатни тўғри бошқаришdir.

Ушбу кўлланма интенсив олма боғи ва умуман олма етишириш билан шуғулланувчи агроном ва боғбонлар учун мўлжалланган.

УЎК 634.11(575.1)
КБК 42.355-3(5Ў)

Масъул муҳаррир: Қодиржон Қаюмов

Тақризчилар:

С. Я. Исломов, Тошкент Давлат Аграр Университети «Қишлоқ хўжалик маҳсулотларини сақлаш ва дастлабки қайта ишлаш технологияси» кафедраси доценти.

С. Т. Санаев, Самарқанд қишлоқ хўжалик институти «Мева-сабзавотчилик ва узумчилик» кафедраси доценти.

Х. Т. Норбеков, Самарқанд қишлоқ хўжалик институти «Мева-сабзавотчилик ва узумчилик» кафедраси доценти.

Кўлланмани тайёрлашда австралиялик олим Бас ван ден Энденинг рухсатига мувофиқ «Интенсив олма етишириш» номли китобининг инглиз тилидан таржимасидан ва расмларидан фойдаланилди. Китоб тузувчи Шуҳрат Аброров томонидан кенгайтирилиб Ўзбекистон шароитига мослаштирилган ҳамда Ўзбекистон интенсив боғларида охириги 8 йил мобайнида йигилган тажриба ва расмлар билан бойитилган.

Кўлланмадаги барча маълумотлар илмий изланишлар ва тажрибага асосланган ҳамда яхши мақсадни кўзлаб тайёрланган. Кўлланма тузувчиси берилган маълумотларни амалда қўллашдан келган зарарга жавобгар эмас.

Тошкент Давлат Аграр Университетига кўлланмани тайёрлашда кўмак кўрсатганлиги учун миннатдорчилик билдирамиз.

Мазкур нашр тузувчиси томонидан билдирилган фикрлар, БМТ, жумладан, БМТД ва БМТга аъзо давлатларнинг расмий нуқтаи назарларига мос келмаслиги мумкин.

ISBN 978-9943-4569-3-8

© БМТДнинг Ўзбекистондаги ваколатхонаси, 2016
© Ўзбекистон Савдо-саноат палатаси, 2016
© Baktria press, 2016



Мундарижа

КИРИШ	4
ҚАНДАЙ БОГЛАР ИНТЕНСИВ БОГЛАР ДЕЙИЛАДИ	5
1. Қандай боғлар интенсив боғлар дейилади.....	5
2. 21-асрда мева етишириш	6
3. Күчтәрләрнинг экиш қалинлиги	6
4. Даражтларга ёруғлик тушиши	7
5. Симбағаз/шпалера.....	8
6. Нарвонсиз ишланадиган боғлар.....	8
I. ОЛМА ДАРАХТЛАРИНИНГ МОРФОЛОГИК ТУЗИЛИШИ	9
1. Барг	9
2. Фотосинтез	9
3. Нафас олиш	10
4. Илдиз	10
5. Гуллаш.....	11
6. Мева ривожи, етилиши ва пишиши	12
II. ОЛМА ДАРАХТЛАРИНИНГ ТАШҚИ МУҲИТ ШАРОИТЛАРИГА БЎЛГАН ТАЛАБИ	15
1. Ёруғлик	15
2. Иссиқлик	16
3. Сув	17
4. Ҳаво	18
5. Тупроқ	19
III. ОЛМА ДАРАХТИ ПАЙВАНДТАГЛАРИ	20
1. Пайвандтаг турлари ва уларнинг хусусиятлари	20
2. Пакана пайвандтагларнинг ўзига хос хусусиятлари	23
IV. ОЛМА БОҒЛАРИНИ ТАШКИЛ ЭТИШ	24
1. Боғни тўғри ташкил қилиш.....	24
2. Сифатли кўчат	25
3. Паст бўйли даражтлар учун ер танлаш	25
4. Ер тайёрлаш	26
5. Кўчат ўтқазиш.....	27
6. Қайта экиш касаллиги.....	29
7. Экилгандан сўнг.....	29
V. ОЛМА ДАРАХТЛАРИНИ СУГОРИШ ВА ЎҒИТЛАШ	30
1. Суғориш.....	30
2. Томчилатиб суғориш тизими.....	30
3. Ўғитлаш	35
4. Макроэлементлар ва уларнинг хусусиятлари	35
5. Микроэлементлар ва уларнинг хусусиятлари	41
VI. ОЛМА ДАРАХТЛАРИНИ КЕСИШ ВА ШАКЛ БЕРИШ ФИЗИОЛОГИЯСИ	43
1. Даражт қисмларининг номлари ва маъноси.....	43
2. Кесишнинг олма даражтига умумий таъсири	44
3. Кесиш ва унинг турлари	46
5. Тўғри шакл беришда қўлланиладиган усуллар	52
6. Ёзги кесиш.....	56
VII. ОЛМА НАВЛАРИ ВА УЛАРНИНГ ЎСИШ ХУСУСИЯТЛАРИ	58
1. Янги олма навлари	58
2. Олма навларининг ўсиш хусусиятлари.....	66
3. Кўп лидерли ўстириш усуллари	68
VIII. ОЛМА ДАРАХТЛАРИГА ШАКЛ БЕРИШ ВА КЕСИШ .	71
1. Бир ярусли марказий лидер усули.....	71
2. Яруссиз марказий лидер усули (урчиқсимон, шпиндельбуш)	80
3. Кўп лидерли тарбиялаш усуллари	84
4. Ярим интенсив эркин ўсуви (симбағазсиз) олма боғларида даражтларга кўп ярусли марказий лидер усулида шакл бериш	88
5. Эркин ўсуви 4 лидерли ўстириш усули.....	91
6. Катта олма даражтлар шаклини ўзгартириш.....	92
IX. ЗАРАРКУНАНДА ВА КАСАЛЛИКЛАРГА ҚАРШИ КУРАШ	93
1. Олма дарахти зааркундалари	93
2. Олма дарахти касалликлари	99
3. Олма мевасининг чириш касалликлари	106
X. ОЛМА ДАРАХТЛАРИНИ ЎСТИРИШ	110
1. Даражтларнинг совуқдан заарланиши.....	110
2. Олма дарахтларининг танадан илдиз отиши	112
3. Куёш нурларини қайтарувчи мато	112
4. Мулчалаш	112
5. Илдизларни қирқиш	113
7. Ёш дарахтлар шоҳларини бойлаш	116
XI. ОЛМА ҲОСИЛИНИ ПАРВАРИШ ҚИЛИШ	118
1. Чангланиш.....	118
2. Ҳосилни сийраклатиш (тоқалаш) ва мева ривожи	120
3. Солкашлик	122
4. Мева теримини аниқлаш	122
5. Олма мевасида теримдан олдин ва кейин юз бериши мумкин бўлган ўзгаришлар	125
6. Меванинг қуёшда куйиши	127
XII. ОЛМА БОҒИ ЯРАТИШ БИЗНЕС РЕЖАСИ	129
1 гектар ер майдонида олма боғи яратиш бизнес режаси ҳисоб-китоби	129
ФОЙДАЛАНИЛГАН АДАБИЁТЛАР РЎЙХАТИ	131



Кириш

Ўзбекистон шароитида етиштирилладиган мевалар азалдан ўзининг мазаси ҳамда сифатининг юқорилиги билан машҳур. Шу билан бир қаторда Ўзбекистонда етиштирилладиган мевалардан қайта ишланган маҳсулотлар ҳам сифати юқорилиги билан ажралиб туради (куритилган мевалар, шарбатлар, қиёмлар ва ҳ. к.). Мамлакатимизда боғдорчilikни замонавий технологияларни қўллаб самарадорликни, ҳосилдорликни ва майдонларни ошириб боришимиз зарур.

Пакана пайвандтагли мевачиликнинг ривожланиш тарихига назар солинадиган бўлса Ўзбекистонда академик Р. Р. Шредер паст бўйли пайвандтагларга уланган кўчат экилган боғларни кўпайтириш ташаббускори бўлган, у 1909 йилда Тошкент атрофидаги икки гектар ерга секин ўсадиган олма ва нокзор барпо этган.

1905 йилда Тошкент атрофидаги боғдорчilik хўжаликларида Кримдан келтирилган паст бўйли пайвандтагларга уланган олма ва нок дараҳтлари яхлит тарзда экилган ва улар жуда яхши ҳосил берга бошлаган. 1954 йилда уларнинг ҳаммасини совук уруб кетган (Ўзбекистон Мевачилиги, 426-бет). 1960-1970 йилларда республикамизда пакана ва ярим пакана пайвандтагларга уланган олма боғлари кенг жорий этилди ва пухта етиштириш технологияси ишлаб чиқилди. Ишлаб чиқариш шароитида тупроқ-иқлим шароитларига боғланган ҳолда самарадорлиги аниқланган. Ўзбекистонда пакана ва ярим пакана боғларни етиштириш технологиясини яратиш асосчиси О. К. Афанасьев ҳисобланади.

Республикамизда мева-сабзавот соҳасини жадаллаштиришга (интенсификация) давлатимиз катта эътибор беряпти ва сармоя сарфляяпти. Боғдорчilik ва узумчиликни жадаллаштириш бу кўпроқ ва сифатлироқ маҳсулотларни имкон борича камроқ харажат билан олиш тушунилади.

Бундан ташқари, олма етиштиришни янада яхшилашда янги, серҳосил, меваси сифатли бўлган олма навларини синовдан ўтказиш ва уларни кенг ишлаб чиқаришга жорий қилиш, илғор агротехника тадбирларини қўллаш, заарқунанда ва касалликларга қарши уйғунлашган ҳимоя усувларини амалиётга тадбиқ қилиш, олма касалликларига қарши курашда касаллик ривожланишини олдини олувчи ва даволаш хусусиятига эга препаратлардан фойдаланиш, олма кўчатларининг вирусдан тозаланган пайвандтагларда вируссиз навларни пайвандлаш орқали етиштириш, ҳосилни йиғиб олиш, қадоқлаш ва совуқхоналарда сақлаш усувларини янада такомиллаштириш ҳамда фермер ва агрономларнинг билимларини, замонавий боғдорчilik янгиликларига уйғун ҳолда, оширишларини таъминлаш зарур. Айниқса, пакана пайвандтагларда етиштирилаётган олма дараҳтларини замонавий суғориш усувларидан бири бўлган томчилатиб суғориш тизимини қўллаш орқали ўстириш нафақат ҳосилдорликнинг юқори бўлишига, балки узоқ йиллар давомида сифатли мева олиш имкониятини яратади.

Ўзбекистонда интенсив боғдорчilikни ривожлантириш юзасидан бир қанча қарор ва фармонлар қабул қилинди. Ўзбекистон Республикаси Президентининг 2014 йил якунлари бўйича 2015 йил 16 январда Вазирлар Маҳкамаси йиғилишида сўзлаган нутқида қишлоқ хўжалигини 2015 йилда ривожлантиришдаги устувор йўналишларидан бири янги агротехнологиялар ва замонавий техникалар ёрдамида қишлоқ хўжалигини интенсив усувларга ўтказиш зарурлиги таъкидлаб ўтилди.

Юқоридагилардан келиб чиқиб замонавий боғдорчilikни жадаллаштиришнинг энг самарали усули бу мевали дараҳтларни пакана ва ярим пакана пайвандтаглардан фойдаланиб уларни симбағазларга бойлаб ўстириш ҳисобланади.



1. Қандай боғлар интенсив боғлар дейилади

1. Интенсив боғнинг анъанавий боғлардан фарқлари	5
2. 21-асрда мева етишириш.....	6
3. Кўчатларнинг экиш қалинлиги	6
4. Даражтларга ёруғлик тушиши	7
5. Симбағаз/шпалера.....	8
6. Нарвонсиз ишланадиган боғлар	8

1. Интенсив боғнинг анъанавий боғлардан фарқлари

Интенсив боғнинг анъанавий боғлардан қуидаги фарқлари мавжуд:

- Интенсив боғларга сифатли, баланд бўйли кўчатлар экилиши натижасида ажратилган жойни симбағазда қисқа вақтда тўлдиради ва натижада даражат умрининг биринчи йилларида жуда кўп миқдорда қўёш нурлари тутилади. Даражат ажратилган жойни қанчалик тез тўлдирса, мева шоҳлар шунчалик тез ривожланади ва гектарига олинадиган ҳосил максималлаштирилади.
- Даражтларнинг зичлиги етарли даражада бўлиши керак. Биринчи йил охирида даражтлар симбағазни тўлиқ ёки катта қисмини қоплашига эришиш зарур. Бунга эришишнинг ягона йўли 1,5–1,8 метрли кўчатларни экиб, уларни қисқартириб кесмасликдир. Шундай қилинса иккинчи йилда ёки олиш мумкин.
- Даражтлар иккинчи йилда ҳосил бера бошлиши натижасида ўсиш ҳамда ҳосил бериш ўртасида мувозанат пайдо бўлади ва томирларнинг ўсиши чегараланади.



Расм-1. 2 ёшли олма даражти ҳосили. Голландия.

▪ Симбағазда даражат шоҳлари қўёш нурлари осон тушадиган ҳолда шакллантирилади. Бу орқали кесиш, меваларни сийраклаштириш ва териш ишлари осонлашади.

- Даражат мевали шоҳлари қалин бўлмайди.
- Томирлар зичлашиб ўсиши натижасида уларнинг тезлиги сустлашади.
- Даражат шоҳ-шаббасининг деярли барча қисми ердан туриб бошқарилади.
- Боғдаги ишлар кичик техникалар орқали самарали амалга оширилади ва кимёвий препаратлар самарааси ортади.
- Интенсив боғларнинг кўп харажат талаб қилувчи меваларни дўл ва қуёшдан зарарланишига қарши тўрлар билан ёпиш пировардида иқтисодий томондан катта фойда келтиради. Тўр билан ёпилган боғларда мева кўриниши сифатли ва мўл бўлади.

Интенсив боғ ва унинг иқтисодиёти тўғрисида боғбонлар қанча кўп маълумотга эга бўлишса, шунча ушбу соҳага бўлган эътибор ва қизиқиш ортишига ишонамиз.

«Минг марта гапиргандан бир марта кўрган афзал» деган мақолга амал қилган ҳолда ушбу



Расм-2. Беш ёшли Жеромин навлу олма даражти ҳосили. Ўзбекистон.



Расм-3. Кучли ўсадиған олма дараҳтларининг шакли.



Расм-4. Пакана дараҳтларнинг 2-йилда гуллаши.

қўлланмада биз 500 дан ортиқ расм ва чизмалардан фойдаландик.

2. 21-асрда мева етиштириш

Даромад келтирадиган боғ. Богнинг даромад келтириши жуда кўп омилларга боғлиқ. Мевали дараҳтларни экишдан олдин жой ва ерни танлаш, ҳамда нав ва кўчатларга шакл бериш усули боғнинг келажагини белгилайди. Богнинг иқтисодий ҳолати уни ташкил этилганидан сўнг қай даражада бозор талабларига жавоб берадиган мева етиштиришига боғлиқ.

Айниска, дастлабки йилларида бир гектардан олина-ётган ҳосил миқдори жуда муҳим омиллардан биридир. Агар олма боғини ташкил этишда, навларни танлаш ва парваришлашда эскича фикрлаш ва усуллардан фойдаланиш давом эттирилса, келажакда ташкил этиладиган олма боғларида етиштириладиган мева сифати ва миқдори паст бўлиши ҳамда касалликлар катта талофатлар келтириб чиқариши мумкин.

Ўзбекистон боғдорчилигини ривожлантириш учун ўзимиздаги мавжуд тажриба ҳамда мева етиштирувчи илгор давлатларда тўплланган боғдорчилик тажрибалиридан фойдаланиш юқори натижаларга олиб келади. Мева навларини ва шакл бериш усувларини Ўзбекистон шароитида текшириб кўриб, шундан сўнг кенг ишлаб чиқаришга тадбик этиш мақсадга мувофиқидир.

Харидорлар меваларни нафақат кўриниши учун, балки таъми, мазаси, йириклиги, хавфсизлиги ҳамда соғлиқка фойдалилигини ҳам ҳисобга олиб харид қиласидилар.

3. Кўчатларнинг экиш қалинлиги

Кўп ва қисқа вақтда, шу билан бирга кўп ҳосил олиш учун экиш зичлиги, дараҳт шакли ва якуний дараҳт ҳажми жуда катта аҳамиятга эга. Гектарига кам дараҳт экиш ва катта ҳажмдаги дараҳтларни парваришлаш даври ўтди, чунки улар янги интенсив усулда экилган мевали дараҳтлар билан ҳосилдорликда,



Расм-5. Интенсив боғларда кўлланиладиган механизация воситалари ва теримни самарали ташкил этишда кўлланиладиган идиш.



Расм-6. Кучли ўсувчи пайвандаға уланган олма дарахтлары.

мева сифати ҳамда ишчилар мәхнати унумдорлигіда рақобат қила олмайды.

Ишчиларнинг унумдорлиги, ишлаш хавфсизлиги ва уларни боғларга жалб этиш масалалари мұхим ҳисобланади.

Боғларда күплаб ишларни ердан туриб бажариш ишчиларни мевали боғларга жалб этишни ва уларнинг мәхнат унумдорлигини ошириш имкониятларини яратиб беради. Замонавий қишлоқ ھұжалик киме воситаларини сепувчи мосламалар касаллық ва ҳашаротларға қарши курашиш самарадорлигини оширади.

Интенсив боғларда мевали дарахтлар ўсиш учун күп жой талаб этмайды. Ўсиши учун керагидан ортиқ жойға эга дарахтлар эса катта илдиз ва шоҳшабба тизимларини шакллантиради. Катта илдиз ва шоҳлар катта харажатлы муаммоларни кептириб чиқаради.

Мевали дарахтлар икки қисмга бўлинади – тутиб турувчи (илдиз, тана ва шоҳлар) ва мева берувчи (ён шоҳлар, гулкуртаклар, барглар, ўсувчи куртаклар ва мева). Сийрак экилган дарахтларда жойнинг күп қисмини мева берувчи қисм эмас, балки тутиб турувчи қисм эгаллайди.

Аксинча, зич экилган, симбағаз (шпалер) билан тутиб туриладиган мевали дарахтларда мева берувчи қисм кўпроқдир. Шу омилнинг ўзигина интенсив боғларнинг самарадорлигини оширади.

Шундай қилиб, интенсив боғларда юқори ва доимий ҳосилдорликка эришиш учун тутиб турувчи қисмининг ўсиш тезлигини замонавий усулларни кўллаган ҳолда камайтириб, кўпроқ мева берувчи қисмини ўстиришга эътиборни қаратиш жуда мұхим масалалардан ҳисобланади.

Шунинг учун кўчатларни эрта экиш, иккинчи йилдан ҳосил олиш, доимий ҳосил олиш, гулкуртакларни кўпроқ шаклланишига ёрдамлашиш, кесиш ва шакл беришни тўғри ташкил этиш, томчилатиб суғориш



тизимидан фойдаланиш ва новдалар ўсишини секинлатувчи препаратлар қўллаш энг мұхим тадбирлардан ҳисобланади.

4. Дарахтларга ёруғлик тушиши

Дарахтларга ёруғлик тушиши юқори ва бир маромда бўлганда баландлиги ва ҳажми кичик дарахтлар катта дарахтлар каби юқори ҳосил ва йирик ҳажмли мева бера олади. Бўйи 4–5 метрга етган дарахтларда жуда кўп тутиб турувчи катта шоҳлар мавжуд. Катта шоҳлар жуда кўп озуқани захира учун олиб қўяди, шу сабабли улар мева етиштиришга ҳисса қўшмайди. Интенсив усулда дарахтларни зич экиш симбағаз ва дўлга қарши тўрлар ҳисобига катта харажатларни талаб этади.

5. Симбағаз/шпалера

Интенсив пакана дарахтлар экилган боғларда иккинчи йилда ҳосил олиш, шакл бериш ва ўсишини тўғри амалга ошириш учун симбағаз ўрнатиш зарурдир.



Расм-7. Интенсив боғнинг умумий кўриниши.



Расм-8. Эркин усулда шакл берилган олма дарахти.

Симбағаз дарахтларни шамолда тебранишини камайтириш орқали кўчат ўсишини 10-15% га тезлаштиради ва томирларнинг ривожланишига кўмак беради. Кўчатлар шамол натижасида ўсишга сарфлаши керак бўлган энергиянинг бир қисмини ўзини тутишга сарфлайди. Бундан ташқари, майда томирлар заараланади.

Симбағаз ўрнатиш қиммат бўлишига қарамай кесиш, сийраклаш ва териш ишларига сарфланадиган харажатларни камайтириш имкониятини беради.

6. Нарвонсиз ишланадиган боғлар

Боғдаги ишларни нарвон ишлатмай бажариш иш унумдорлигини 30-50% га оширади. Бунга эришишнинг икки йўли мавжуд: дарахтлар бўйини паст



Расм-9. Симбағаз ҳамда тўр ўрнатилган интенсив боғ.

ҳолда сақлаш ёки баландлик мосламаларидан фойдаланиш. Икки усулда ҳам ишчилар хавфсизлиги таъминланади.

Нарвонлар ишлатилмаганда терим унумдорлиги 50% га ортади. Мевалар тезроқ, осонроқ ва сифатлироқ терилади. Дарахтлар бўйи баланд бўлар экан, кесишга сарфланадиган вақт ҳам ортади. Пакана дарахтларда кесиш ва мевани сийраклаштириш баланд бўйли дарахтларга нисбатан 27% га унумлироқдир. Дарахт шох-шаббасининг қалинлиги 1 метрдан ошмаслиги ҳам меҳнат унумдорлигини таъминлайди. Шу билан бирга меҳнат унумдорлигига ижобий таъсир этувчи омил бу ҳосилнинг юкори бўлишидир!



Расм-10. Интенсив боғда дарахтларни баландлик мосламаларидан фойдаланиб кесиш ва ҳосилни йиғиш.





I. Олма дарахтларининг морфологик тузилиши

1. Барг	9
2. Фотосинтез	9
3. Нафас олиш	10
4. Илдиз	10
5. Гуллаш	11
6. Мева ривожи, етилиши ва пишиши	12

1. Барг


Янги новдалардаги ёш барглар дастлабки 12–15 кунда ўзининг ривожланиши учун дарахтнинг бошқа қисмларида ишлаб чиқарилган озиқ моддаларни сарфлайди. Кейинчалик баргларнинг маҳсулоти меваларнинг ва ёш новдаларнинг шаклланишига, куртак ҳосил бўлишига ҳамда дарахтнинг захираси учун сарф бўлади.

Барг сатҳи қанчалик яхши бўлса, меваларнинг ўсиши учун шароит ҳам шунча яхши бўлади. Ўсуви мева ҳисобига барг қанча кўп тўғри келса, у шунча яхши ривожланади.

2. Фотосинтез

Фотосинтез жараёни қуёш нури, сув ва карбонат ангидрид иштирокида амалга ошади. Булардан бирининг жараёнда қатнашмаслиги фотосинтез рўй бермаслигини билдиради. Агар сув чекланган бўлса, карбонат ангидрид гази баргларга кира олмайди ва реакция амалга ошмайди. Қуёш қанчалик кучли қиздирмасин (яъни, қуёш нури кўп бўлишидан қатъи назар) фотосинтез юз бермайди. Худди шунингдек, сув ва карбонат ангидрид етарлича миқдорда бўлишига қарамасдан куннинг булатли бўлиши, дарахтга бошқа нарсалар соя ташлаши ёки дарахт ички қисми юқори зичлик таъсирида қоронги бўлиши натижасида фотосинтез жараёни тўла куч билан амалга ошмайди.

Агар меваларга барглардан келувчи углеводлар оқими тўхтаб қолса, уларнинг баргда йиғилиши фо-




Расм-11. Мева куртагидан ўсиб чиқадиган ўринбосар новда. Ўринбосар новдалар баргларида ҳосил бўладиган озука мевалар ривожланиши учун катта аҳамият касб этади.

tosintez тезлигини камайтиради. Углеводлар оқими тўхташи ҳосилнинг йиғиштириб олиниши, ёзги кесишида ортиқча кўп кесиш ва ҳалқалаш каби омиллар таъсирида юз бериши мумкин.

Дарахт оладиган ёруғлик миқдори тўла қуёш нурининг 70–80 фоизидан пастга тушиб кетиши олма меваси ранги ва таркибидаги эрувчан моддаларга путур етказади. Ёруғлик кўрсаткичи тўла қуёш нурининг 25–40 фоизидан кам бўлганда фотосинтез, гул шаклланиши ва мева ривожи яхши амалга ошмайди.


Соя туфайли ёруғликнинг кам тушиши ёки ҳароратнинг юқори бўлиши натижасида фотосинтез жараёнининг сустлашиши ўсиш учун керак бўлган углеводлар ишлаб чиқарилиши ёки илдиз орқали муҳим озукавий элементлар сўрилишига салбий таъсири кўрсатади.

Азот (N) ва магний (Mg) етишмаслиги фотосинтез суръати тушишига олиб келади. Азот жуда ҳам ҳаракатчан элемент бўлиб, дарахт бўйлаб ёруғлик таъсирида кўчуб юради. Азот қариётган ва дарахт ички қисмида соя остида қолган барглар таркибидан чиқиб кетади. Таркибида азот миқдори кам қолган барглар рангини йўқотиб сарғаяди ва тўкилади.



КИМЁВИЙ ЭНЕРГИЯ+КАРБОНАТ АНГИДРИД=ШАКАР

Расм-12. Баргда содир бўладиган фотосинтез жараёни.



Расм-13. Хароратни олма дарахтларида фотосинтез жараёнига таъсири. Олма дарахтида энг юқори фотосинтез жараёни 25–35°C даражада содир бўлади. Харорат 40°C даражага бўлганда сустлашади ва ундан юқори бўлганда эса батамом тўхтайди.

Дарахт сувни ўзига яхши сўриб олиши учун барглар орқали фаол сув буғланишига эга бўлиш керак. Баргларда сув буғланишига салбий таъсир қилувчи омиллар (мисол учун, соя ташлаш, зарар етган барглар) дарахтнинг сув орқали озуқалар олиш кўрсаткичини пасайтириши мумкин.

3. Нафас олиш

Нафас олиш фотосинтезнинг деярли тескари кўриниши бўлиб, бунда углеводлар (шакар) карбонат ангиридид, сув ва кимёвий қувватга парчаланади. Карбонат ангиридид атмосферага қайтариб чиқариб юборилади, реакция натижасида ажралган қувват эса бошқа метаболик жараёнлар учун сарфланади.

Нафас олиш учун углеводлар етарлича бўлмаса, нафас олиш тезлиги камаяди, кимёвий қувват ҳосил бўлмайди ва ўсиш секинлашади ёки деярли тўхтайди. Шунингдек, меъёрий нафас олиш жараё-

ни учун углеводларнинг етарлича бўлмаслиги мева таъми, ҳиди ва рангига пурт етказиши мумкин.

4. Илдиз

Илдиз ривожи тупроқ ҳарорати 15–25°C даражага бўлганда ва илдизларга сув таъминоти узилмагандага энг фаол бўлади.

Илдизлар бир мавсумда икки марта ўсиш даврини бошдан кечирали: биринчи бор эрта баҳорда ва иккинчи марта кузда, ҳосил йифими вақтида ёки ундан кейин. Илдизнинг баҳорги ривожи куртаклар ёрилиб, тупроқ ўсиш учун етарличи илиши билан бошланади. Новдалар фаол ўсиш жараёнига киришгач, илдиз ривожланиши сустлашади.


Ёз охирларига келиб шоҳлар ривожланишдан тўхтаган ва мева ривожи секинлашган даврда илдиз ривожи яна қайтадан авж олади. Илдизларнинг мана шу кузги ривож даври кейинги йил захираси учун дарахтларни ўғитлашга энг қулай фурсат ҳисобланади. Ривожланиш бошлангандан сўнг 30–60 кун ўтгач, илдизларнинг оқ ранги жигарранг тус ола бошлайди. Илдизнинг 25–50 фойизга яқин қисми ҳар йили янгиланиб туради.

Пўстлоқнинг флоэма қатламида юқоридан пастга ва пастдан юқорига сув ва углеводлар оқади. Ксилема қатламида эса, фақат юқорига сув ва тупроқдан олинган минерал озуқалар ҳаракатланади. Илдизлар углеводларни барглардан олса, барглар эса сув ва озуқаларни тупроқдан илдиз орқали сўриб олади.

Илдизлар, одатда, тупроқ остида 25–50 см чуқурликдаги масофада жойлашган бўлади. Тошлоқ жойларда эса илдизлар бир неча метр чуқурликда ривожланади. Илдизнинг қандай чуқурликда шаклланиши тупроқ таркибидағи кислород ва намлика боғлиқ. Зичлиги юқори, газ алмашинуви суст тупроқ шароитида илдизлар кислород миқдори кўпроқ бўлган тупроқ сатҳига яқин жода ривожланади. Зичлиги паст тупроқларда эса илдизлар чуқурроқ жойлашади.




ФОТОСИНТЕЗ
НАФАС ОЛИШ



ФОТОСИНТЕЗ
НАФАС ОЛИШ

Расм-14. Фотосинтез жараёни фақат кун давомида бўлиши ва нафас олиш жараёни эса кун ва тун давомида содир бўлиши тасвирланган. Фотосинтезда карбонат ангиридид кислородга айланса, нафас олиш жараёнида эса кислород карбонат ангиридига айланади.




Расм-15. Озука моддаларини дарахт бўйлаб пастга ва юқорига ҳаракатланиши.

Баъзи пайвандтаглар (айниқса, пакана пайвандтаглар) «симирувчи» илдизларга эга бўлиб, улар дарахтга доимий сув сўрилишида муҳим аҳамиятга эга. Бундай пайвандтаглар доимий сув ичib тургани учун қурғоқчиликка чидамсиз деб ҳисобланиши нотўғри, аслида бу уларнинг сувсизликка таъсиричан эканликларидан эмас, балки ердан сув сўриб олиш самарадорлиги юқори эканлигидандир (илдизлар оз ҳажмли тупроқда ўсганлиги сабабли у ердаги сув тез тугаб қолади). Баъзан, дарахт қаторлари ости курук, аммо қаторлар орасидаги техника воситалар йўлаги остида намлик бўлиши мумкин. Сўриш самарадорлиги юқори пайвандтаглар шундай намлини ҳам ўзлаштириш хусусиятига эга.

5. Гуллаш

Мева қати уруғлар билан биргаликда мевани ташкил этади. Агарда уруғли мева дарахтларда барча уруғ куртаклар уруғланса, мевада уруғ кўп бўлади ва у яхши ривожланади. Агарда уларнинг бир қисми уруғланмаган бўлса, унда баъзи навларнинг меваси бир ёнлама ривожланади.

Дарахтларда гуллаган даврда ва ундан кейин гуллар, мева тугунчалари, сўнгра эса меваларнинг кўп тўклилиши кузатилади. Бу 3 марта тақрорланади. Биринчи марта гуллаш вақтида бўлади. Дарахтда барча гуллар бир хил ривожланмайди. Уларнинг ай-




Расм-16. Дарахтлар илдизларининг ривожланиб ўсиши учун энг қулай тупроқ мухити тасвирланган.


римлари тўлиқ ривожланмаган чангчи ёки уруғига эга бўлади ва бундай гуллар, одатда, уруғланмайди. Гулкуртакларнинг шаклланиш даврида озиқ моддалар етишмаслигидан ҳам гуллар яхши ривожланмайди. Натижада чанг наслсиз бўлади. Гулкуртакларнинг заараркунанда ва касалликлар билан заарраниши ҳам гулларнинг тўлиқ ривожланмаслигига сабаб бўлиши мумкин.

Мева тугунчаларининг икки марта тўклилиши биринчисидан икки ҳафта кейин содир бўлади ва икки ҳафтача давом этади. Бу вақтда айрим гуллар гуллаш вақтида ёмғир, асалариларнинг ёмон учеб келиши, гармсел, совуқ ва бошқалар таъсирида чангланмаган ёки уруғига чангнинг тушмаслиги туфайли уруғланмаган бўлади.

Учинчи марта тўклилиш гуллагандан кейин бир ой ўтгач кузатилади ва адабиётларда **июнги** тўклилиш деб аталади. Бу тўклилиш, асосан, озиқ моддаларнинг етишмаслигидан ҳамда дарахтлар яхши парвариш қилинмаганидан, шунингдек, баҳор пайтида тупроқда нам танқислиги содир бўлишидан келиб чиқади. Бу вақтда тўлиқ уруғланмаган, уруғ кам микдорда бўлган, пишунчча дарахтда туришга қодир бўлмаган мевалар ҳам тўклилади. Меваларнинг тўклилишини камайтириш учун гулкуртаклар сифатини қўёш нурини тушиши орқали ошириб, кузда азотли ўғитлар билан озиқлантириб (ўсиб кетишга йўл қўймасдан), гуллаш даврида ариларни кўпайтириш зарур.



Расм-17. Яхши чангланмаган меваларда уруғ кам бўлади.



Расм-18. Гулкүртаклар ҳосил бўладиган физиологик шароитни таъминлаш учун дараҳтнинг ўсиши суръати ва вегетатив ўсиши миқдори назоратда ушланиши кепрак. Гибберрелин табиий ғормони пайдо бўлиши вақтидан келиб чиқиб, гулкүртак шаклланишига тўсқинлик қилиши ёки ёрдам бериши мумкин. Гулкүртаклар ҳосил бўлишига таъсир ўтказиш тўлиқ bogbonlar kулида, чунки гулкүртаклар ҳосил бўлишига таъсир этувчи барча омилларни bogbonlar boшқара олади.

Мевалар тўкилишини олдини олиш учун ўсишни кучайтирувчи моддалардан фойдаланиш мумкин. Бу моддалар мева банди билан мева турган шоҳ ўртасида пўкак қатлам ҳосил бўлишини кечиктиради. Чангнинг униши ва чанг найчасининг ўсиши учун энг қулай ҳарорат 15–25°C даража ҳисобланади. Ҳарорат 12–13°C даражадан паст бўлганда нектар (гуласал) ёмон ажралади, шунинг учун ҳам асаларилар ёмон ишлайди.

Айрим мева дараҳтлари (кўпроқ нок, олма, камроқ олча, олхўри, ёнғоқ) қайта (иккинчи марта) гуллаш хусусиятига эга. Бу хилда гуллаш баҳорда ва куз бошларида кечади. Дастлабки гуллаш гулкүртакларнинг кеч дифференциацияланиши (фарқланиши) ҳамда улар ривожланишининг кечикиши туфайли содир бўлади. Иккинчи марта гуллаш эса ёзда дараҳтлар чанқаганда ва куз илиқ келган йилларда боғни кечикиб сурғорганда рўй беради. Бу даврдаги ҳарорат күртакларнинг тиним даврига ўтиши учун етарли бўлмайди. Гулкүртаклар бундай вақтда ажралиш даврини тез ўтади ва шаклланган йили (ўша йилдаёқ) очилади.

Иккинчи марта (кузда) гуллаганда мевалар, одатда, пишиб улгурмайди ва қийматсиз бўлади. Куздаги гуллаш дараҳтларни кучсизлантиради, шунинг учун ҳам у зарарли ҳисобланади.

Барглар гулкүртаклар шаклланишида муҳим роль ўйнайди. Барглар гулкүртаклар шаклланиши учун керакли қувватни етказиб беради. Аксинча, мевалар сийраклатилмаганда жуда кўп мевадаги уруғлардан гибберрелин ишлаб чиқарилади ва күртакларни мевали эмас, балки ўсуви күртак сифатида қолиб кетишига сабаб бўлади. Шунинг учун интенсив олма боғларида мева ва барг ўртасида доимий мувознатни сақлаш керак. Солқашликка кўп чалинадиган Фуджи ва бошқа навларда турли йилларда турли миқдорда гул шаклланишига сабаб уруғлар таркибида тўпланган гибберрелин миқдорига эмас, балки қанчагибберрелин бу уруғлардан чиқиб, гулкүртаклар томон ҳаракатланишига боғлиқ деб ҳисобланади.

6. Мева ривожи, етилиши ва пишиши


Ривожланишнинг бошида меваларда крахмал кўп бўлади, пишганларида эса, у деярли йўқ бўлиб, шакарга айланади. Шакарларда фруктоза ва глюкоза кўп бўлиб, истеъмолбоп пишиқлик даврида юқори даражага ётади. Пишиб ўтиб кетган меваларда шакар кам бўлади (нафас олиш жараёни ҳисобига ҳамда мевалнинг куриб бориши туфайли содир бўлади). Олмада лимон кислотаси кўп бўлади ва сақланганда у яна камаяди. Меваларнинг ширадорлиги ва мазаси шакар ва кислоталарнинг ўзаро нисбатига қараб белгиланади.

Витаминлар мева пишишининг ҳамма даврида тўпланади. Мева пишиб бўлгач, уларнинг миқдори камаяди, пишиб ўтиб кетган меваларда эса, улар парчаланиб кетади.


Уруғлар жигарранг тусга кира бошлайди (айниқса, эрта пишар навларда), косача қурий бошлайди; мевабанд ва ҳосил шохи ўртасида пўкак ҳосил бўлади




Расм-19. Гулкүртакларнинг кўриниши.



Расм-20. Энг сифатли ва йирик мева чапдаги каби қалам новдаларнинг учки куртагида жойлашган тасвирланган. Нок ва гипосларда эса учки гул энг охир шаклланади ва шунинг учун ҳам энг кичкина бўлади.



Расм-21. А. Ўзбекистоннинг денгиз сатҳидан 400–700 метр баландликда жойлашган худудларида олма шакли қандай бўлиши тасвирланган (Тошкент вилояти). В. 1000–1500 метр баландликда, салқин ҳаво таъсирида етиширилган, олма кўриниши берилган (Бахмал тумани). С. Бу каби олма шаклига эришиш учун Промалин (Перлан, Турмалин) (таркиби 6ВА+GA4+7) воситасидан фойдаланиш керак.



Расм-22. Олма мевасида чанеланиш натижасида қанча кўп уруғ пайдо бўлса, мева шунча катта бўлади.



ва мевалар осон ажралади, агар улар вақтида териб олинмаса, тўкилиб кетади. Пишиб ўтиб кетган мевалар юмшаб, эти қўмлоқлашади (олма ва нок мевалари) ёки ҳамирга ўхшаб қолади (данакли мевалар); сифат ва мазаси ёмонлашиб қиймати йўқолади.

Дараҳт қисмлари ўртасидаги углеводлар ҳаракати чекланган бўлади, шунинг учун дараҳт умумий ҳосили кам, аммо бир шоҳдаги мевалар сони кўп бўлган ҳолатда шу шоҳга келадиган углеводлар чекланганлиги сабабидан мевалар ҳажми майда бўлиб қолади, гарчи бошқа шоҳлардаги углеводлар миқдори ортиқча бўлган тақдирда ҳам. Дараҳтнинг юқори қисмida жойлашган мевалар ҳажми яхши фотосинтез натижасида йирикроқ бўлади. Шунинг учун ёруғлик дараҳт ички қисмига ҳам тушишини таъминлаш муҳим аҳамиятга эга.


Олмаларда новданинг энг учки гули энг аввал шаклланади, энг аввал гуллаб очилади ва энг йирик мевага айланади. Қуйидаги расмнинг рақами ўнга жойлашган новданинг учида гулкортак шаклланган, чапдагисида эса шаклланмаган.

Олма мевасининг мавсум бошидаги узунлиги олманинг диаметридан катта бўлади. Мавсум ўртасига келиб, иссиқ худудларда диаметри узунлиги билан тенглашади. Ўзбекистоннинг салқин худудларида, жумладан, Жиззах вилоятининг Бахмал туманида, узунлиги катта бўлиб қолаверади. Қуйидаги расмнинг рақами олма шакли қайси худудларда қандай бўлиши тасвирланган.

Илиқ кунлар ва салқин тунлар кўпроқ бир хил катталиқдаги мевалар етилишига ҳисса қўшади. Мевалар шакли бир хилда бўлишига ҳисса қўшувчи бошқа омиллар сифатида кучли ўсувлар пайвандтаг, кўп сий-



Расм-23. Ред Делишес ва Голден Делишес навларида мевалар стандарт кўринишга келишишга Промалиндан (6ВА+GA4+7) фойдаланиш энг яхши натика беради.



Расм-24. Олма мевасида теримдан кейин содир бўладиган жараёнлар тасвирланган. Олма мевасида ҳам барг орқали бўладиган нафас олиш жараёни кузатилади. Бунда олма меваси атрофдаги кислород ёрдамида таркибидаги шакарни парчалаб, ўз биологик жараёнларига сарфлайди. Нафас олиш натижасида шакардан ташқари карбонат ангирид ва иссиқлик пайдо бўлади. Шу сабабли теримдан кейин меваларнинг нафас олишини секинлатиш учун атмосфераси бошқариладиган совуқхоналарда кислород дарражаси пасайтирилади.

ракратиш ёки кам гул очиш, бош гул (марказий гул) ва пуркаладиган гормонларни кўрсатиш мумкин.

Мева шаклига кучли таъсир ўтказувчи энг муҳим омиллардан бири ҳар бир уруғдоннинг самарали чангланишидир. Агар чангланиш тартибсиз равишда амалга ошса, ҳосилнинг катта қисми шакли бузилган ностандарт мевалардан иборат бўлади.

Меваларнинг пишишига яқин нафас олиш жараёнининг ўзгариши хусусиятларидан келиб чиқиб, мевалар 2 гурухга бўлинади. Биринчи гурухга нафас олиши кескин тезлашадиган мевалар киради, яъни теримдан кейин тез пишиб нобуд бўлади (ёки хомроқ терилсада вақт ўтиши билан юмашаш хусусиятига эга) ва улар умумий қилиб климактерик мевалар дейилади. Климактерик бўлмаган мевалар иккинчи гурухни ташкил этиб, пишиш жараёни бошланганда уларнинг нафас олиш тезлиги ўзгармайди. Биринчи гурух вакиллари сифатида олма, нок, ўрик, шафтотли, олхўри, авокадо, банан, киви ва помидорни

кўрсатиш мумкин. Гилос, узум, ананас, қулупнай ва цитрус мевалар иккинчи гурухга киради.

Меваларнинг нафас олиш тезлиги ошиши ва этилиш билан, юмашаш, яшил ранг йўқолиши, ёғли модда тўпланиши ва ҳид чиқариш каби бир қатор жараёнлар тезлашади. Шунингдек, мева таркибидаги моддалар (органик тузлар, липид, крахмал ва шакар) эриш тезлиги ҳам ортади.

Крахмал парчаланиши натижасида ажраладиган шакар мевалар нафас олиши орқали амалга ошадиган моддалар алмашинувида иштирок этади. Олма кислотаси олма, нок ва ширип гилос таркибидаги катта миқдорда учрайдиган органик кислота ҳисобланади. Гарчи шакар концентрацияси ҳар уч мева таркибидаги ҳам олма кислотасига қараганда анча юқори бўлсада, пишиш даврида олма кислотаси тезроқ сўрилади. Бу эса шакар ва кислота нисбат кўрсаткичи ортишига сабаб бўлиб, у меваларнинг таъмига таъсир кўрсатади.



Расм-25. Мева пишиб етилган ва таркибида крахмал қолмаган. Бундай меваларни совуқхонада сақлаш ярамайди.



Расм-26. Пишиб етилмаган мева.



II. Олма дарахтларининг ташқи мухит шароитларига бўлган талаби


1. Ёруғлик.....	15
2. Иssiқлик	16
3. Сув.....	17
4. Ҳаво.....	18
5. Тупроқ.....	19

1. Ёруғлик

Ёруғлик фотосинтезнинг асосий омилни ҳисобланади. У ўсимлик аъзоларининг ўсиши ва ҳосил бўлишига ёрдам беради. Баргларнинг транспирациясига, ўсуви аъзоларининг йўналишишига ва бошқаларга таъсир кўрсатади. Сийраклаштирилган шох-шаббанинг баргларига қалин шох-шаббанинг баргларига нисбатан ёруғлик кўп тушади.

Ёруғлик етишмаганда гулкортаклар шаклланмайди, баргли новдалар юқорига қараб жуда тез ўсади, чўзилади ва ингичкалашади. Узоқ вақт ёруғлик етишмаганда эса, барг пластинкалари майдага ва рангиз бўлади. Бундай новдаларда куртаклар кеч ёзилади, кўпинча тўла ривожланмайди ва гулкортаклар нуқсон билан гуллайди. Мевалар ҳажми кичиклашади. Дарахт ичкарисидаги мевалар ўзига хос рангга (қизил ёки пушти) эга бўлмайди. Пастки шохлар ўсуви шохчалардан маҳрум бўлади ва тез куриб қолади.

Дарахт ўсан сари катта барг қоплами ҳосил бўлади, ёруғлик дарахтнинг кейинги ўсиши ва ривожланишини чегараловчи омил бўлиб қолади. Четки ёруғлик дарахт ичкарисидаги ёруғлиқдан 5–15 марта кучлироқ бўлади. Шу сабабли, ҳосил шохлар дарахтнинг ички қисмидан четки қисмига сурилади ва ёруғлик тегмайдиган шохлар қурий бошлайди.




Расм-27. Дарахтнинг турли қисмларида ёруғлик даражасининг турлича бўлиши тасвирланган.

Дарахтга тушаётган ёруғлик даражаси мева рангига бевосита таъсир кўрсатади. Интенсив қўёш нурлари тўғри тушадиган тоғли шароитларда олма, нок ва шафтоли меваларининг ранги яхши ҳамда шакари кўп бўлади. Қўёш нурлари мевали дарахтларда бир нечта функцияни бажаради. Қўёш нурлари фотосинтез, гулкортаклар ривожланиши, мева тузиши, мева ривожланиши ва сифатини яхши бўлишиши (ранги ва ҳажми) жуда катта таъсир ўтказади.

Қўёш нурларининг тўғридан-тўғри меваларга тушиши олма, нок, шафтоли, нектарин ва ўриқда қизил пигментларни (ранг) пайдо бўлиши учун жуда зарурдир. Бошқа мевалар, гилос, узум ва олхўрида бундай талаб йўқ. Қизил рангли олмаларда қизил пигментнинг ҳосил бўлиши учун 70–80% тўлиқ қўёш нурлари тушиши зарур. Дарахтнинг ички томонидаги фотосинтез яхши бўлсада, меваларда ранг пайдо бўлиши учун етарли эмас.

Соянинг кўплиги мева рангини ва шакар микдорини камайтиради. Барг билан тўсилган мева пўстини рангсиз бўлишидан қўёш нурлари ранг пайдо қилишда



Расм-28. Ёруғлик даражасининг мева куртаклари ривожланишига таъсири.



қанчалик мухим эканлигини тушуниш осон. Барглар рангини яшил құлупчы хлорофил олмаларнинг яшиллигини таъминлайды.

Ҳосилдорлик ва меваларнинг сифати дараҳтларни қай даражада қүёш нурларини ушлаб қолиши ва қай даражада нурларни дараҳт шох-шаббасига кириб боришига (**нурларнинг тарқалиши**) боғлиқдир.

Еш құчатлар экилған дастлабки йилларда қүёш нурларини ушлаши ва ҳосилдорлик үртасида боғлиқпік катта бұлади (күпроқ нурларни ушласа күпроқ ҳосил). Лекин дараҳтлар етилған вактда бунинг тескариси бўлиши мумкин (нурларни кўп ушлашига қарамай ҳосил камаяди). Бунинг асосий сабаби нурларни дараҳт ичкарисида бир текисда тарқалмаётганидир.

Биринчи ва иккинчи йилларда қүёш нурларини кўпроқ ушлаш учун 1,5–1,8 метрли құчатларни зич экиш лозим бўлади. Дараҳт баландлигини қатор кенглигининг 80% га тенг ёки пастроқ ҳолатда шакллантириш керак. Масалан, қатор ораси 3 метр бўлса, дараҳт баландлигини 2,4 метрдан оширмаслик керак (Голден Де-лишес, Гренни Смит ва шу каби қүёш нурлари орқали рангланмайдиган навларнинг баландлигини 3 метргача ўстириш мумкин).

Агар олма дараҳтларининг тепа қисмida жойлашган новдалар ўсишини сустлаштира олмасақ, дараҳт ўсишини бошқариш жуда қийин бўлади. Тепа қисмida новдалар ўсишини сустлаштиришнинг бир нечта усуллари мавжуд (кўпроқ мева кўйиш, кечиктириб гуллашдан 2 ҳафтадан кейин ёки ёзда кесиш, новдаларда 12 та барг пайдо бўлганда кесиш, ўсишни секинлатувчи кимёвий препаратлардан фойдаланиш, новдаларни эгиш ва бошқалар).

Дараҳтларга тўғри шакл бериш ва кесиш орқали қүёш нурларини дараҳт ичкарисида бир хилда тарқалишига эришиш билан боғдан иқтисодий фойда кўриш мумкин. Қалин бўлмаган шох-шабба тизими шакллантирилганда нурлар бир маромда тарқалади, ҳашарот ва касалликлар камаяди, ҳаво яхши айланади, кимёвий воситалар самараси ошади. Қўёш нурлари гулкуртаклар ривожланишида, мева тугилишида ва ривожланишида жуда катта аҳамиятга эга.

2. Иссиқлик

Фотосинтез жараёни учун энг қулай ҳарорат 25–30°C. Мевали дараҳтлар юқориго ҳароратларга мослашишлари мумкин. Барг юзаси орқали сув буғланиши иссиқ худудларда ўсуви дараҳтлардагига нисбатан юқорироқ суръатда амалга ошади. Ҳарорат 35°C га чиққанда баргларда кучайдиган сув буғланиши уларнинг ҳароратини 2–3°C га пасайтириб, фотосинтез учун қулай шароит яратиб беради. Ҳарорат 38°C дан ошиб кетгандан фотосинтез камаяди. Иссиқ худудлардаги олма боғларда дараҳтларнинг сув таъминоти диққат билан кузатиб борилиши лозим, чунки юқори ҳарорат таъсири остида теззашадиган буғланиш суръатини ушлаб туриши учун баргларга кўпроқ сув керак бўлади.

Иссиқ шароитда меваларни салқинлатиш мева тўқималари таркибидағи углеводларни сақлаш имконини беради, акс ҳолда углеводлар нафас олиш жараёнига сарфланиб кетади.

Мевали дараҳтлар 5–8 ҳафта давомида 5–7°C ҳарорат остида совукқа бўлган эҳтиёжни қондириши талаб этади. Дараҳтлар, одатда, 500 дан 1400 гача совук бирлиги олиши керак бўлади (1 совук бирлиги 5°C ҳарорат остида 1 соат туришга тенг). Ҳароратнинг 1°C дан тушиб кетиши ёки 15–20°C дан юқори бўлиши дараҳтлар совукқа бўлган талабини қондириши ва қишки уйқудан ўз вақтида уйғонишига ҳисса қўша олмайди.

Иссиқ кунлар (31°C дан юқори) ва иссиқ тунлар (25°C ва ундан юқори) меваларда ранг пайдо бўлишига салбий таъсир кўрсатади. Шу сабабли иссиқ кунлар ва илиқ тунлар ранг пайдо бўлишига тўсқинлик қилади. Фотосинтез кучисиз бўлади ва углеводлар ранг пайдо бўлиш жараёнинга етмайди. Бундай кунлар узоқ давом этганда, пайдо бўлган ранг ҳам йўқолиб кетиши мумкин. Бу нарсани Пинк Леди олма навида кузатиш мумкин. Айрим ҳолларда бу нав яшил рангга айланиб қолиши мумкин. Иссиқ кунларда олмалар ўзининг биологик жараёнларини давом эттириш учун мевадаги рангдан фойдаланиши мумкин ва натижада яшил ранг ҳосил бўлади. Кунлар салқинлашганда мевалар ранг олишда давом этади. Ранг бериш учун зарур қўёш нурлари меваларнинг куйишига ҳам сабаб бўлиши мумкин.

Иссиқлик энергия омили сифатида транспирация, фотосинтез, фенофазаларнинг бошланиши ва узунлигига таъсир кўрсатади. Иссиқлик етишмаса ўсув даврида фотосинтез сусаяди, ўсимлик ўсишдан қолади, қишига тайёргарлиги бузилади, мевасининг сифати ёмонлашади, уларнинг шира йиғиши ва пишиб етилиши чўзилади, керакли рангга эга бўлмайди. Илдизлар 2,5–5,4°C даражада ўса бошлайди, куртаклар 5–10°C даражада атрофида ёзилади, мева куртаклари эса 15–25°C даражада дифференциацияланади.

Жанубий навлар шимолий ерларда ҳамда тоғларда ўстирилганда мевалар кеч пишади. Шимолий навлар жанубий ерларда етиширилганда бир ойгача эрта пишиши мумкин. Шимолий давлатларда яратилган кузги-қишки навлар Тошкент атрофида ёзги навга айланади. Фақатгина ёзги навга айланмай, мевалари иссиқлик кўплигидан хушбўйлигини йўқотади, қўёшда куяди, кумоклашади, кам сув бўлиб қолади, тезроқ пишади, тўкилади ва ёмон сақланади. Масалан, Голландиянинг Элстар нави пишишга яқин юмшаб, сувсиз бўлиб қолади. Жонағолд, Рубин стар ва шу оиласа мансуб



Расм-29. Қўёшда куйган мевалар.



навлар эса юмшаб, тўкилиб кетиши ҳам мумкин. Навларниң шароитга мос келадиганларини танлаб экиш жуда муҳим ишлардан ҳисобланади.

Юқори ҳарорат дараҳтларга катта зарар етказиши мумкин. Ҳарорат 35°C дараҷадан юқори бўлганда фотосинтез сусайди ва узок таъсир этса мева эрта пишади. Бундан ташқари, мева мазаси, ранги, хушбўйлиги бузилади ва тўкилиб кетади. Дараҳт 50–60°C дараҷагача қизигандага пўстлоқлари, барглари, танаси, бутоқлари ҳамда мевалари куяди. Айниқса, июль ва август ойларида олманинг кузги ва қишки навлари қўёш иссиқлигидан куяди ва қийматини йўқотади.

Ер ости сувларининг юзалиги, азотли ўғитларнинг кеч солиниши, кузги суғоришлар ўсимликларнинг ўсиши ҳамда қишига тайёргарлигини чўзиб юборади. Дараҳтлар танаси ва она шохларнинг жануб ва жанубий-гарб (қўёш ботар) томонга қараган қисмлари қиши вақтида баъзан қўёш нури таъсирида куяди, қизиш ва совишнинг кескин алмашиниши натижасида уларнинг пўстлоғи заарланади.

Олма навларининг пўстлоғи, кўпинча, қишки паст ҳароратнинг ўзгариб туришдан заарланади. Бу ҳол, кўпинча, пўстлоғи қорамтири ўсимликларда куйганга ўхшаш содир бўлади ва юзаки бўлиши мумкин (ёғочликка ўтмайди). Пўстлоқ бу ҳолда қизғиши доғли бўлиб, қурийди ва майда тангачалар ҳолида тушиб кетади – «пўст ташлайди». Дараҳт танаси ва шохлари қўёш нуридан исиган томонининг қишида қўёш ботгандан кейин ҳарорат тезда пасайиши натижасида кучли заарланади ва пўстлоғи ёрилади. Ёзги юқори ҳарорат ҳам тўқималарга кучли таъсир этиб, тана ва шохларни қуидириши мумкин.

Пўстлоғи куйган дараҳтлар замбуруғ ва бактерияли касаллilikларга берилувчан бўлиб қолади. Нок дараҳти-



Расм-30. Қишида заарланган дараҳт.

нинг пўстлоғи олманикига қараганда кам куяди. Бунинг сабаби нок дараҳтининг пўстлоғи очроқ рангда бўлиб, олманик каби кўндалангига эмас, балки узунасига ёрилади. Гилос дараҳтининг пўстлоғи юпқа бўлиб, қўёш нури таъсирида кушишга анча таъсирчан бўлади.

Қишида ҳаво ҳарорати тез ва кучли пасайганда дараҳт танаси ва шохлари ёрилиб кетади, тана ва шохнинг ўртасигача борадиган чуқур ёриклар ҳосил бўлади. Бу, кўпинча эрталаб, қўёш чиқиб, тана ва шох тўқималарининг юза ва чуқур қатламларидағи ҳароратнинг кескин фарқ қилиши натижасида содир бўлади. Бунда тўқималар сувсизланади, чўзилади ва узилади.

Баъзи ҳолларда чуқур экилган ўсимликлар танасининг қишида паст қисмидаги пўстлоғи могорлаб чирийди, ёғочликдан ажралади ва парчаланиб (увадаланиб) кетади.

3. Сув

Сув ўсимликнинг таркибий қисми ҳисобланади ва унинг барглари, шохлари, илдизлари ва меваларининг умумий оғирлигига нисбатан 72–86% ни ташкил этади. Сув ёрдамида фотосинтез ҳамда ўсиш жараёни интенсивлиги рўй беради.

Ўсимлик сув орқали ташки мухит билан боғланади. Тупроқдаги минерал моддаларни эритади ва улар билан бирга ўсимликка ўтади. Ўсимликка ўтаяётган сув кам миқдорда озиқланиш ҳамда фотосинтезга сарф бўлади ва деярли ҳаммасини ўсимликлар транспирацияга – буғланишга сарфлайди.

Транспирация, яъни буғланиш физиологик жараён ҳисобланади. Усиз фотосинтез бўлмайди. Буғланиш туфайли сув оқими тўхтовсиз пастдан юкорига ва шу билан бирга минерал тузлар илдизлардан баргларга ўтиб туради. Буғланиш барглар ва дараҳтнинг бошқа қисмларининг ҳароратини пасайтиради, бу эса исик иқлим шароитида жуда зарур ҳисобланади. Буғланиш миқдори сувни буғлантирувчи сатҳга тўғри пропорционал бўлади.

Баргдаги стоматалар (барг оғизаси) орқали сув буғланади. Стомата баргларнинг пастки қисмida жойлашган жуда кичик тешикчалардир. Стоматадан карбонат ангидрид баргларга киради ва кислород чиқади, сув эса буғланади.

Ҳарорат, намлик ва шамол ҳам буғланишга таъсир этади. Дараҳт стоматаларни очиб ёки ёпиб буғланишни назорат қиласи. Илдизларга намлик етишмаганда улар дараҳтга ўсишни тўхтатиш тўғрисида хабар жўнатади. Ушбу хабар абциз кислотаси сифатида стоматага хабар бериб, буғланишни камайтиради ва барглар куришининг олдини олади. Дараҳтга сув етмаганда, курғоқчилик даврига ўзини тайёрлайди. Стомата ярим очиқ ёки умуман ёпиқ ҳолга келади ва фотосинтез кучсизланади. Бу ҳол 1 ёки 2 кун давом этса муаммо бўлмайди. Аммо фотосинтез узок муддат кучсизланса, мева ва новдалар ўсиши тўхтайди ва барглар қурийди. Дараҳтларга озуқа моддалар таъминоти тўхтай бошласа, барглар тўқилишидан олдин дараҳтлар улардаги озуқаларни қайтариб олади.

Гуллаш ва гулларнинг очилиши даврларида, мевалар, новдалар, гулкуртаклари дифференцияланиши-



нинг дастлабки даврларида сув кўп талаб қилинади ҳамда бу вақтдаги қурғоқчилик ўсимликлар учун ҳалокатли ҳисобланади. Гуллар тўлиқ ривожланмайди, тугилган мевачалар тўкилади, дараҳт барглари сийраклашади, ўсимликларнинг умумий ўсиши сустлашади ёки ўсишдан бутунлай тўхтайди, баргнинг ривожланиши камаяди, гуллаш жараёни бир текис ўтмайди, қолган меваларнинг сифати камаяди.

Ўсиш ва ҳосил бериши учун мевали дараҳтлар ерга тушадиган намлиknинг 0,2–0,5 фоизинигина ўзлаштиради. Қолган сув транспирация, фильтрация ва оқиб кетишга сарф бўлади.

Паст бўйли пайвандтагларга уланган дараҳтлар кучли пайвандтагдаги дараҳтларга қараганда қурғоқчиликка чидамсиз бўлади. Кўпчилик ўсимликлар учун тупроқда сувнинг етишмаслиги сингари, намнинг ҳаддан ташқари ортиқча бўлиши ҳам заарлидир. Тупроқ ҳаддан ташқари нам бўлганда (ер ости сувларининг юза бўлиши, тез-тез суғориш) унга ҳаво кислороди ўтмайди, тупроқ аэрацияси тўхтайди, карбонат ангидрид, органик кислоталар, шунингдек, ўсимликлар учун заарли бўлган органик ва анорганик моддалар тўпланди. Тупроқда сувнинг узоқ вақт тўпланиб қолиши натижасида ўсимлик илдизлари ва илдиз бўғзи нам тортиб чирийди ва нобуд бўлади.

Мева ўсимликлари тупроқ намлиги дала нам сифимиға нисбатан 70–80% бўлганда ўсади, 70% дан пастга тушганда ўсимлик нам етишмаслигидан зарар топади, 90–95% юқори бўлганда тупроқда кислород етишмаслиги сезилиди.

Фаол илдизлар тупроқ намлиги дала нам сифимиға нисбатан 100% га яқин бўлганда ўсади. Тупроқ бостириб (кўплатиб) суғорилганда илдиз тукчалари ҳавонинг сикиб чиқарилиши туфайли кислороддан маҳрум бўлиб қурийди ва дараҳт сўрувчи тизимдан (сўрувчи илдизчаларидан) маҳрум бўлади. Сув узоқ вақт бостирилса илдизлар чириб қурийди, натижада дараҳт тепа қисми, кейинчалик эса, шох-шаббанинг қолган қисми ҳам қурийди.

Йилнинг октябрь ойида дараҳтлар, одатда, ўсишдан тўхтайди ва улар нам талаб қилмайди. Уларга август ва сентябрь ойларидаги суғоришлар етарли бўлади. Тупроқ намлигининг ошиб кетиши (кўп миқдорда ва катта ҳажмда суғориш) ҳам боғ учун заарлидир, чунки бунда тупроқ ботқоқланиб, унинг физикавий хоссалари, айниқса, ҳаво режими ёмонлашади, илдиз тизимиғининг ўсиши ва фаолияти учун ноқулай шароит пайдо бўлади. Захлатиб суғориш дараҳтларнинг ўсишини кечиқтириб юборади ва уларнинг совуққа чидамлилигини камайтиради.

Шира ҳаракати бошланган даврда ўсимликлар, айниқса намга талабчан бўлади. Новдалар ўсан, барглар кўплайган, мевалари ҳосил бўлган ва катталашган сари бу талаб ошиб боради. Ўсиш даври охирига бориб ўсимликларнинг сувга бўлган талаби камаяди.

Сизот сувлари юза жойлашган ва шўрланган тупроқни қондириб суғориб бўлмайди. Акс ҳолда сув тупроқнинг чуқур қатламларига кириб, у ердаги тузни тупроқнинг устки қатламига олиб чиқади ва ерни шўрлантиради. Бундан ташқари, қондириб суғориш сизот сувлар сатҳини кўтариши мумкин. Буларнинг ҳаммаси мева дараҳтларининг ҳолатига салбий таъсир этади. Шағал қатлами ерлар қондириб суғорилса,

сув озиқ моддаларини ювиб, дараҳт илдизлари етиб бормайдиган чуқур қатламларга олиб кетиши мумкин. Шунинг учун суғорганда фақат тупроқнинг устки куруқ қатламини намлатиш керак.

Кузда дараҳтлар ўз вақтида ўсишдан тўхташи ва қишики тиним даврига тайёрланиши учун мева боғларни суғоришни республиканинг шимолий вилоятларида сентябрда, жанубий вилоятларда эса сентябрнинг ўрталарида тўхтатилади. Ёш боғлар намга кўпроқ талабчан бўлгани учун суғориш сентябрнинг биринчи ярмида, жанубий худудларда ва шағалтошли тупроқларда эса сентябрнинг иккичи ярмида тўхтатилади.

Қатор ораларига экиладиган экинлар танланганда боғдаги мева дараҳтларнинг сувга бўлган талаби боғ қатор ораларига экиладиган экиннинг сувга бўлган максимум талабига мос тушмаслиги керак. Мева дараҳтлари баҳорда, барг ёзаётганда, новдалари ва мевалари ўсаётганда сувни кўпроқ талаб қилади. Шунинг учун боғ қатор ораларига баҳорда сувни кўп талаб қилмайдиган экинлар экилиши лозим. Бундан ташқари, қатор ораларига сентябрь ва октябрда суғоришни талаб қиладиган кечки сабзавотлар ва картошка экиш мумкин эмас. Акс ҳолда бу экинларни суғорганда дараҳтлар ҳам сув ичиб, куз узоқ вақтгача иссик бўлган йилларда уларнинг ўсиши ҳам узоқ давом этади, барглари жуда кеч тўкилади, натижада уларни қишики совуқлар, айниқса, барвақт тушган совуқлар уриб кетади.

Боғ қатор ораларига донли экинлар экилганда улар нитратларни ўзлаштиришда мева дараҳтлари билан рақобат қилади. Натижада нитратлар мева дараҳтлари илдизларига етиб боролмайди. Дуккаклар, аксинча, тупроқда азот тўплайди ва улар шудгорлаб юборилгандан кейин мева дараҳтлари нитратли азот билан таъминланади. Боғ қатор ораларига баланд пояли донли экинлар (маккажӯҳори, оқ жӯҳори), шунингдек, тупроқнинг кучини оладиган кунгабоқар, тамаки, уруғлик беда ҳамда дараҳтларни соялайдиган экинлар эмаслиқ керак.

Агар илдиздан олинаётган сув миқдори барглар орқали буғланайтган сувдан узоқ муддат камайиб кетса, дараҳтларда сув етишмовчилигидан стресс пайдо бўлади. Баҳорда бундай ҳолат бўлмайди, чунки буғланиш ҳарорат пастлиги ҳамда барглар сатҳи кичик бўлганлиги сабабли паст бўлади ва тупроқда намлик етарли бўлади. Аммо тупроқ қуруқ ва дараҳтларга сув етишмаганда, улар эрта ва тезроқ гуллайди. Бу нарса мева тугишини камайтиради ва кўп мева тўклишига олиб келади. Гуллашдаги қуруқ ҳаво ҳужайралар бўлиниш жараёнини қисқартиради ва мевалар ҳажмининг кичик бўлиб қолишига олиб келади. Тугилган ёш мевалар яқинидаги барглардан озуқа кутади. Новдалардан кўра меваларда сув етишмовчилигига сезувчанлик кучлироқдир. Сув етишмовчилиги новдалар ўсишини суслаштириб, баргларни кичкина бўлиб қолишига олиб келади. Натижада меваларга етарли ҳажмда барглар бўлмайди.

4. Ҳаво

Тупроқдаги ҳавода кислород атмосферадагига қараганда кам бўлади. Тупроқ зич, структурасиз ҳамда ўта нам бўлса кислород кам бўлади ва ўсимлик кислород етишмаслигидан заарланади. Ўсимлик фотосин-

тез учун зарур бўлган карбонат ангидриднинг 38–70% ини тупроқдан олади. Карбонат ангидрид гази етишмаганда ўсимликда фотосинтез жадаллиги сезиларли даражада камаяди.

Шаҳарлар ва саноат марказлари ҳавосидаги турут буғлари олтингугурт гази, сульфат ангидрид, хлор ва бошқалар, ҳатто уларнинг оз миқдордагиси ҳам ўсимликларга зарарли таъсир кўрсатади. Олтингугурт гази хужайраларга кириб, улар таркибини нордонлаштиради, моддалар алмашуви ва ферментлар фаолиятини бузади, натижада плазманинг қуюқланиши ҳамда ўсимликларнинг куриб қолишига сабаб бўлади.

Шамолнинг ўсимлика таъсири ҳар хил бўлади. Унинг катта тезлиқдаги таъсири натижасида ўсимликда мева ва барглар ҳазон бўлади, фотосинтез сусаяди, чангдон ва уруглар кўчади. Дараҳтлар тебранганда сув ва пластик моддаларнинг оқими бузилади, шохлар ва тана эгилади, натижада ўшиш 10–15 % гача камаяди. Шу сабабли, интенсив боғларда биринчи ва иккинчи йилларда кўчатларнинг лидер шохларини симбағазга ўз вақтида бойлаш ўсишни тезлатади ва эрта ҳосил олишига ёрдам беради.

Кучли шамоллар гул ҳамда ёш тугунчаларни зарарлайди, гулларни ари ва ҳашаротлар томонидан чангланнишига халақит беради. Куруқва иссиқ шамоллар (гарм-селлар) ҳавони куритади. Бундай ҳолатда буғланиш кучайиб кетади, илдизлар керакли миқдордаги сувни баргларга етказиб беришга улгура олмайди. Гармсеп узоқ давом этадиган бўлса, ўсимликлар сўлиб қолиши мумкин.


Шамолнинг ижобий таъсири шундаки, у дараҳтлар орасида тўпланиб қолган нам ҳавони йўқотади ва шу билан уларнинг замбуруғ касалликлари билан зарарланишини камайтиради, ўсимликлар совуқдан ва эрта баҳордаги совуқлардан зарарланиши мумкин бўлган пастқам жойларда совуқ ҳаво массасининг тўпланишига йўл қўймайди.

5. Тупроқ

Тупроқ таркибидаги ҳаво ўсимликларнинг ҳаёти учун катта аҳамиятга эга. Тупроқда ҳаво сув бўлмаган ҳамма тешикларни тўлдиради. Тупроқ ҳавосида карбонат ангидрид гази атмосферадагига нисбатан анча кўп, кислород эса бир оз кам бўлади.

Мевали ўсимликларнинг яхши ўсиши ва ҳосил бериши учун тупроқ ҳамда тупроқ ости қатламлари сув ва ҳавони ўтказувчан бўлиши жуда муҳимdir. Тупроқ ости берч, лойқа, тош ва шағалли қатламлардан иборат бўлса, ўсимликлар ёмон ривожланади, баъзи ҳолларда улар нобуд бўлиши ҳам мумкин. Тупроқ остининг сув ўтказувчанлиги ёмон, шунингдек, ер ости сувлари юза жойлашганда тупроқ боткоқланиши мумкин. Сув бундай тупроқ ва тупроқ остидан ҳавони сикиб чиқаради ва мевали дараҳтларнинг илдизлари аста-секин курий бошлайди. Дараҳтлар суст ривожланади, совуққа, касалликларга чидамсиз бўлади. Ер ости сувлари юза бўлган ерларда дараҳтлар юқори томонидан курийди ва нобуд бўлади.

Тупроқ ҳаво мухити чукур ҳайдаш ва тупроқни юмшатиш билан яхшиланади. Тупроқ ости қатлам енгил кумли ва тош шағалли ерларда ҳам мевали ўсимликлар жуда яхши ўスマйди. Чунки бундай тупроқлар сувни



Расм-31. Ишқорийлик даражасига кўра макро- ва микро- элементларнинг илдизлар олиши учун қулай шаклга ўтиши тасвирланган. Агар тупроқ ишқорийлиги 7,5 бўлса, дараҳтлар марганецни тупроқдан олишига қўйналади ва аксинча, бошқа барча элементлар илдизлар оладиган шаклда бўлади.

ўтказиб юборади, тез-тез сугоришни талаб этади, озик моддалар осон ювилиб кетади. Бундай ерларда томчилик сугориш тизими, айниқса, кўл келади.

Мева ўсимликларнинг яхши ўсишида **тупроқ эритмаси реакцияси – pH** катта аҳамиятга эга. Бу кальций ҳамда ўсимликлар учун зарарли ҳисобланган бир қатор тузлар – хлор, карбонат, сульфат тузларига боғлик. pH ҳар хил даражада бўлганда тупроқда физик-кимёвий ҳамда бактериологик жараёнлар турлича кечади ва шу тифайли мевали дараҳтлар pH даражасига ҳар хил муносабатда бўлади. Тупроқ эритмаси реакциясига нисбатан мевали дараҳтлар уч гурухга бўлинади. Резавор-мевалилар учун нордон ва бир оз нордон тупроқлар (pH 4,6–5,7); уруғ мевалилар (олма ва нок) учун бир оз нордон ва нейтрал тупроқлар (pH 6,5–7); данак мевалилар, айниқса ўрик, уруғ мевалилардан беҳи учун кам ишқорли тупроқлар яхши ҳисобланади.

Оҳакка бой бўлган тупроқларда темир етишмовчилигидан мева дараҳтлари хлороз касаллигига учрайди.

Тупроқ ишқорийлиги илдиздан дараҳтларга борадиган озуқалар миқдорининг камайиши ёки кўпайишига таъсир кўрсатади. Ишқорийлик ўзгариши дараҳт учун зарарли алюминий ва марганец миқдорини кўпайишига олиб келиши мумкин. Бундан ташқари, ишқорийлик илдизларнинг ўсишига, азотни тупроқда айланишига ва микроорганизмлар ҳолатига салбий таъсир кўрсатади. Сув ишқорийлиги pH 6,5–7,5 бўлганда тупроқдаги фойдали элементларнинг энг кўп қисми дараҳт ўзлаштира оладиган ҳолатта ўтади. Ишқорийлик дистилланган сув билан тупроқни арапаштирилиб аниқланади.



III. Олма дарахти пайвандтаглари


1. Пайвандтаг турлари ва уларнинг хусусиятлари	20
2. Пакана пайвандтагларнинг ўзига хос хусусиятлари.	23

1. Пайвандтаг турлари ва уларнинг хусусиятлари

Паст бўйли олма пайвандтагларининг мавжуд формалари биринчи марта Ист-Моллинг тажриба станциясида (Англия – профессор Р. Хеттон ва унинг ходимлари томонидан) тизимга солинган. Бу станция турли мамлакатлардан (Англия, Германия, Голландия, Франция) келтирилган клон пайвандтагларининг 70 дан ошиқ турини тўплади ва уларни ўрганиб чиқиши асосида 1939 йилда барча паст бўйли олма шаклларини 16 турга ажратди ва уларга I дан XVI гача рақам қўйиб чиқди. Ана шу гурухлашга мувофиқ

VIII ва IX турлар пакана ўсимлик гуруҳларига киради. Хеттон томонидан тизимга солинган олма турлари мевачиликка оид халқаро адабиётларда рим рақамларидан ташқари ҳарф қўшимчаси «M» га ҳам эга (Ист-Моллинг станциясининг биринчи ҳарфи); масалан, IX тур – M IX (M9).

Бундан ташқари, 1921 йилда Моллинг тажриба станцияси Мертондаги (Англия) боғдорчилик институти билан биргаликда клон пайвандтагларнинг 15 та янги кўринишини ажратиб олди. 101 дан 115 гача рақам қўйилган бу кўринишлар Мертон-Моллинг пайвандтаглари номини олди ва шунинг учун MM ҳарфлари билан белгиланади. Шулар орасидан



Расм-32. А. Пайвандтаг турларига
кўра экиши зичлиги тасвирланган.


Пакана пайвандтаглар:
Симбагаз тизими лозим.
M.26
M.9
B.9
O.3

Яirim пакана пайвандтаглар:
Симбагаз тизими шамолли худудларда зарур (ердан 1-1.5 метр баландликда)
M.7
MM.106
MM.102

Кучли ўсувчи пайвандтаглар:
Симбагаз тизими зарур эмас.
MM.111
MM.109
B.118
M.793
M.25



Расм-32. Б. Пакана пайвандтаг узунлигини пайвандуст үсишига таъсирӣ. Демак пакана пайвандтаг ер сатҳидан қанча баланд уланган бўлса, пайвандуст үсиши шунчалик кучсиз бўлади.



ММ106, ММ109 ва ММ111 энг яхши ярим пакана пайвандтаглар бўлиб чиқди.

Ургдан ўстирилган пайвандтагга уланган дарахтларни интенсив боғга экиш тавсия этилмайди.

Дарахтларни, асосан, ёзда кесиб, энг муҳими үшиш даврида (қишида ёки кузда эмас) тарбиялаб, мевали новдаларни шаклланишига олиб келадиган ишларни бажариш ММ106 пайвандтагида эрта ҳосил олишина таъминлайди. Иккинчи ва учинчи йилда ҳосил олиш дарахт үсишини сустлаштириб, унинг ҳосилдор бўлишига сабаб бўлади.

М. 9 – пакана пайвандтаг. Келиб чиқиши: Ист-Моллинг, Англия, 1912.

Ўсиш тезлиги: Пакана, баландлиги 2 метр.

Кўпайтириш: Пархиш усулида яхши кўпаяди. Пархиш новдалари камроқ бўлади, аммо яхши илдиз отади. Пажам 2 тури тез кўпаяди.

Чидамлилиги: Штамб чириши (фитофтороз)га кам чидамли. Қон бити ва бактериал куйишга чалинчувчан.

Қўшимча маълумотлар: Интенсив боғларда пакана пайвандтаг сифатида қўлланилади. Симбағаз тизимини талаб этади. Чукур унумдор тупроқка экиш тавсия этилади. Дарахтлар барвақт ҳосилга киради. Илдизлари совукка чидамсиз (-9°C).

М. 9 пакана пайвандтагининг вируслардан тозаланган турлари (клонлари):

1) Флоурен 56 (Фл 56) – Голландия. М. 9 нинг энг секин ўсуви клони ҳисобланади. М. 9 дан 15% секин ўсади.

2) НАКБ Т. 337 – Голландия. Вируслардан тозаланган энг кўп қўлланиладиган М. 9 клони ҳисобланади. Ўзбекистонга келтирилган пакана кўчатларнинг аксарияти Т. 337 клонига пайванд қилинган.

3) Николай 29 (Ник. 29) – Бельгия. М. 9 нинг энг тез ўсуви клонларидан бири ҳисобланади. Кучсиз тупрок шароитида ушбу пайвандтагдан фойдаланиш мумкин.

4) Пажам 1 – Франция. Пархиш усулида кўпайтириш осон. М. 9 дан 10% секин ўсади.

5) Пажам 2 – Франция. Пархиш усулида кўпайтириш осон. М. 9 дан 10% тезроқ ўсади.

М. 26 – пакана пайвандтаг.

Келиб чиқиши: Ист-Моллинг ва Джон Инс, Англия, 1929. М. 16 x М. 9.

Ўсиш тезлиги: М. 9 га нисбатан 10–15 % тезроқ үсишига қарамасдан, иссиқ мамлакатларда М. 9 пайвандтагидан кўра секинроқ үсиши кузатилган.

Кўпайтириш: Пархиш усулида яхши кўпаяди. Пархиш новдалари яхши илдиз отади. Ёғочланган (пишган) қаламчалардан яхши кўпаяди.



Расм-33. М. 9 пайвандтагининг новда ва барги.



Расм-34. М. 26 пайвандтагининг новда ва барги.



Расм-35. Бурнотларнинг кўриниши.

Чидамлилиги: Штамб чириши (фитофтороз)га мойил. Кон бити ва бактериал куйишга чалинувчан. Бурнотлар (илдизлар гуруҳи) пайдо бўлиши мумкин.

Қўшимча маълумотлар: Интенсив боғларда пакана пайвандтаг сифатида қўлланилади. Симбағаз керак бўлиши мумкин. Гала, Фуджи, Пинк Леди навларига мос келади. Дараҳтлар барвақт ҳосилга киради. Тупроқнинг унумдор бўлишини унча танламайди. Ўзбекистонга Польша давлатидан келтирилган олма дараҳтларининг аксарияти М. 26 пайвандтагига уланган.

М. 26 пайвандтагининг камчиликлари.

1. Юқорида айтиб ўтилганидек, М. 26 пайвандтагида бурнотлар кўп пайдо бўлади. Бурнотлар илдизлар гуруҳи ҳисобланади ва дараҳт ўсишини сустлаштиради, натижада боғда турли кучда ўсадиган дараҳтлар пайдо бўлади. Қўйидаги расмларга қаранг.

2. Бурнотлар орқали турли зааркунандалар зарарлаш эҳтимоли юқори. Айниқса бактериал куйиш билан зарарланиши осон бўлади. Расм-35.

3. Тупроқдан кальций ўзлаштириш қобилияти ёмон бўлганлиги туфайли олмаларни сақлашда кальций етишмовчилиги зарари яққолроқ кўринади.

Бурнотлар пайдо бўлишини олдини олишнинг энг яхши усули М. 26 пайвандтагини пайвандуст туташган жойигача яқинлаштириб, тупроқ билан кўмишдир. Пайвандуст илдиз отишининг олдини олиш шарти билан.

Бу зарарни камайтириш учун кальций нитрат воситалари билан камида 6 марта япроқقا ишлов бериш керак. Кальцийни тупроқдан яхши ўзлаштирадиган Гала нави ва бошқалар бундан мустасно.

ММ. 106 – ярим пакана пайвандтаг.

Келиб чиқиши: Ист-Моллинг ва Джон Инс, Англия, 1920. Норзэрн спай х М. 1.

Ўсиш тезлиги: Ўсиш тезлиги М. 7 га ўхшаш.

Кўпайтириш: Пархиш усулида жуда яхши кўпаяди. Асосий тупи ўртача миқдорда яхши илдиз отган пархиш новдалар беради. Улардан кўплаб кўчат олинади. Қаламчалари гормон ёрдамида осон илдиз чиқаради.

Чидамлилиги: Штамб чириши (фитофтороз)нинг кўп турларига чалинувчан. Кон битига чидамли.

Қўшимча маълумотлар: Ярим интенсив боғларда ярим пакана пайвандтаг сифатида қўлланилади. Илдизлари нисбатан совуқча чидамли (-12°C). Илдизларидан бачкиламайди. Дараҳтлар барвақт ҳосилга киради. Тупроқнинг унумдор бўлишини унча танламайди аммо тупроқнинг сув ўтказувчаник хусусиятига талабчан. Ҳосилдорлиги жуда юқори.

ММ. 111 – кучли ўсуви пайвандтаг.

Келиб чиқиши: Ист-Моллинг ва Джон Инс, Англия, 1920. Норзэрн спай х Мертон 793.

Ўсиш тезлиги: Ўсиш тезлиги ММ. 106 дан бир оз кучли.

Кўпайтириш: Пархиш усулида жуда яхши кўпаяди. Асосий тупи кўргина яхши илдиз отган пархиш новдалар чиқаради. Улардан кўплаб кўчатлар ҳосил бўлади.

Чидамлилиги: Штамб чириши (фитофтороз) ва кон битига чидамли.

Қўшимча маълумотлар: Оғир тупроқларда дараҳтлари жуда кам нобуд бўлади. АҚШ да олманинг спур навларини етиширишда ва олма боғи ўрнига янги боғ ташкил этишда фойдаланилади. Совуқка ва қурғоқчиликка бирмунча чидамли. Дараҳтлар



Расм-36. ММ. 106 пайвандтагининг новда ва барги.



Расм-37. ММ. 111 пайвандтагининг новда ва барги.

барвақт ҳосилга киради. Жуда серхосил бўлган Гала, Фуджи ва Пинк Леди навларини тупроғи саёз ва унумдорлиги паст ерларда етиштириш учун ҳам кўпланилади.

2. Пакана пайвандтагларнинг ўзига хос хусусиятлари

Пакана пайвандтагларда ўстириладиган дараҳтлар ҳосилга эрта киради. Ҳосилга эрта кириш уларнинг ўсишини чеклаб қўяди. Бундан ташқари, баргларда тўпланадиган пластик моддалар, асосан, ҳосил шаклланишига (60% гача) ва қолгани вегетатив қисмларга сарфланади.

Пакана дараҳтларнинг илдиз тизими юза жойлашганлигидан, ерни чим, бегона ўтлар босиб кетса, уларга салбий таъсир қилиб, ўсиш тезлигини 2 баравар камайтириб юборади. Гербицидлардан фойдаланиш орқали кўп йиллик бегона ўтларнинг кенг тарқалишини олдини олиш керак.

Паст бўйли пайвандтагларга уланган дараҳтлар меваси сифатининг яхшиланиши ҳар хил сабабларга боғлиқ. Меваларнинг йирик бўлишига сабаб, паст бўйли пайвандтагларда барг юзаси билан асосий (скелет) қисмлар ўртасидаги ўзаро нисбатнинг жуда қулагилги ва озиқ моддаларнинг ҳаракатланиш йўли жуда қисқа бўлишидадир. Паст бўйли дараҳтларнинг шоҳ-шаббаси ихчам бўлганлиги учун меваларга ёруғлик яхши тушиб туради. Бунинг натижасида меваларда қанд кўп тўпланади, уларнинг таъми ва ранги яхшиланади. Паст бўйли пайвандтаглардаги дараҳтлар паст бўлиб ўсгани ва қалин ўтқазилгани учун шамолнинг зарарли таъсири камаяди, натижада мевалар кам тўкилади.

Паст бўйли дараҳтлар мевасининг таннархи кучли ўсадиган дараҳтлар мевасининг таннархидан паст бўлади. 100 кг олма олиш учун 1,5–2 баравар кам меҳнат сарфланади, паст бўйли пайвандтагларда ўстирилган боғларнинг даромад келтириши эса оддий боғларнидан 1,5–2 баравар ортиқдир. Пакана мева дараҳтларининг унчалик узоқ яшамаслигини, кўпинча, уларнинг салбий томони деб ҳисобланади. Шу нуқтаи назардан қараш нотўғридир, чунки пакана мева дараҳтлар ўзининг 25–30 йиллик ҳаёти даврида 45–50 йил яшайдиган баланд танали мева дараҳтлари берадиган миқдордаги ҳосилни беради. Шу билан бирга, пакана мева дараҳтларидан барпо қилинган боғдорчилик эски навларни бирмунча қимматли янги навлар билан тезда алмаштириш имконини беради. Агар дараҳтлар ҳар йили кўп ҳосил бериб, новдалари кучли ўсмаса, пакана дараҳтлар танаси катталашиб кетмайди ва натижада узоқ, 25–30 йил яшайди.

Паст бўйли пайвандтагларда ўстирилган боғларни барпо қилиш учун кўчатлар нисбатан кўпроқ сарфланиши уларнинг салбий томони ҳисобланади, чунки пакана дараҳтли боғда майдон бирлигига кучли ўсадиган дараҳтли боғни барпо қилишдагига нисбатан 5–8 баравар кўпроқ кўчат кетади. Бундан ташқари, улар тупроқ шароитига ва парваришлашга талабчан ҳисобланади. Пакана дараҳтли боғларнинг эрта ҳосилга кириши, юқори ҳосил бериши, меваларнинг сифатли бўлиши, дараҳтларни парвариш қилишнинг осонлиги ва шу каби бир қанча ижобий хусусиятлари бор.

Паст бўйли пайвандтагларга уланган олма кўчатлари гектарига 2000–3000 тупгача экилади ва гектаридан 50–60 тоннагача ҳосил олса бўлади.



IV. Олма боғларини ташкил этиш

1. Боғни тўғри ташкил қилиш	24
2. Сифатли кўчат	25
3. Паст бўйли дараҳтлар учун ер танлаш	25
4. Ер тайёрлаш	26
5. Кўчат ўтқазиш	27
6. Қайта экиш касаллиги	29
7. Экилгандан сўнг	29

1. Боғни тўғри ташкил қилиш

Ҳаражатларни фойда бўлиб қайтиши биринчи йилга боғлик!

- Кўчат экиладиган жойнинг тупроқ таҳлилини амалга оширинг ва тавсияси бўйича тупроқни тайёрланг.
- Тупроқни экишга тўғри тайёрлаш келажакда дараҳтлар қандай ўсишига катта таъсир ўтказади.
- Кўчат етказиб берувчидан қуидагиларни сўранг:
 - Кўчатда иложи борича кўп илдиз бўлиши.
 - Кўчатлар бўйини қисқартираслик.
 - Ён шохларни (агар бўлса) ва куртакларни шикастламаслик.
- Томчилатиб суфориш тизимини ўрнатиш.
- Агар кўчатларни кўлда экишни режа қилсангиз, экишдан аввал симбағазни (шпалер) ўрнатиш. Агар тракторда экишни режа қилсангиз, экишдан кейиноқ симбағаз ўрнатиш.
- Чанглатувчи навларни тўғри режа билан экиш.
- Иложи борича қаторларни шимолий-жанубий йўналишида тайёрлаш.

- Кўчатлар кепганда илдизлари қуриб қолишига йўл кўймаслик. Ҳеч қачон совуқхонада мева ва кўчатларни биргалиқда сақламаслик. Фақатгина синган томирларни кесиш. Ҳеч қачон ковланган чукурга илдиз сифишини мўлжаллаб томирларни кесмаслик керак. Аксинча, чукурни томирлар сифадиган дараҷада катта ковлаш зарур.
- Зарур бўлса экишдан олдин кўчатларни бўйига ва катта-кичиклигига қараб саралаш. Катталигига қараб кўчатларни саралаб алоҳида қаторларга экиш.
- Кўчатларни эҳтиёткорлик билан ташиш. Пакана пайвандтагларга уланган кўчатлар уланган жойидан синиб кетиш эҳтимоли катта.
- Баҳорда кўчатларни эрта экиш. Шунда новдалар ўсишни бошлишидан аввал томирлар ўсиб олади.
- Экишни тартиб билан ташкил этиш. Экиш сифатини бошқариш қийин бўладиган катта гуруҳлар билан экишни ташкил этмаслик.
- Агар унумдор тупроққа ярим пакана ММ. 106 пайвандтагида кўчат экилаётган бўлса, ўсиш кучи-



Расм-38. Экишдан аввал симбағаз тизими ўрнатилган боғ.




ни камайтириш мақсадида, күчатларни саёзроқ экиш. Күчат экиб бўлиниши билан уларни албатта суғориш. Суғориш натижасида томир атрофидаги ҳаво чиқарилади ва тупроқ ва илдиз бирлашади. Тупроқ нам бўлишига қарамай илдизлар сувсизланиб қолиши мумкин.

- Бегона ўтлар ўсишидан олдин назорат қиладиган гербицид сепиш ва симбағаз тизими симига дарахтларни бойлаш (күчатлар қочиб кетмаслиги учун). Күчатларнинг энг катта душманлари бу – begona ўтлар ва шамолдир!
- Ҳаддан зиёд суғормаслик. Күчатлар экилгандан кейин кам-кам ва тез-тез суғориш мақсадга мувофиқдир. Агар суғоргандан сўнг олма дарахтларининг уланган жойи пастда қолиб кетса, 10 кун ичida уларни тортиб, ер сатхидан кўтариш мумкин.
- Бегона ўтларни доим йўқ қилиш. Бегона ўтлар илдиз тизими зич бўлгандиги сабабли мева дарахтларидан кўра озук ва сувни самаралироқ олади ва күчатлар ўсишини 2 баробарга сустлаштиради.
- Күчат новдалари 15 см узунликка етганда ойига камида икки марта азотли ўғит билан ўғитлаш тавсия этилади (кам, аммо тез-тез).
- Күчатлар тагига сомон ташлаш намликни сақлаб, бегона ўтлар ўсишига тўскىнлик қиласди.
- Дарахтларни кўпроқ тарбиялаб – камрок кесиш!

2. Сифатли күчат

- Баландлиги 1,5–1,8 метр.
- Күчатларнинг бўйи ва шакли бир хил.
- Тўлиқ тиним даври кирганда кўчирилган.
- Күчат барглари күчатзорда сунъий олиб ташланмаган.
- Ердан 50–80 см баландлик орасида 6 ёки ундан кўпроқ ён шохларга эга; ён шохлар узунлиги 30–50 см атрофида ва лидер қалинлигининг учдан бирига тенг.
- Зааркунанда ва касалликлардан ҳоли.
- Нави аслига тўғри.
- Жуда кўп майда томирларга эга.

Боғда тез ҳосил олишнинг гарови — бу сифатли күчат экишdir. Күчатлар биринчи йилда яхши ўсиши учун қуидагиларга эътибор қаратиш лозим:



Расм-39. Сифатли олма күчати.




Расм-40. Олма күчати илдиз тизими катта ва кичик бўлган күчатлар. Илдизлари яхши ривожланган күчат сотиб олининг.

- Биринчи йил охирида күчат яшовчанлиги 100% ни ташкил этиши ва яхши ўсаётган бўлиши.
- Қанча кўп янги мевали шохлар (кучли ўсган новдалар эмас) ўсиб чиқса, шунча ҳосил кўп бўлади.
- Агар күчат сифати паст бўлса ва биринчи йилда яхши ўстириб тарбияланмаса, кейинги йилларда юқори ҳосилдорлик бўлмайди.
- Интенсив боғни ташкил этишдан мақсад — бу тез ва кўпроқ фойда олишdir. Бунга эришиш учун сифатли күчат ва симбағазда олма этиштиришнинг тўғри шаклини танлашdir.

3. Паст бўйли дарахтлар учун ер танлаш

Ер танлашда дарахтлар қишики ва баҳорги совуқлардан заарланишини олдини олиш учун совуқ ҳаво тўпланиб қолиши мумкин бўлган ерларда боғ ташкил этиш тавсия этилмайди.



Расм-41. Совуқ ҳаво тўпланидиган жой.





4. Ер тайёрлаш



Дарахтларнинг ўсишига энг катта салбий таъсир ўтказадиган омил — бу тупроқдир. Ер яхши тайёрланмагандага кўчатларнинг сув ичиши ва томирларнинг ўсиши чегараланади. Бу нарсани боғда кўриш осон эмас. Суғоришнинг тури ҳам тупроқ унумдорлигига таъсир ўтказади.



Расм-42. Тупроқнинг берч қатлами илдизлар ўсишига тўсқинлик қиласди ва сувнинг тўпланиб қолишига сабаб бўлади.



Расм-43. Тупроқнинг берч қатлами юмшатилганда илдизларнинг ривожланниши.



Расм-44. Тупроқни экшига тайёрлашда маҳсус юмшатишнинг аҳамияти.



Расм-45. Берч қатламни юмшатишида қўлланиладиган трактор ва мосламалар.



Расм-46. Дараҳт экиладиган қаторларни кўтариб, сўнг кўчат экиш кўрсатилган. Бундай тадбири илдиз ривожланадиган тупроқ қатламида ҳаво алмашинуви яхши бўлишини таъминлайди. Бундан ташқари, дараҳт танаси атрофида сув тўпламаганлиги сабабли фитофтороз касаллиги ҳам кам ривожланади.

- Иложи бўлса, яйлов ёки олдин ишлатилмаган ерга барпо қилинг.
- Ишончли лабораторияда тупроқ таҳлилини ўтказинг.
- Тупроқ етилганда уни юмшатинг, қуриганда эмас. Юмшатиш (рихление) ер устидан то пастигача майда ва катта бўшлиқлар хосил қилишга ёрдам беради. Фақат бир томонга қаратиб юмшатинг.
- Агар тупроқнинг ишқорийлиги баланд бўлса, гипс солинг. Гипсни ерни юмшатишдан олдин солиш керак.
- Агар кислоталилиги юқори бўлса, оҳак солинг. Оҳак (кальций) тупроқ структурасини яхшилайди.
- Агар фосфор етишмовчилиги аниқланса, дараҳт экиладиган қаторга фосфорли ўғитлардан солинг. Фосфор томирлар ўсишини яхшилайди.
- Қатор орасидаги тупроқнинг устки қатламини дараҳт экиладиган 0,8–1 метр кенглиқдаги пушталарага тўпланг. Пушта олиб экилганда илдизларга

юмшоқ, бўшлиқларга эга, ҳаво алмашиб турадиган ҳамда дренажли муҳит яратилади.

- Тупроқни катта сув миқдори билан сугориш ҳаво бўшлиқларини юқоридаги нам тупроқ оғирлигига бузилишига олиб келади, шу сабабли бунинг олдини олиш керак.

5. Кўчат ўтказиш

Паст бўйли дараҳтларнинг илдиз тизими нисбатан кам ривожланган бўлгани ва ҳар гектарига уларни кўп миқдорда ўтказилиши сабабли тупроқнинг сув-озиқ шароитини кўпроқ танлайди. Шу сабабли боғлар барпо қилиш учун ажратиладиган ерларнинг тупроғи унумдор, физик хоссалари яхши бўлиши керак, тупроғи қумлоқ ёки енгил қумок бўлгани маъқул. Секин ўсадиган пайвандтагларга уланган дараҳтларнинг илдиз тизими жуда юқори (60 см) жойлашганлиги сабабли юзадаги сизот сувлардан кам зарарланади. Пакана дараҳтларни ва беҳига



Расм-47. Кўчат экиш учун қазилган чукурнинг торлигини кўриш мумкин.



Расм-48. Камта чукур қазуёчи мосламадан фойдаланиш илдизларни яхши ривожланишида муҳим аҳамият қасб этади.



Расм-49. Кўчатларни экишдан олдин илдизлар яхши ривожланиши учун уларни 6-12 соатгача сувга солиб кўйиш мумкин.



Расм-50. Чукурлар тупроқ билан тўлдирилгандан сўнга, тупроқ зичлашиб пастга тушиши натижасида ҳосил бўлган дарахт тагидаги чукурлар ва уларнинг сув билан тўлиб, дарахтга зарар келтириши кўрсатилган. Бу нарсани олдини олиш учун кўчатларни экишда дарахт тагига кўпроқ тупроқ солиш зарур.



үюлган нокларни сизот сувлари 1,5 м чукурда бўлган ерларга ўтқазиш мумкин.

Суғорилгандан кейин тупроқ ўтиришиб, илдизларга зич ёпишиб қолади. Айрим қийшайиб ва чукур экилиб қолган кўчатлар тўғрилаб қўйилади.

6. Қайта экиш касаллиги

Олма дараҳтларини илгари олма бўлган ерга ўтқазиш қайта экиш касаллигини келтириб чиқаради. Бу ўсишни ёмон бўлиши билан ифодаланади. Бу касалликнинг аниқ сабаби номаълум. Агар қайта экишга мажбур бўлсангиз, қандай қилиб бу касалликдан дараҳтларни ҳимоя қилишни ўрганиш лозим.


7. Экилгандан сўнг

Янги ўтқазилган дараҳтлар тупроқнинг намлиги, ўтқазиш муддатидан (куз, баҳор) қатъи назар сугориб турилади. Уларни сугоришдан мақсад тупроқ ўсимлик илдизларига бевосита ёпишиб қолиши, могорлар пайдо қиласидан ортиқча ҳавони тупроқдан чиқариб юборишдан иборатдир. Пакана пайвандтаглар совукларга чидамсизроқ бўлгани учун кузда эмас, баҳорда экиш тавсия этилади. Агар кузда экилса, уларнинг илдиз – томир қисми тупроқ билан яхшилаб беркитилиши керак. Кузда экиш дараҳтларни баҳорда эрта илдиз чиқариб, яхши ривожланишига жуда катта ҳисса қўшади.



Расм-51. Кузда ўтқазилган кўчам тагига ўюлган тупроқ қишида пакана пайвандтагларни совуқдан зарарланишининг олдини олади.

Кучли ва ҳамма вақт шамол бўлиб турадиган туманларда эркин ўсуви ярим пакана кўчатлар ўтқазилгандан кейин узунлиги 1,5 метр, йўғонлиги 4–5 см ли қозикларга бойлаб қўйилади. Қозиклар икки жойидан саккизсизмон қилиб бойланади.



Расм-52. Ярим пакана дараҳтларни шамол зараридан сақлаш усули.



V. Олма дараҳтларини суғориш ва ўғитлаш

1. Суғориш	30
2. Томчилатиб суғориш тизими.	30
3. Ўғитлаш	35
4. Макроэлементлар ва уларнинг хусусиятлари	35
5. Микроэлементлар ва уларнинг хусусиятлари	41

1. Суғориш

Ўсимлиқдаги ҳаётий жараёнлар – фотосинтез, ўсув нуктасида ҳужайралар бўлиниши ва бошқа жараёнлар ҳужайраларда сув етарли бўлгандагина яхши ўтади. Сувнинг етарли бўлиши икки жараённинг, яъни илдиз тизимининг сув бериб ва барглар юзасининг буғлантириб туриш жараёнларининг ўзаро мосланиши билан таъминланади.

Мева дараҳтларининг қанча сув сарфлаши иқлим омиллари, дараҳтларнинг табиати, уларнинг ёши, ҳосилнинг миқдори ва агротехника тизимига қараб белгиланади. Суғориш бутун йил мобайнида боғларни намлик билан таъминлабгина қолмай, балки боғ микроқлимига ижобий таъсир этадиган омил ҳамдири.

Суғориш тупроқдаги микробиологик жараёнларнинг кечишига ҳамда ўсимликларнинг солинган ўғитлардан тезроқ ва тўлиқроқ фойдаланишига, фотосинтезнинг кучайишига, ўсимликларда озиқ моддалари тўпланишига ва шу туфайли дараҳтларнинг тезроқ ўсишига, ҳосилдорлиги ва совуқча чидамлилиги ошишига ёрдам беради. Суғориш чеклаб қўйилиб, нам етишмай қолган тақдирда, мева дараҳтлари секинроқ ўсади, уларнинг барги ва ҳосили камаяди, хазонрезгилик барвақт бошланади.

Интенсив ёки ярим интенсив олма боғлари эски усолда ариқдан суғорилганда, тупроқнинг оптиқ даражада нам бўлиб кетиши боғ учун зарарлидир. Бу ҳолда тупроқ ботқоқланиб, унинг физик хоссалари,

айниқса, ҳаво муҳити ёмонлашади, илдиз тизими-нинг фаолияти учун ноқулай шароит пайдо бўлади. Захлатиб суғорилган боғлардаги дараҳтларнинг кузги ўсишини кечикириб юборади ва уларнинг совуқча чидамлилигини камайтиради.

Тупроқнинг намлиги ва суғориш меваларнинг сифатига ҳам таъсир қилади. Камроқ, шунингдек, кечикириб суғориш меваларнинг тўқилиб кетишига сабаб бўлади. Олма дараҳтлари етарли суғорилмаса, мевасининг сақланиш муддати 2 ҳафтагача қисқариб, улар таркибидаги қанд ва кислоталар миқдори камаяди.

Тупроқ намлигини ўлчаб, шунга мувофиқ суғориш ишларини ташкил этиш учун тензиометрлардан фойдаланилади. Уларнинг узунлиги 30, 60 ёки 90 см узунликда бўлиши мумкин.

2. Томчилатиб суғориш тизими

Экинларни суғорища илғор усууллардан ҳисобланган томчилатиб суғориш технологиясини жорий қилиш борасида Ўзбекистонда кенг кўламли ишлар амалга оширилмоқда. Томчилатиб суғориш усули ўзининг юқори самараదорлиги, яъни сув ресурслари чекланганлик шароитида кам сув сарфлаб, барқарор юқори ҳосил олиш имконини бериши билан ажралиб туради.


Шу билан бирга, томчилатиб суғориш технологиясини жорий қилган фермер хўжаликлари, ушбу тех-



Расм-53. Тензиометр – тупроқ намлигини ўлчовчи асбоб.



Расм-54. Тупрок турлари ва тупрок турига сув турлича тарқалиши.



нология жорий қилинган ер майдони бўйича 5 йил муддатга ягона ер солиги тўлашдан озод этилиши юзасидан Солик кодексига ўзгартиришлар киритилди. Келгусида янгидан ташкил этиладиган боғлар учун ер ажратиш, фақатгина ушбу майдонларда томчилатиб суғориш тизими ҳамда шу каби сувни тежайдиган технологияларни жорий этиш шарти билан амалга оширилиши белгиланган.

Томчилатиб суғориш тизимининг ўзига хослиги унинг босим остида ишловчи сув таҳсимловчи доимий тармоқдан иборатлиги билан белгиланади. Ушбу тармоқ меъёрдаги сувни узлуксиз ва мунтазам равишда экинларнинг илдиз қатламларига етказиб беради. Ер устидан суғоришнинг қарийб барча усуулларида суғориш пайтида тупроқда сувга бўкиш ва суғоришдан кейин қуриб кетиш ҳолатлари юз беради.


Томчилатиб суғоришда тупроқ эмас, балки мевали дараҳт суғорилади! Сув илдиз тизимига тез-тез ва кам-кам берилганлиги сабабли мевали дараҳтларнинг илдиз тизими тупроқнинг юза қатламига зич жойлашиб ривожланади (шу сабабли интенсив

боғларда бегона ўтларга қарши ўз вақтида доимий курашиш жуда муҳимдир).

Суғориш шланглари диаметри 16-25 мм ли полиэтилендан тайёрланади. Боғларда кўлланиладиган шлангларда томчилатгичлар ҳар 50 см масофада жойлашган бўлиши ва соатига 1,6-2 литр сув тушириш имконига эга бўлиши керак. Пакана ва ярим пакана олма боғларида ҳар бир дараҳт қатори учун бир ёки икки қатор намлагиҷ шлангларини ўрнатишга тўғри келиши мумкин. Ярим пакана олма боғларида икки қаторли шлангларни қўйиш жуда муҳимдир. Боғнинг максимал сув талаби дараҳтлар вояга етганда, мевали дараҳт турига қараб, ёзинг исик кунларида талаб этадиган миқдоридан келиб чиқиб белгиланади. Тошкент вилояти учун олма дараҳтларига бир кунда гектарига максимал сув талаби 60–70 метр кубга тенг бўлиши мумкин.

Томчилатиб суғоришнинг қандай афзалликлари бор?



- Томчилатиб суғориш бу – сувни аста-секин айнан ўсимлик илдизи жойлашган ерга етказиб бе-



Расм-55. Томизгиchlар ҳар бир экинга бир хил миқдорда сув ва ўғитни етказиб беради.



Расм-56. Тупроқда илдизлар ўсиши учун қулаій мұхитнинг пайдо бўлиши.



ришдир. Тупроқдаги намликни оптимал даражада ушлаб турар экан, бу сугориш усули сувнинг қүёш ва шамолда буғланиб кетишига ҳам йўл қўймайди.

- Сув кераксиз жойдаги тупроқни, яъни ариқ ораларини ҳам намлантириш учун сарфланмайди ва илдиз атрофида намликнинг энг мақбул даражаси сақлаб қолинади. Тупроқ тури ва мева тури учун, унинг нави ёки ёшига кўра томчилатгичга, сугоришнинг қанча давом этиши ва сув сарфи белгиланиши керак. Томчилатиб сугориш тупроқнинг барча турларига мос келади. Тупроқ турига кўра сув турлича тарқалади.
- Сугориш пайтида тупроқда ҳаддан зиёд намликнинг ортиши экинни сувга бўктиrsa, сугоришлар орасидаги вақтнинг узоклигиги оқибатида тупроқ куриб кетиб, ўсимликни сувсиз қолдиради. Натижада экин яхши ўса олмайди. Томчилатиб сугоришнинг афзаллиги, энг аввало, сув ресурсларини иқтисод қилишда намоён бўлади. Боғ турига қараб, 40–50 фоизгача сув тежалади.
- Минерал ўғитнинг эритилган ҳолда берилиши эвазига эса унинг самарадорлиги бир неча баро-

тиб сугоришда эса намлик доимий бир хилда сақланиши туфайли ўсимлик бир текис ривожланади.

- Сугоришни автоматлаштириш имконияти мавжуд эканлиги энг кам ҳаражат билан энг катта самараға эришиш имконини беради. Шунингдек, боғнинг чекланган равища намланиши агротехник тадбирларни сугориш билан бир вақтда олиб бориш ва меҳнатни тўғри ташкил этиш имконини беради. Боғда сувчиларнинг кўл меҳнати кескин камаяди.
- Мутахассисларнинг эътироф этишича, томчилатиб сугоришнинг афзаллиги, энг аввало, сув ресурсларини иқтисод қилишда намоён бўлади. Боғ турига қараб, 40–50 фоизгача сув тежалади.
- Минерал ўғитнинг эритилган ҳолда берилиши эвазига эса унинг самарадорлиги бир неча баро-



Расм-57. Ховуз-тиндиригич.



Расм-58. Сув насоси ва сув фильтри



Расм-59. Ўғитловчи мослама ва сугориш тизимни бошқариш учун автомат қурилма.



Расм-60. Фильтрларни автомат тозалашу учун бошқарув қурилмаси ва магистрал ва тарқатувчи құвурлар.

барга ортиб, 50 фоизгача иктисод қилишга эришилади ҳамда ўсимлик озуқа моддалар билан яхши түйинади. Экинга сув ва озиқ моддалар унинг эхтиёжига мөр равишида кичик миқдорларда тез-тез берилади. Дараҳтларни тупроқдагы элементларни яхши үзлаштириши ва ўсиши учун кислородга бой мұхит пайдо бўлади.

- Ушбу усулда сугоришнинг асосий фойдаси шундан иборатки, сув ўсимликнинг фақат илдизига боради. Сув ва ўғитлар бериш тартибини бошқариш ўсимликларнинг ўсишини тезлаштириш ёки секинлаштириш имконини беради.
- Сувнинг ташламага чиқиб кетиши мутлак тутатилиб, фаол қатлам остига сув ва озуқа



Расм-61. Электр токи доимийлигини таъминловчи қурилма.

элементларини сизиб кетиш миқдори кескин камаяди.

- Тупроқнинг табиий унумдорлигини тиклаш ва ошириш учун суғориш суви билан минерал ўғитлар, микроэлементлар ва кимёвий мелиорантларни дозаланган миқдорда солишига эршилади. Бундан ташқари, илдиз зааркунандаларига қарши кимёвий воситаларни юқори самарада бериш имконияти туғилади.
- Энг муҳими, даладан оқова сувнинг чиқмаслиги боис тупроқ эрозияси бартараф этилади. Ушбу жиҳат нишаблиги катта ва текисланмаган майдонларда ҳам томчилатиб суғоришни қўллаш катта самара беришини кўрсатади. Сувнинг тупроққа сингишининг чекланганлиги ер ости сувлари кўтарилиб кетишига йўл қўймайди.

Томчилатиб суғориш тизимини қуриш учун суғориш манбаи, бош иншоот ва ҳовуз – тиндиргич, сув насоси ва сув фильтри, ўғитловчи мослама ва ти-



Расм-62. Богнинг маълум бўлагини суғориш учун кранларни автоматик ёки қўлда очиши маркази.

зимни бошқариш учун автомат қурилма, фильтрларни автомат тозалashi учун бошқарув қурилмаси ва магистрал ва тарқатувчи қуурулар, электр токи доимийлигини таъминловчи қурилма, богнинг маълум бўлагини суғориш учун кранларни автоматик ёки қўлда очиши маркази, суғориш шланглари, томизгичлар, ёрдамчи ва уловчи қисмлар керак бўлади.

Томизгичлар 2 турда бўлади. Биринчи тuri 1 атмосфера босимидан юқорида ишлаб текис ва боғнинг паст ва баланд жойларига бир хилда сув етказиб беради. Иккинчи тuri эса текис жойларда сув етказиб беришда қўлланилади. Биринчи тuri боғларда энг кенг фойдаланилади.

Томчилатиб суғориш тизимининг камчиликлари:

- Сотиб олиш ва ўрнатиш ҳаражатлари юқори.
- Мевали дарахтлар илдизлари юқорида жойлашиши сабабли сув узилишлари катта зарарга олиб келади.
- Шўрланган ерларда қўллаш чекланган.



Расм-63. Томизгичлар.





▪ Кўриниб турибдики, томчилатиб суфориш, энг аввало, сувдан оқилона фойдаланишни таъминлайди. Бу тизим нафақат ҳосилдорликни, балки меҳнат унумдорлигини ҳам оширади. Ернинг мелиоратив ҳолатини яхшилашга, агротехник тадбирларни самарали йўлга қўйишга катта ёрдам беради. Шу нуқтаи назардан олиб қараганда, бодорчиликда суфоришнинг ушбу янги тизимини кенг жорий қилиш мамлакатимиз қишлоқ хўжалиги тараққиётига улкан ҳисса қўшади.

3. Ўғитлаш

Ўсимликларнинг меъёрда ўсиши ва мева бериши учун фақат улар кўп миқдорда ўзлаштирадиган макроэлементлар (макро – «кatta» демақдир) – азот, фосфор, калий, кальций, олтингугурт, магний ва темир зарурдир. Бундан ташқари, микроэлементлар (микро – «кичик, жуда кичик» демақдир) – бор, марганец, рух, мис, кобальт ва молибден ҳам зарурдир.

Дарахтнинг дастлабки йилларида азот ва фосфорга бўлган талаби катта бўлади. Мева бериш даври бошлангандан кейин калийга бўлган талаб ортади.

Фосфор тупроқда азот ёки калийга нисбатан жуда секин силжиди. Ўзбекистон шароитида у, асосан, тупроққа солинган жойида сингиди, энг яхши шароитларда 30 кун ичida у 8–10 см га силжиши мумкин, асосан ўтлоқ тупроқларда. Шунинг учун уни ерга эрта, ўсиш давридан олдин, куздан бошлаб, мумкин қадар чуқурроқ, илдизларга яқинроқ қилиб солиш керак. Ўғит қанча чуқур ва илдизларга яқин солинса, у шунчалик самарали бўлиши аниқланган.

Ўзбекистон тупроқларининг кўпчилигига калий етарли миқдорда бўлади, шунинг учун ўсимликларда унга эҳтиёж кўп ҳолларда сезилмаслиги мумкин. Аммо шағал тошли, кучсиз тупроқларда, кўп суфориладиган (кўп суфорилганда калий ювилиб кетади), шунингдек, сизот сувлари юза (1,5 метрдан юқори) бўлган ерларнинг ҳайдалма қатламида калий камайиб кетиши мумкин. Бундай ҳолларда ерга калий солишга тўғри келади. Калийни барча тупроқлар яхши сақлаб қолади.

Қўум тупроқли ва шағал тошли ерлар суфорилганда уларнинг ювилиб кетмаслиги учун кам-кам миқдорда тез-тез ўғит берилади. Яхши ишланган ва унумдор тупроқли боғларга солинадиган ўғит миқдори камайтирилади. Кучсиз ерларда эса кўпайтирилади. Шағал тошли ерларда ўғит миқдорини 50% кўпайтириб берилади.

Ўсимлик илдизи остига янги гўнг солиш ярамайди, чунки у могорлаб, илдизларни чиритиб юбориши мумкин. Гўнгни чиригандан кейин тупроққа аралаштириб солиш лозим. Дарахтларни ўтқазганда илдизлар тагига тупроқ солинади, чунки улар ўғитга тегиб қолмаслиги керак.

Ўзбекистон тупроқларининг кўпчилиги ишқорий реакцияга эга. Бундай тупроқларга азотнинг аммиакли формаларини соглан фойдалироқ, чунки улар тупроқни нордонлаштириб, ишқорийликни туширади. Натижада тупроқ эритмасида дарахт илдизлари олиши мумкин бўлган минерал моддалар миқдори кўпаяди.

4. Макроэлементлар ва уларнинг хусусиятлари

Азот. Азот дарахтларнинг ўсиши, гуллаши, мева тугиши ва мева сифатини яхши бўлишида муҳим ҳисобланади. Азотнинг етишмовчилиги мева куртаклар ривожланишини ва мева тугишини камайтиради ҳамда солкашликни пайдо қиласди. Азотни керагидан ортиқча солиш новдалар ўсишини кучайтириб, қуёш нурларининг кам тушиши сабабли гулкуртакларни кам ривожланишига олиб келади ва ҳосилдорликни камайтиради. Бундан ташқари, мева сифатини ёмонлаштириб, чиришга мойил қилиб қўяди.

Интенсив бўлмаган боғларда солинаётган азотнинг атига 25% ини олма дарахтлари ўзлаштира олади. Шароит оптималь бўлганда 50% га яқин қисмини ўзлаштириши мумкин. Спур (калта гулкуртак шоҳча) типидаги олма навлари (Голд Спур ва Ред Делишезнинг спур навлари, Скарлет спур, Ред Чиф ва Супер Чиф) азотни тупроқдан ўзлаштиришда бошқа навларга қараганда бирмунча самаралидир.

Ҳар бир нав пишиш даврига мувофиқ турли азот солиш дастурини талаб этади. Азот солиш дастури тўғри амалга оширилганда гектарига сарфланадиган азотнинг миқдорини ярмигача камайтириш мумкин. Эрта баҳорда азот бериш тавсия этилмайди, сабаби — солинган азотнинг кўп қисми кучли ўсишга сарфланади, куртакларнинг ўйғониши нотекис бўлади ва кейинги йилда мева тугиши ёмонлашади. Эрта баҳорда солинган азот гулкуртакларга эмас, балки янги новда ва меваларга сарфланиб кетади. Меваларга кўп азотнинг кириши сақланишга салбий таъсир кўрсатади.

Ёзда солинган азот кейинги йил учун ривожлананётган гулкуртакларга сарфланади. Фақатгина ёзда ўсишдан тўхтаган дарахтлардагина солинадиган азот гулкуртаклар ривожланишига сарфланиб, фойда беради. Ўсишда давом этётган дарахтларда ўсишни кучайтиради ва кейинги йилга захира бўлиш ўрнига бефойда сарфланади.

Тез ўсадиган пайвандтагларга уланган олмаларда кучли ўсиш ёзда ҳам давом этади. Ёзниг охирларида солинадиган азот энг фойдалари ҳисобланади.



Расм-64. Азот етишмагандаги барг саргайиши Азот етарли барг билан солиштириб кўрсатилган.



Секин эрувчан азотли ўғитларни теримдан 10–12 кун олдин солиш мумкин (азот етиб боргунича мева терилиш шарти билан).

Кейинги йил гулкортаклари гуллашдан 60 кундан кейин пайдо бўлади, лекин энг кучли гулкортаклар гуллашдан 100–160 кундан сўнг пайдо бўлади. Гулкортакларнинг ривожланиши барглар тўкилгунича давом этади. Ушбу гулкортакларни ривожланишида дараҳтларга азот талаб этилади. Шу сабабли, ёзning охирларида ёки теримдан кейинги азотли ўғитларни солиш жуда муҳим ҳисобланади. Кузда солингган азот дараҳт томонидан тез ўзлаштирилади ва ушбу азот баргларга бормай илдизларга тўпланиб, захира сифатида олиб қўйилади. Баҳорда ўсишни бошлайдиган мева куртаклар захира қилиб тўплланган азотдан фойдаланади.

Азот захирасини юқори бўлиши гуллаш даврини узайтиради ва қўпроқ мева тугилишига ёрдам беради. Захира юқори бўлганда гуллаш 6 кунгача узайиши мумкин. Ёзning охри ва кузда берилган азот эрта ва ўрта пишар олма навлари учун жуда муҳим ҳисобланади.

Агар олма дараҳтларининг ўсишини кучайтиришини истасангиз, баҳорда аммонийли азот турларидан фойдаланманг. Дараҳтлар тупроқдан кальций ўрнига аммонийни ўзлаштиради. Баҳорда мевада ҳужайралар бўлинаётган вақтда (гуллашдан 30 кун ичida) дараҳтларни тупроқдан кальций ўзлаштириши ўта муҳимdir. Ёзning охри ва кузда аммонийли азот ўғитларни солиш фойдалироқdir (аммоний сульфат, мочевина, карбамид). Австралия ва Японияда олиб борилган изланишлар дараҳтларга нитрат азотларни согландан кўра аммонийли азот солинганда гулкортаклар шаклланиши қўпроқ бўлганлигини кўрсатган.

Аммоний сульфат ва мочевина (карбамид) азотли ўғитлари ишқориийликни тушириб, ишқориийлик баланд бўлган боғларда кўшимча ёрдам беради. Ушбу азотли ўғитларни солишнинг энг қулай вақти теримдан кейинdir. Барглар орқали азот бериш ҳам фойдали ҳисобланади.

Кўчатларнинг биринчи йилда яхши ўсишини таъминлашда бегона йўқотиш, суғориш ва ша-


молда кўчатлар тебранишининг олдини олиш азот солишдан муҳимроқ ҳисобланади. Биринчи йилги ўсиш учинчи йилги ҳосилни белгилайди.

Ёш кўчатларни яхши ўстириш учун кам, лекин тез-тез азотли ўғитлар билан озиқлантириш зарур. Биринчи йилда ўсиш 10–15 см га етганда томчилатиб суғориш тизими орқали ҳар бир дараҳтга 8–10 г соф азотни бир ойда 2–3 марта солиш тавсия этилади. Биринчи йилда кўчатлар яхши ўсан бўлса иккинчи йилда ушбу нормани 3 баробар кўпайтириб озиқлантиришда давом этинг. Дараҳтлар ўзларига ажратилган жойни қоплаб, мева беришни бошлаганидан кейин, ҳар бир дараҳтга соф ҳолда 180 г дан азот беринг. Умумий қоида сифатида ҳар 1 тонна олинган олма учун соф ҳолда 1 кг азот солиш кифоя қиласди.

Калий. Калий барг орқали ҳаводан карбонат ангирид олишни яхшилайди, сувнинг шимилишини жадаллаштиради, углеводларни ҳаракатлантиради, шакар, крахмал ва оқсиллар ҳосил қилишда катта аҳамиятга эга. Дараҳтларни совуқа, қурғоқчиликка ва касалликларга чидамлилигини оширади. Калий куртакларда, ўсимликнинг ўсиш ва ҳосил тугиш орғанларида, айниқса, кўп тўпланади. Ўсимликлар ривожланишида ва уларда углеводлар ҳосил бўлишида калийнинг аҳамияти катта. Калий билан озиқлантириш даражаси оширилганда азотнинг ўсимликка ўтиши ва унда азотли органик бириклиарнинг тўпланиши тезлашади. Қуйидаги расмларда калий етишмаганда барг четлари куриб қайрилиб қолиши кўрсатилган.

Фосфор. Углеводларнинг ҳосил бўлишида қатнашади. Фосфор етишмаганда крахмал шакарга айланмайди, мой моддаларининг пайдо бўлиши, фотосинтез жараёни кескин сустлашади, илдиз, барг ва новдалар яхши ривожланмайди, натижада ҳосилдорлик камайиб кетади.

Кальций. Кальций моддаси мевалар таранглигини таъминлайди ва меваларнинг теримдан кейинги ҳолатини яхшилайди. Мевалардаги таранглик хусусияти ва узоқ сақланиш сифати ҳужайра деворлари тузилиши ва структуравий бутунлиги ҳисобига таъминланади. Мевалар этидаги кальций ҳужайраларни



Расм-65. Калий етишмовчилигининг баргларда кўриниши.



боғловчи восита вазифасини бажаради, пектин/оқсил тизимлар мувозанатини меъёрлаштириб, ҳужайралар чидамлигини оширади.

Кальций, шунингдек, мевани муддатидан олдин юмшashi ва пишиб қолишига сабаб бўлувчи жараёнлар ишга тушишининг олдини олади. Мева таркибида кальций миқдорининг етарлича бўлмаслиги мева пўстлоғида бузилишлар авж олишига олиб келади, мисол учун, ачқимтир доғлар, қора доғлар ва пўстлоқ ириши каби ҳолатлар. Бундан ташқари, пўстлоқ куиши, нафас олиш тешикчаларининг нобуд бўлиши, ички бузилиш, куий ҳарорат таъсирида бузилиш, сувланиш ва чириш жараёнлари ҳам мева таркибида кальций миқдори кам бўлганда янада кучайиши мумкин.

Кальций, одатда, тупроқ таркибида кўп миқдорда бўлади, аммо фақатгина тупроқда эрувчан қисми дараҳт томонидан ўзлаштирилиши мумкин – бунинг учун тупроқ водород кўрсаткичи (pH) 5,5 ва 6,5 ўртасида бўлиши зарур. Эримайдиган қисми эса, одатда, бошқа минераллар таркибида ёки тупроқнинг турли кўринишларида учрайди (мисол учун, лой ва органик моддалар). Бундай шаклдаги кальций дараҳт учун узоқ муддатда муҳим аҳамиятга эга.

Дараҳтлар ўз таркибидаги сувни барглар орқали бўглантириб чиқариб юбориш жараённада сув илдиз бўйлаб сўрилади ва кальций катта оқимда ташиласди. Кальций, асосан, ёш илдизлар учки қисми орқали сўрилади. Бундан хулоса қилиш мумкинки, баҳор ва кузда дараҳт илдизи соғлом бўлиши, янги новдалар чиқариб ривожланиши муҳим аҳамиятга эга, чунки баҳор ва куз фасллари вояга етган дараҳт илдизлари энг фаол бўладиган ва етарлича кальций сўриб олиши керак бўлган давр ҳисобланади.

Тупроқ таркибидаги сув миқдори муҳим аҳамиятга эга. Мунтазам равиша сувсиз қолдириладиган дараҳтлар етарлича кальций миқдорини ўзлаштиришда муаммоларга дуч келади. Агар тупроқдаги сув миқдори ҳаддан зиёд бўлса, тупроқда кислород етишмаслиги илдиз ривожига зарар етказади ва кальций сўрилиш кўрсаткичига салбий таъсир ўтказади. Кальций тупроқ таркибида энг мўл миқдорда учрайдиган катион бўлишига қарамасдан, унинг дараҳтга сўрилиш кўрсаткичи анча паст.

Бунинг сабаби — кальций факат илдизнинг учки қисмлари орқали сўрилишидир. Тупроқдаги бошқа озуқалар ҳам рақобат ҳосил қилиб, кальций ўзлаштирилишини янада сустлаштиради. Шу тарзда тупроқ таркибида калий, магний ёки аммоний миқдорининг юқори бўлиши қайсиdir маънода дараҳтлар томонидан сўриб олинадиган кальций моддаси миқдорининг камайишига олиб келиши мумкин.

Дараҳт таркибидаги кальций миқдори генетик жиҳатдан назорат қилинади ва тупроқнинг кальцийга бой бўлиши дараҳтдаги кальций миқдорига таъсир этмайди, яъни дараҳт ўз таркибидаги кальций миқдорини белгиланган меъёрдан ошиб кетмаслигини таъминлайди. Тупроқ таркибида кальцийнинг етишмаслиги дараҳтда ҳам кальций тақчиллигига сабаб бўлиши мумкин.

Илдизлар ёрдамида сўриб олинган кальций дараҳт бўйлаб, асосан, сув орқали тақсимланади.

Кальций дараҳт танаси бўйлаб ксилема қатлами (сувва озуқалар йўлаги) орқали кўтарилади ва сув борадиган дараҳтнинг бошқа қисмларига, асосан, баргларга етказилади. Ҳар қандай сувни бўглантирувчи юза ўзига сув тортади, аммо ривожланаётган мевага борадиган сув таркиби баргга бораётган сувга нисбатан мураккаброқ бўлади.

Ксилема қатлами орқали кальцийнинг юқорига кўтарилиши, асосан, пассив жараён. Меванинг дастлаб ривожланиш босқичида ташки пўстлоқ қатлами нисбатан майда тешикчаларга бой бўлиб, сув ўтказа олади. Мева катталашиб боргани сари ташки пўстлоқ ҳам силлиқ парда билан қопланади ва тешикчалар ёпилади (шу сабабли кальцийга бой воситалар тешикчалар ёпилишидан аввалроқ сепилиши керак). Бу эса мева сув бўглантириш кўрсаткичини тушириб, унинг ксилема қатламидан келадиган сувга бўлган эҳтиёжини камайтиради.

Дараҳт таркибидаги кальций миқдори учун кураш, асосан, мева ривожи ва новдалар ўсиши ўртасида кечади. Янги ўсаётган новдалар дараҳтдаги кальцийнинг жуда катта қисмини ўзлаштиради. Дараҳтнинг янги новдалар ривожлантиришига йўналтирилган ҳар қандай хатти-ҳаракат мевалар таркибидаги кальций миқдори меъёридан кам бўлишига олиб келади.

Баҳорда илдизларни механизация воситалари ёрдамида кесиш натижасида мева ва барглар таркибидаги кальций миқдори камайиши мумкин. Бу ажабланарли ҳолат эмас, чунки илдизни кесиш унинг сезиларли миқдорга камайишига олиб келади ва кальций сўра олиши мумкин бўлган илдиз уни қисмлари сони оз бўлади, айниқса, бу иш дараҳтнинг ҳар икки томонида амалга оширилганда. Гарчи илдизни кесиш орқали новдалар ва мевалар ўртасидаги кальций учун рақобатни кучизлантириш мумкин бўлсада (илдизи кесилган дараҳтлар камроқ янги новдалар чиқаради), илдизлар ўз ҳолатини тиклаб олгунча дараҳт етарлича кальций сўриб олиши керак бўлган давр ўтиб кетиб қолади.

Кальций (кальций тузи) мева ҳужайралар деворининг муҳим таркибий қисми ҳисобланади. Кальций, шунингдек, мемброналар фоалиятида ҳам иштирок этади ва уларнинг ўтказувчанигини бошқаради. Мембрана — бу ҳужайраларнинг ташки девори. Мева ва барг таркибидаги кальций миқдори ўртасида катта фарқ бор. Одатда, мевалар таркибидаги кальций миқдори барглардагига нисбатан анча кам бўлади. Кальций миқдори мевадан мевага ҳам фарқ қилиши мумкин, бунда меваларнинг дараҳтда жойлашув ўрни аҳамиятга эга. Дараҳт юқори қисмida ёки шохлар уч қисмida жойлашган мевалардаги кальций миқдори дараҳт қуйироқ ёки ички қисмida жойлашган мевалардагига нисбатан камроқ бўлади.

Шунингдек, эски шохларда етилган мевалар таркибидаги кальций миқдори ҳам янги шохларда етилганларига нисбатан камроқ бўлади (мевали шохларни янгилаб 1, 2, 3 қоидасига мувофиқ ёшартириб туриш зарур). Бир мева таркибида ҳам кальций бир хилда тақсимланмайди: мева пўстлоғи ва ўзаги унинг гўштли қисмига нисбатан кальцийга бойроқ бўлади. Меванинг банд қисми томонидаги кальций миқдори унинг учки қисмiga қараганда кўпроқ бўлади. Бир да-



рахтда мевалар таркибидаги кальций миқдори йилдан йилга ўзгариши мумкин.

Эрта баҳорда мева ҳужайра деворлари шакланаётган вақтда аввалги йили дарахт пўстлоқ ва ёғоч тўқималарида йигилган кальций захираси гул, янги тугилган мева ва ёзилаётган барглар учун кальций озуқа манбаси бўлиб хизмат қиласди. Ҳужайралар бўлинниш жараёни тугаган даврда кальций миқдори энг юқори кўрсаткичга кўтарилади ва кейин астасекинлик билан мевага қараб ҳаракатлана бошлиди. Ҳужайралар бўлинниши ниҳоясига етгач, кальцийнинг мева томон оқиши сустлашади. Мева катталашиб боргани сари кальций миқдори ўзгармасдан тақсимланади ва умуман олганда кальций миқдори камаяди (яъни, мева катталашгани сари кальций эриб боради – сабаби мевадаги сув миқдори кўпайиб боради). Бу жараён, айниқса, меванинг ташқи қатламига хос. Мева ташқи пўстлоқ қисми энг тез кенгаяди ва энг кам кальцийга эга бўлади.

Кальцийдан фарқли равишда калий, магний, фосфор ва азот каби моддаларнинг мевага келиб туриши тўхтаб қолмайди. Бу озукаларни дарахт **ксилема** қатлами билан бирга **флоэма** қатлами орқали ҳам ташиб етказиб бера олади.

Кальций флоэма қатлами орқали ҳаракатлана олмайди. Кальций миқдори баргларда йигилишда давом этаверса, калий, мисол учун, барглардан ривожланаётган мевалар томон ҳаракатланаётган шакарга кўшилиб кўча олади. Баргларга тушадиган кальций моддаси мева гўштили қисми таркибидаги кальций миқдорини ошириш учун етарли эмас. Шу сабабдан мева таркибидаги кальций миқдорини ошириш учун кальцийли воситаларни тўғридан-тўғри меваларга пуркаш зарур.

Юқори ҳарорат ва сувсизлик (қурғоқчилик) меваларга бораётган кальций оқимини сув билан бирга барг томон йўналтириши мумкин, сабаби — барглар меваларга қарагандা 10 баробар тезроқ сув буғлантиради ва уларни сув билан таъминлаб туриш эса зарур. Иссиқ, қуруқ ва шамолли об-ҳаво шароитида (дараҳтларда сувга талаб кучаяди) кальций умуман меваларга етиб бормаслиги, баъзан, ҳатто мевалар таркибидаги кальций чиқариб юборилиши ҳам мумкин. Теримидан 3 ҳафта аввал ҳаво исиб кетиши натижасида мева таркибидаги кальцийнинг 20 фоиз миқдори йўқотилиши мумкин.

Гарчи бошқа омиллар ҳам аҳамиятга эга бўлсада, мисол учун дараҳтнинг кучли ўсиш суръати ва кам ҳосил солиши (барг/мева нисбатининг юқори бўлиши), мевалар бузилиши кўпинча об-ҳавонинг нотабий ўзгариши ва натижада меваларга сувсизлик ёки иссиқдан азият етиши оқибатида рўй беради. Демак, баҳор, ёз ва кузда ҳаво ҳарорати ноодатий тарзда кескин кўтариладиган бўлса, меваларни сақлаш даврида муайян муаммолар юзага келишини олдиндан айтиш мумкин.

Данакли мевалар таркибидаги кальций миқдори, одатда, меъёрда бўлади. Дараҳтлар ўсиш суръати юқори бўлган ҳолатлар бундан мустасно. Кам ҳосил солиниши ва ёки баҳорда азотли ўғит солиш дараҳтлар ўсиш суръатини сезиларли даражада оширади. Натижада эса, илдиз орқали сўрилган кальций янги ўсаётган новдаларга йўналтирилиши мумкин.

Олма мевалари таркибида кальций моддасининг кам бўлиши мева ўзаги сувланишига сабаб бўлиши мумкин. Мева ўзаги сувланиши олма меваларига хос бўлган бузилиш тури бўлиб, эти ва ўзак қисми қисман ёки бутунлай қотиб, шаффоф тус олади. Кучли кўринишларида эса, шаффоф мева ўзагини олма ташқи томонидан ҳам кўриш мумкин бўлади. Мева ўзаги сувланиши мева сифатини бузиб, кейинроқ сақлаш давомида ёки ундан кейин мевани чиритади.

Мева таркибида кальций етишмовчилиги натижасида юзага келадиган бузилишларнинг барчаси кальцийнинг дарахт бўйлаб тақсимланишига боғлиқ. Кальций меъёрини таъминлаш учун куйидаги ишларни амалга ошириш мумкин. Дарахтни тўғри парвариши қилиш орқали новда ва барглар камроқ, мевалар эса кўпроқ кальций олишига эришиш керак.

Вояга етган йирик дараҳтлар илдизлари иккимарта гуркираб ривожланади – асосий ривожланиш эрта баҳорда дарахт гуркираб новда чиқаришидан аввал. Иккинчи илдиз ривожи эса, кеч ёз ёки кузда, новдадар ўсишдан тўхтаб, ҳосил териб олингандан кейин рўй беради.

Мунтазам кальций оқимини таъминлаш учун қониқарли барг ва мева нисбатини юзага келтириш лозим. Бунинг учун:

- Ёзда сўрувчи новдаларни кесиб ташланг.
- Ёш олма кўчватларидаги гулкуртак шохчаларда кўп буғлатувчи баргли худудларни кўпайтириш лозим.
- Мева атрофида яхши ривожланган барглар гурухи ўзига яхши сув торта олади ва бунинг натижасида мева етилаётган шох орқали кальций оқими ўтишини таъминлайди.
- Бир неча йиллик гулкуртак шохлар ва ён шохларни кесиши лозим.
- Вақти ва ҳажмини тўғри белгилаган ҳолда ҳосил сийраклатиши амалга ошириш зарур.

Дараҳтда ҳосил учун қолдириладиган меваларга келаётган кальций миқдори сийраклатища узиб ташланадиган меваларга кальций бормаслиги эвазига кўпаяди. Мева ҳажми ва ҳосил миқдори, одатда, тескари боғлиқликка эга. Кам ҳосил олинганди мевалар йирик бўлади ва бу ўз навбатида мевалар таркибида кальций миқдори кам бўлишига сабаб бўлади. Мева таркибидаги кальций миқдорининг асосий қисми мева ривожланишининг дастлабки босқичида келиб бўлади. Мева ҳажми катталаша бошлагандага эса бор кальций миқдори сувда эриб тақсимланади. Мева қанчалик катталашгани сари ундаги кальций миқдори шунчалик етишмайди.

Кўп кесиши амалга оширмаслик лозим, тик ўсаётган шохларни тенг ярмидан кесиб бўлмайди. Қишики кесиши даврида шохларни каллакламасдан (учки қисмини қисқартирилмасдан) сийраклатувчи кесиши ишларини амалга ошириш тавсия этилади. Шохларни каллаклаш баҳорда кўплаб кучли янги новдалар ривожланишига сабаб бўлади. Кальций биринчи галда фаол ўсиш жараёнидаги вегетатив тўқималарга юборилади, шунинг учун катта миқдордаги кесиши ишларини амалга ошириш мева таркибида кальций миқдори камайишига олиб келади.



Дарахтлар аввалги мавсумларда кучли ўсиш суръатини намоён қилган бўлса, ёз бошларида ўртача миқдордаги бошқариладиган сув танқислиги (БСТ) усулини кўллаш лозим. Пакана пайвандтагли олма дарахтлари бундан мустасно. Асосий новда ўсиши ва мева йириклиши даврида кўчатларни қондириб суфориш новдалар ўсиши ва мева катталашувига ёрдам беради, аммо ҳар икки жараён мева таркибидаги кальций миқдорининг камайишига сабаб бўлади. Эрта баҳорда дарахтларни қондириб суфориш кальций ўрнига кўпроқ калий сўрилишига ҳам таъсир қиласди. Калий ва магнийнинг тупроқ таркибида мўл бўлиши илдизлар орқали кальций сўрилишига жиддий салбий таъсир кўрсатади.

Мувозанатлаштирилган озуқавий дастурни ишлаб чиқиш лозим ва дарахтларга ортиқча азот ҳамда калий ўғитларини солавермаслик керак, айниқса, ўсиш суръати юқори дарахтларга.

Дарахтдаги азот ёки калий миқдорининг юқори бўлиши қўйидагиларга сабаб бўлади: 1) кучли вегетатив ўсиш, бу эса меваларга борадиган кальций миқдорини ўзлаштиради; 2) меваларда бузилишлар юзага келиши мумкин; 3) кўпроқ кесиш билан боғлик кўшимча харажатлар.

Таркибига аммоний (амияк) кўшилган азот ўғитидан фойдаланмаслик лозим, чунки аммоний илдизларни кальций сўришига салбий таъсир кўрсатади. Аммонийли азот дарахт озуқавий даврида кальцийга кўп муаммолар туғдириши мумкин. Аммонийнинг тупроқни оксидлаш хусусияти тупроқдан кальций қочишига ва бор кальцийнинг ҳам яхши сўрилмаслигига сабаб бўлади. Шулардан хулоса қилган ҳолда, агар дарахтларга азот солиш лозим бўлса, кальций нитрат ёки мочевинадан фойдаланиш тавсия этилади. Нитрат кальцийни эритмада ушлаб туришда муҳим аҳамият касб этади.

Аммоний дигидроортофосфати (МАР) ёки аммоний сульфати ва NPK (азот-фосфор-калий) ўғитлари теримидан кейинги мевалардаги бузилишларга сабаб бўлиши мумкин, мисол учун, ачқимтир доғлар каби.

Юқори қатlam тупроқ водород кўрсаткичи (pH) (сувда ўлчангандан) 6,2–6,5 бўлишини таъминлаш зарур. Кальций хлориддан намуна олинганда эса, бу кўрсаткич 5,4–5,7 бўлади. Оҳак таркибидаги кальций эрувчан эмас ва, агар оҳак тупроқ юзасига солинса,


ундаги кальций илдизлар сўриб оладиган қатlamга тушгунча йиллар талаб қилинади. Оҳак билан ишлов беришга зарурият бўлса, бу иш кўчатларни экишдан аввал боғ майдонини тайёрлаш вақтида амалга оширилади.

Гипс эса бунинг аксини қиласди, аммо ерга гипс солиш заруриятини аниқлаш учун тупроқ таҳлилини ўтказиш лозим бўлади. Гипсни ҳаддан зиёд кўп солиш тупроқ таркибида кальций миқдори ошиб, магний камайишига сабаб бўлади, бу эса дарахтларда магний етишмовчилигини келтириб чиқаради.

Олма меваларидаги уруғлар сони ва кальций миқдори ўртасида тўғри боғлиқлик бор, чунки ёш ривожланаётган уруғлардаги гормонлар ҳам кальцийга бўлган талабини қондириш учун курашади. Бу тўғри боғлиқлик фойдалари бўлиши учун мевада камида 5 дона уруғ бўлиши керак. Тўғри танланган чангловчи навдан фойдаланиш ва гуллаш даврида боғга аслари уяларини жойлаштириш факат уруғлар сони ва кальций миқдори етарлича бўлишини таъминлабгина қолмасдан, мева тугилиш кўрсаткичи ва шаклини ҳам яхшилайди.

Ҳужайралар парчаланишини кечиктириш учун ҳосилни ўз вақтида териб олиш лозим, бунда мевалар таркибида етарлича кальций бўлиши ҳам шарт. Теримдан кейин юзага келиши мумкин бўлган бузилишларни олдиндан аниқлашда барг ва тупроқ таҳлилига таяниш тўғри бўлмайди. Барг ва тупроқ таҳлили дарахт ва тупроқнинг озуқавий ҳолати ҳақида қисқа маълумот беради. Уларнинг ҳеч қайси бири мева таркибидаги кальций миқдори кўрсаткичи бўла олмайди.

Теримдан олдин меваларга сепиладиган кальций воситаларининг самараси жуда паст, чунки бу пайтда кальций мева юзаси орқали унинг таркибига сингиши қийин кечади. Шунинг учун керакли кальций миқдорининг асосий қисми илдизлар орқали етказилиши керак. Олма етиштириш саноатида узоқ йиллардан бери кальций тақчиллиги натижасида юзага келадиган бузилишларга (ачқимтир доғлар каби) таъсирчан нав меваларга кўшимча кальций билан ишлов бериш муҳим саналади. Энг самарали усул ўсиш мавсуми давомида кальций воситаларини мунтазам равишда сепиб туришдир.



Расм-66. Яшил ва бошқа олма турларида кальций етишмовчилиги.



Ачқимтирилган олма дафлар узок вақтлардан бери бутун дунё олма боғларида учрайдиган муаммолардан бириди. Ачқимтирилган олма мева пўстлогида майда жигарранг тусдаги сувсиз чуқурчалар кўринишида бўлиб, бузилган ҳужайралар тўпламиди. Дафларнинг асосий қисми пўстлоқ остида бўлиб, чуқур кетмайди. Дафлар, асосан, олма мевасининг гул уни томонида жойлашган бўлади. Гарчи ачқимтирилган олма мевалар дараҳт устида эканлигида ҳам ҳосил бўлиши мумкин бўлсада, асосан, ҳосилни сақлаш даврида пайдо бўлади.

Ачқимтирилган олма теримидан аввал аниқласа бўлади. Теримдан 2 ҳафта аввал кучли ўсаётган ва кам мева соглан олма дарахтининг тик ўсаётган шохидаги энг йирик мева танлаб олинади. Меванинг етилишини тезлаштириш учун 2000 ppm (1 литр сувга 2 мл) этефон аралашмасига солинади. Сўнгра 2 ҳафта мобайнида хона ҳароратида сақланади. Агар ачқимтирилган олма пайдо бўлса, теримни иложи борича (мевалар пишиб ўтишидан аввал) кечикиринг. Терилган меваларни зудлик билан совутинг ва қадоқлашни 4 ҳафтадан кейин амалга оширинг. Ушбу кечикириш ачқимтирилган олманинг тўлиқ пайдо бўлишини таъминлайди. Дафлар пайдо бўлган мева қадоқланмайди. Кўйидаги расмларда кальций етишмагандан пайдо бўладиган ўзгаришлар кўрсатилган.

Кальций микдори пуркалладиган эритма таркибида 4% дан ортиқ бўлиши мева ва баргларга зарар етказиши мумкинлигини ҳам ёдда тутиш зарур. Мевалар кальцийни эритма ҳолида ўзлаштиради, шунинг учун пуркалган восита имкон қадар секин қурийдиган шароит таъминланиши керак, мисол учун, салқин, наммлик юқори енгил шабада об-ҳаво шароитида ишлов бериш.

Стандарт кальций пуркаш воситалари сифатида кальций хлорид ёки кальций нитрат ҳисобланади. Кальций хлориднинг энг катта муаммоси — баргларни куйдириб қўйиши мумкин, айниқса, илиқ кунларда ишлатилганда. Кальций хлорид ва кальций нитратдан ташқари яна кўплаб воситалар мавжуд. Аммо уларнинг аксарияти самара жиҳатдан кальций хлорид ва кальций нитратдан кам бўлса камки, аммо ортиқ эмас.

Теримдан кейинги меваларни кальций эритмасига чўмдириш ёки уларга эритма намлигини ўтказиш олмаларга қўшимча кальций беришда анча самарали усуслариди. Меваларни 20 дақиқа давомида эритмада ушлаш тўқималарга қўшимча 60 промилле кальций сингдириши мумкин. Бу эса айнан шу тўқималарда бузилишлар юзага келишининг олдини олиш учун яхши кўрсаткичидир.

Агар боғ парвариши яхши йўлга қўйилмаган бўлса, мевалар сифатини кальций сепиш ва чўмдириш воситалари билан ҳал қилиб бўлмайди. Мевалар таркибидаги кальций тақчиллиги боғ парвариши ёки иқлим билан боғлиқ муаммолардан дарак беради. Парвариш билан боғлиқ муаммолар нотўғри кесиш, сугориш, ўғитлаш, ҳосил ҳажми, гармсөл каби омиллар туфайли бўлиши мумкин. Кальцийни сепиш кальций тақчиллиги сабабидан юзага келадиган муаммоларни камайтириши мумкин, аммо йўқ қила олмайди, қолгани эса боғ парвариши давомида она табиат билан ҳамоҳангликда амалга оширилиши керак.

Кальций етишмовчилигига кучли чалинувчан олма навлари. Гренни Смит, Голден Делишес (худудга қараб кучли чалиниши мумкин), Ред Делишес, Кокс Оранж Пиппен, Старкримпсон.



Расм-67. Ред Делишес ва Жеромин олма навларида кальций етишмовчилиги.



Расм-68. Темир етишмовчилиги.

Кальций етишмовчилигига кам чалинувчан олма навлари. Роум Бют, Голден Делишес (худудга қараб кам чалиниши мумкин), Макинтош, Лобо, Гала, Фуджи.

Темир. Темир дарахтлар учун энг муҳим микроэлементлардан бири ҳисобланади. Темир моддаси камайиб кетса барглар оқ яшил ёки сарғиш тусга кириб, хлороз касаллигига чалинади. Юқоридаги расмларда темир етишмаганды баргларда қандай ўзгаришлар бўлиши кўрсатилган.

Магний. Хлорофил таркибида кириб, баргга яшил тус бераб туради. Тупроқда магний етишмаганды хлорофиллнинг ҳосил бўлиши сустлашади, натижада баргда кечадиган ассимиляция жараёни секинлашади, баргнинг ранги оқаради. Етишмовчилик ёши катта баргларда биринчи намоён бўлади. Тупроқда калий хаддан зиёд кўп бўлганда магний етишмовчилиги пайдо бўлади. Қуидаги расмлардан кўриниб турибдики, магний етишмаганды барглар оқариб кетади.



Расм-69. Магний етишмовчилиги.

ўсади, барглари сарғаяди (хлороз), улар бужмайди, баъзан қалин тортади ва тўкилади. Мевалари пўкакланади, ёрилиб кетади, шакли нотекис бўлади ва тўкилиб кетади. Бор жуда кўп миқдорда етишмаса ўсимликнинг танаси куриб ва барглари тўп-тўп бўлиб қолади. Борнинг жуда кўп бўлиши ўсимлик учун заарлидир.

Марганец. Ўсимликнинг ўсишига, меваларнинг ривожланишига, улар таркибидаги шакар, витаминларнинг кўпайишига ёрдам беради. Ўсимликларнинг касалликларга чидамлилигини оширади, нафас олиш ва фотосинтез жараёнларини яхшилади, ҳосилдорликни кўпайтиради. Тупроқда марганец етишмаса баргларда хлороз касаллиги пайдо бўлади. Марганец жуда кўп етишмаса шохлар куриб қолади, мевалар оқиш тусга кириб, уларда ёриклар пайдо бўлади. Марганецнинг жуда кўп бўлиши ҳам ўсимликлар учун заарлидир, шунинг учун уни миқдорини оширмай баргда ишловларни ўтказиш лозим.

Мис. Ўсимликлар нафас олишини кучайтиради, баъзи ферментларнинг фаоллигини оширади. Мис таъсирида ўсимлиқда хлорофилл ва углеводлар миқдори ортади. Мис етишмай қолса, мева дарахтларининг танаси, новдаларининг учки қисми қуриб қолади, барглари бужмайди, тўкилади, ўсимликларнинг касалликларга мойиллиги ортади. Олма дарахтида мис элементини етарли тъминлашда касалликларга қарши курашда кўлланиладиган мис купороси етарли ҳисобланади.

Рух. Ўсимликлардаги бир қатор оксидланиш ва қайтарилиш жараёнларида иштирок этади. Рух барглар ва поялардаги углеводлар миқдорини кўпайтиради, ўсимликнинг совукқа чидамлилигини оширади, мевалар тугишига ва уларнинг йириклишишига ёрдам беради. Олма дарахтида рух етишмаса барглар майдалашиб, тўп-тўп бўлиши кузатилади ва баргизланиш ҳолати кучаяди.

Қуидаги олма дарахти барг таҳлили натижалари Ўзбекистоннинг 6 вилоятидан олинган бўлиб, 2013



Расм-70. Рух етишимовчилиги.

1-жадвал. Олмада барг таркибидаги элементларнинг оптимал даражаси.

Элемент тuri	Жуда кам	Кам	Етарли	Кўп	Жуда кўп
Азот (N) %	≤ 1. 6	1. 6 – 1. 9	2. 0 – 2. 4	2. 5 – 3. 0	≥3. 0
Фосфор (P) %	≤0. 10	0. 10 – 0. 14	0. 15 – 0. 20	0. 21 – 0. 30	≥0. 30
Калий (K) %	≤0. 8	0. 8 – 1. 1	1. 2 – 1. 5	1. 6 – 3. 0	≥3. 0
Олтингугурт (S) %	-	-	0. 3 – 0. 4	-	-
Кальций (Ca) %	≤0. 7	0. 7 – 1. 0	1. 1 – 2. 0	2. 1 – 2. 5	≥2. 5
Магний (Mg) %	≤0. 15	0. 15 – 0. 20	0. 21 – 0. 25	0. 26 – 0. 45	≥0. 45
Натрий (Na) %	-	-	≤0. 02	0. 02 – 0. 50	≥0. 50
Хлор (Cl) %	-	-	≤0. 3	0. 3 – 1. 0	≥1. 0
Мис (Cu) ppm	≤4	4 – 6	7 – 20	21 – 100	-
Рух (Zn) ppm	≤10	10 – 20	21 – 50	≥50	-
Марганец (Mn) ppm	≤20	20 – 50	51 – 100	101 – 200	≥200
Темир (Fe) ppm	≤60	60 – 99	-	-	≥500
Бор (B) ppm	≤15	15 – 20	21 – 40	41 – 200	≥200

< камроқ > кўпроқ мг/кг – ppm (миллиондан бир) га тене.

2-жадвал. Олма дарахтларининг ҳосил миқдорига нисбатан талаб қилинадиган макроэлементлар (кг)

Тонна гектар	Азот	Фосфор	Калий	Кальций	Магний	Килограмм / Гектар (софт ҳолда)
20	23	3	41	16	4	
40	46	7	84	33	9	
60	69	11	124	49	14	
80	90	16	167	66	20	

йилда текширилган. Таҳлил учун барглар июль ойининг иккинчи ярмида олиниши керак. Ҳар бир макро- ёки микроэлемент учун олма барги таркибидаги энг оптимал даражаси олимлар томонидан аниқланган.

Юқоридаги жадвалда олма дарахтларини олина-диган ҳосил миқдорига қараб неча килограмм макроэлемент талаб қилиши кўрсатилган. Ҳар бир боғда макро- ва микроэлементларга бўлган талаб барг ва тупроқ таҳлилига асосан аниқланиши керак.

VI. Олма дараҳтларини кесиш ва шакл бериш физиологияси

1. Дараҳт қисмларининг номлари ва маъноси	43
2. Кесишнинг олма дараҳтига умумий таъсири	44
3. Кесиш ва унинг турлари	46
5. Тўғри шакл беришда қўлланиладиган усууллар	52
6. Ёзги кесиш	56

1. Дараҳт қисмларининг номлари ва маъноси

Лидер – бу дараҳтнинг асосий скелет шоҳи ҳисобланади. Новда ва шоҳларга ўхшаб лидер янгиланмайди.

Новда – шу йил ўсишни бошлаган ва бир ёшга тўлмаган ўсимта. Новдалар узун ва тез ўсуучсан бўлади. Учки куртаги доим ўсишда давом этади.

Мевали новда – шу йил ўсан калта ва кучсиз новда. Одатда, уларнинг учки куртаклари мевали бўлади. Булар «қалам новда» деб ҳам аталади. Мевали новдалар шу йил ўсан новда ёнидан ёки 1 ва ундан катта ёшли шоҳлар ёнидан ўсиб чиқиши мумкин.

Шоҳ – бир ёшдан катта, ён ва мевали новдаларга эга. Шоҳларда турли ёшдаги новда ва шоҳчаларни кўриш мумкин.

Мевали шоҳ – турли ёшдаги мева тугувчи шоҳлар жамланмаси. Булар ҳосилдор бўлиши учун янгиланиб турилади.

Кесиш ва дараҳтларга шакл беришни тушунтиришдан аввал қўлланмада фойдаланилган сўзларни изоҳлаб ўтсак:

Дараҳт шакли – новда ва мевали шоҳларнинг жойлашувини англатади.

Сокин ўсиш дараҳтни ўсиш тезлигини англатади. Сокин ўсиш ҳосилдор ҳисобланади.

Апикал устунлик – новда учини ёки тез ўсаётган новдаларнинг ўзидан пастдаги ён шоҳлар ўсишига тўсқинлик қилишини билдиради. Қуйидаги расмда жуда кучли апикал устунлик таъсирида фақатгина учки куртаклардан кучли новдалар ўсан ва ён шоҳлар шаклланишига тўсқинлик қилганини кўриш мумкин.

Ауксин ўсимликлар ўсишини бошқарувчи гормонлар гурухини ўз ичига олади ва новдаларнинг кучли ўсишини таъминлайди. Ауксин хужайралар йириклиашувини ва апикал устунлик ҳосил бўлишини таъминлайди.

Мева ҳосилини баланслаш – ҳосилни жуда кўп ёки кам бўлмаслигини англатади. Дараҳтларни ёшартириш – соя ташлаётган шоҳларни ва кераксиз новдаларни кесишни англатади. Шу аснода кесиш қуёш нурларини дараҳт бўйлаб киришини яхшилайди ва куртаклар ҳамда мева сифатини оширади.

Дараҳт шоҳ-шаббаси – тупроқдан юқорида жойлашган дараҳт қисмларини англатади.


3/1 қоидаси асосий танадан ўсиб чиқаётган новдани асосий тана билан туташган жой билан нисбатига айтилади. Асосий тана ёки лидер диа-





Расм-71. Қалам новдаларга эга олма дараҳтлари.



Расм-72. Апикал устунлик натижасида охирги 2 йилда шохларда ён новдалар умуман ўсиб чиқмаган, аксинча юқоридағи күртаклардан новдалар ўсган холос.



Расм-73. Дараҳтда 3/1 қоидасига бўйсингайдиган 2 та шох мавжуд. Улар «эзарча» ёки «тирноқли» усулда кесилади.



Расм-74. Мевали шох (чапда). Бир, икки ва уч ёшли шохлар (ўнгда).

метри ундан ўсиб чиқаётган новда диаметридан 3 баравар қалин бўлишига эришиш керак. Бошқача қилиб айтганда, ён шох ёки новда қалинлиги лидер қалинлигининг учдан бирига тенг бўлиши лозим. Шу орқали дараҳтда лидер устунлиги сақланиб қолинади ва ён шохлар ўсишдан кўра кўпроқ мева беришига олиб келинади.


«3 дан 1» қоидаси:

- Кучли лидер, ҳосил ва ўсиш ўртасида мувоза-нат сақлайди.
- «Вилка» шохлар шох-шаббани қалинлаштиради ва натижада қуёш нурлари яхши тарқалмайди.

- Қуёш дараҳт ичкарисига кириб бориши учун очиқ шакл пайдо қиласди.
- Лидер шох қалинлиги (диаметри) дараҳт тепаси томон кичиклашиб боради.

2. Кесишнинг олма дараҳтига умумий таъсири

Кесиш учки ҳукмронликни ўрнатиб, қуйи куртаклар ривожига тўсқинлик қилувчи шох учидаги ўсиш нуқталарини йўқотади. Кесим остидан янги 1 ёки



Расм-75. Илдиз ва шох-шабба ўртасидаги ўзаро алоқа.

2 та юқорига қараб ўсувчи шохлар ривожланади ва учки хукмронликни тиклаб, қуий куртаклардаги ўсишни бошқаради.

Ўсиш нуқталари камроқ дарахтлар янги ўсиш нуқталарини ривожлантириш учун кўпроқ ўстирувчи гормонлар, озуқа ва бошқа элементларга эга бўлади. Жорий мавсумда ривожланган олма шохини ўсиш мавсуми давомида кесиш уни ён шохлар чиқаришга ундейди, акс ҳолда эса бир мавсум давомида ён шохларга эга бўлмаган бор-йўғи бир донагина ён шох ўсиб чиқади. Кесишни меъёрдан ортиқча кўпайтириб юбориш билан ён шохлар сони камаяди, аммо узунлиги ортади.

Ҳосилга кирган дарахтларни ортиқча кўп кесиш уларда кучли вегетатив ўсиш бошланиши, гулкүртакли шохчалар ва гуллар кам ривожланиши ҳамда ҳосил камайишига сабаб бўлиши мумкин. Ауксин каби ўстирувчи гормонлар, одатда, учки шохлардан илдиз томон ҳаракатланади ва илдиз ривожланишида иштирок этади. Кесиш шундай учки шохларни йўқотади ва натижада илдиз ўсишини ҳам секинлатади. Илдиз ривожланиши секинлашуви эса цитокинин ишлаб чиқарилишини камайтиради. Цитокинин ишлаб чиқарилиши камайганда юқоридаги расмда тасвирланганда шох-шабба ўсиши сустлашади. Шох-шабба ўсиши сустлашганда фотосинтездан келадиган углеводлар миқдори камаяди ва натижада уларнинг илдизларга оқиши ҳам камаяди. Шу тариқа илдизларга озуқа кам келиши натижасида илдизларнинг ўсиш кучи секинлашади.

Боғда суғоришдан сўнг инсон бошқариши мумкин бўлган энг муҳим тадбир — бу кесишдир.

Кесиш мева ҳамда ўсиш ўртасидаги ўзаро мувозанатни бошқариши мумкин. Ушбу мувозанатнинг калити — бу қуёш нурларининг дарахт бўйлаб тарқалишидир. Кесишни тўғри ва сифатли амалга ошириш юқори ҳосил гаровидир. Сифатли кесиш қимматга тушиши мумкин, аммо олиб келадиган фойдаси юқори бўлади. Боғда бирон иш қилишда

уни пулинин баҳолаш нотўғридир, унинг олиб келадиган фойдасини баҳолаш керак.

Қишида ва ёзда кесиш қуёш нурларини дарахт ичкарисига киришини ва тарқалишини таъминлайди, кучли гулкүртакларнинг ривожланишига сабаб бўлади. Қуёш нурларининг бир маромда тарқалиши мева тувишини, катталигини, ширинлигини ва гулкүртаклар сонини оширади. Тик жойлашган гулкүртаклар энг ҳосилдор куртаклар ҳисобланади.

Дарахт барглари ва илдизлари орасидаги ма-софа қанча узун бўлса, илдизлардан баргларга (юқорига чиқадиган оқим) ва барглардан дарахтнинг ҳамма қисмларига ва илдизларига (пастга тушадиган оқим) дарахтдаги сув ва озиқ моддалар ҳаракатланиш вақти шунча кўп бўлади. Бу, ўз навбатида, ҳосилдорликни камайишига олиб келади. Кучли ўсадиган ёш дарахтларда шох-шаббалар ба-ландлигини чеклаш биринчи ярус асосий шохларни ва пастки ярусдаги оралиқ шохларни $45\text{--}50^\circ$ даражагача, юқоридаги шохларни эса $80\text{--}90^\circ$ даражагача эгишдан бошланади.

Кучли новдаларнинг ўсишини сустлаштириш учун деформациядан (эгишдан) фойдаланилади. Бундан мақсад — дарахтларнинг ҳосилга киришини тезлаштириш, ҳосилни ошириш ва ўсишини тўхтатишdir. Шохлар асосидан ёғочлик толалари қисман узилиб, бир оз қирсиллаш эшитилгунча эгилаверади. Агар шох керакли эгилиш бурчагига эга бўлмаса, деформация бир оз кучайтирилади. Бу ишни шохларни синдириб юбормасдан эҳтиётлик билан амалга ошириш керак. Деформация ён шохланишлар бўлмаган бир йиллик новдаларнинг пастки қисмларида ўтказилгани маъқул. Олма ва нок дарахтлари шохлари деформациясининг энг яхши вақти — май ва июнь ойлари ҳисобланиб, бунда ёғочлик бирмунча эгилувчан бўлади. Деформация баҳорда, куртаклар ёзилгунча кам самаралидир.

Шох-шаббанинг яхши ёритилиши микроклиматни яхшилаб, барглар фотосинтезини, шохларда угле-



Расм 76. Деформация нотўғри вақтда амалга оширилганда новда қаттиқ шикастланган (чапда). Деформациянинг яна бир кўриниши тик ва кучли ўсаётган новдаларни қайриб бир оз синдиришдан иборат (ўнгда).

водлар тўпланишини, ҳосил куртаклари тугишини кулаг томонга ўзгартиради. Бу юқори сифатли мева олишни, дараҳтнинг эртароқ (2–3 йилда) ҳосилга киришини, ҳосилдорликни (2–4 марта) оширишини ва унинг таннархини 3–6 марта га арzonлаштиришни таъминлайди.

Дараҳтнинг ҳаддан ташқари гуркираб ўсиб кетиши гулкуртаклари кам пайдо бўлишига ва ҳосилнинг ҳам камайишига олиб келади. Бақувват вегетатив новдалар ҳаддан ташқари ўсиб кетиши мева куртак пайдо бўлиш жараёнларини сусайтириб қўяди. Кузатишларнинг кўрсатишича, фақат 20–30 см чамасида ўсан сербарг дараҳтларгина ҳар йили ҳосил беришга ўтади.

3. Кесиш ва унинг турлари

Нима учун кесилади?

Фақат қишида ёки эрта баҳорда бир марта кесиш даври ўтди! Замонавий интенсив боғда бир неча марта кесишга тўғри келиши мумкин:

- Дараҳтларни тўғри шакллантириш.
- Дараҳтларни қисқа вақтда ҳосилга киришига кўмаклашиш.
- Меваларни керакли рангга ва сифатга етказиш.

Тиним даврида кесиш:

- Шоҳларни янгилаш ва гулкуртакларни сийраклаштириш.
- Ҳосилдорликни мувозанатлаштириш.
- Касалланган ва синган шоҳларни йўқ қилиш.
- Дараҳт шоҳларини янгилаш (зарурият бўлса).

Баҳорда ўсиш бошланганда кесиш:

- Баргизланган шоҳларни камайтириш.
- Дараҳт юқорисида ўсишни сустлаштириш.
- Мева тугувчи шоҳлар сонини камайтириш (зарурият бўлса).

Ёзда ўсиш даврининг ўртасида:

- Сўрувчи кераксиз новдаларни кесиш.
- Дараҳт ичкарисига кўёш нурларини яхши кириши ва рангли олма навларини яхши ранг олишига кўмаклашиш (Гала, Пинк Леди).

Новдани учидан қисқартириш.

Тиним даврида новдани учидан қисқартириш икига: учки қисмдан қисқартириб кесиш ва сийраклаб кесишга ажратилади.

Новдани учидан қисқартириш кесилган жойнинг пастида жойлашган куртаклар ўсишини кучайтириб юборади.

Ҳеч қачон бир ўшга тўлган новдаларни (шоҳларни) учидан қисқартириб кесиб бўлмайди. Тиним даврида қисқартириб кесиш дараҳтнинг табиий ўсиши ва шаклини бузиб юборади, шунинг учун эҳтиёткорлик билан қўллаш керак, айниқса, тез ўсаётган ёш дараҳтларда. Агар бир ўшга тўлган новдаларни қисқартириб кесилса жуда кучли янги новдалар пайдо бўлади. Ушбу новдалар тик ўсиб, дараҳтга соя ташлайди, мева солмайди ва кесиш харажатларини оширади.


Кесиб бўлгандан сўнг дараҳт юқорисидан қаралгандага учидан қисқартирилган новда ёки шоҳларни иложи борича кўрмаслик керак.

Сийраклатиш учун новда ва шоҳлар она шоҳдан чиқиш асосида «ёқа» деб аталувчи кичик кертик юқори қисмидан кесилади. Айнан шу ердан кесиш имкон қадар кичкина жароҳат қолдиради, жароҳат тез битади ва қиши музлашга таъсирчан бўлмайди.

Тиним даврида новда ёки шоҳни тагидан кесиш сийраклатиб кесиш дейилади. Сийраклатиб кесиш



Расм-77. Қисқартириб кесиш усули.



3-жадвал. Сийраклатувчи ва каллакловчи кесиш усулларининг олма дараҳтлариға күрсатадиган таъсири.

Таъсир доираси	Сийраклатувчи кесиш	Каллакловчи кесиш
Учки ҳукмронлик	Қолган ўшишга таъсири кам	Учки қисм кетиб, қолган куртаклар ўшишни бошлади
Новдалар шаклланиши	Бир нечта вегетатив новдалар	Новдалар сони ва узунлиги ошади
Мева куртаклар шаклланиши	Ошади	Камаяди
Дараҳт шакли	Таъсири кам	Таъсири кучли, мисол учун — дараҳт асосий ўқини кесиш
Дараҳт ўшиш тарзи	Табиий баланд ва ёйилган	Ихчам ва юқорига қараган
Хосилдорлик	Таъсири кам	Сезиларлы даражада камаяди
Углевод захиралари	Таъсири кам	Кескин камаяди
Озуқавий элементлар	Таъсири кам	Кальций, магний камаяди, азот микрори күпаяди
Кесилган жой атрофида	Бир нечта новдалар ривожланади	Күплаб новдалар ривожланади



Расим-79.
Сийраклатиб кесиш усули.

дараҳтларни табиий ўшиш ва шаклига таъсир ўтказмайди, сабаби — бу кесиш **апикал устунлик** жараёнига таъсир этмайди. Сийраклатиб кесишдан кейин кучли новдалар пайдо бўлмайди.

Сийраклатиб кесиш натижасида ҳосилсиз новда ва шохлар кесилиб, куёш нурларини дараҳт бўйлаб яхши тарқалишига ёрдам берилади.

Сийраклатиб кесиш, айниқса, жуда қалинлашиб кетган шоҳшаббали дараҳтларда қўл келади. Боғда учидан қисқартириб кесиш ўрнига доим сийраклатиб кесишдан фойдаланишга ҳаракат қилиш керак.

Кесиладиган новда тагидан янги новда ўсиши керак бўлмаганда сийраклатиб кесиш амалга оширилади. Новда «ёқасидан» буртиб турган жойдан 1 мм қолдириб кесилади.

Кечиктирилган кесиш. Қишида эмас, баҳорда учидан қисқартириб кесиш.

Баҳорда, айниқса, кучли новдаларда ўшиш бошлангандан сўнг учидан қисқартириб кесилса, дараҳтни қишида кесилгандан кўра фарқли бўлган таъсир ўтказилади. Қишида кесилса, кесилган жой пастидаги 3 куртак кучли ўсиб, тор бурчак ҳосил қилиб ривожла-


нади. Агар, қисқартириб кесишни ўшиш бошлангунча баҳорга қолдирилса, кесилган жойни 30–45 см пастидаги куртакларнинг барчаси кенг бурчак остида ўсади.

Бу нарса кечиктириб кесиш дейилади. Эркин ҳолда яхши шохламайдиган олма навларига қўллаш мумкин.

Гормонлар таъсири. Нега дараҳтни қишида қисқартириб кесганда кечиктириб кесишдан фарқ қиласди?

Баҳорда гормонлар томирдан новда учларидаги куртакларга томон ҳаракатланади. Бу тиним даври тугаб, уйғониш даври келганлигини англатади. Новда учидаги баргларда ауксин номли гормон ишлаб чиқарилади ва илдизлар томон ҳаракатланади. Ауксин юқоридан илдизга ҳаракатланар экан, қўйидаги куртакларни новда бўлиб ўсишидан тўхтатади.

Қишида новдаларни калласини олмасликнинг сабаби, илдизда пайдо бўладиган гормонларни новдалар учига келиб, куртакларни уйғонишига қўйиб беришdir. Уйғонган учки куртаклар ауксин гормонини ишлаб чиқаришни бошлаганда новдалар қисқартирилиб кесиб ташланади. Ушбу кесилган жойда новда қалинлиги камида қалам қалинлиги билан тенг бўлиши керак. Булардан сўнг илдизда пайдо бўладиган гормонлар тиним ҳолатидаги (уйғонмайдиган) куртаклардан новда ўсиб чиқишига мажбур қиласди.



Расм-80. Қишида сийракламиб кесилгандан кейин кераксиз кучли ўсиш бўлмайди.

Кечиктирилган қисқартириб кесиш:

- Новдаларда кўпроқ куртаклар янги новдаларга айланади.
- «Яланғоч» шох пайдо бўлишининг олдини олади (айниқса, олма ва нокда).
- Кучли шохни мевали шохга айлантиради.
- Шоҳларни мустаҳкамлигини таъминлайди (олмаларни қўёш уришидан сақлайди).
- Меваларни дарахт лидерига яқинроқ жойдан ривожланишига олиб келади.
- Бу кесиш турли вақтларда амалга оширилиши мумкин. Кечиктириб кесишнинг энг эрта вақти — «яшил конус»; кечки вақти эса гуллашдан 2 ҳафтадан сўнг (расмларга қаранг). Агар олма дарахти тепа қисмида жуда кучли новдалар ҳар йили пайдо бўлса, кечиктириб кесишни июннинг бошигача (бошқача қилиб айтганда, новдалар 10–12 та барг пайдо қилган вақтгача) кечиктириш мумкин.
- Бу кесиш қанчалик кечиктирилса, шунча кўп новда пайдо бўлади ва улар қисқароқ бўлади.

▪ Новда қанчалик кучли бўлса шунча яхши натижажа бўлади.

▪ Кесилган жойдан 45 см гача бўлган масофада новдалар пайдо бўлади.

▪ Кесилаётган вақтда новдалар қалинлиги камида қалам қалинлигига тенг бўлиши керак.

Кечиктириб кесиш дарахт ўсишини сустлаштиради. Қанчалик кечиктириб кесилса дарахт шунчалик кучсизланади. Қайси вақтда кесиш дарахтнинг ўшиш кучига боғлиқ. Агар олма дарахтида ўшиш ўртacha бўлса, эрта кечиктириб кесиш керак, аксинча кучли бўлса, кечроқ кечиктириб кесиш мумкин.

Кучсиз дарахтларни кечиктириб кесиб бўлмайди!

Кечиктирилган кесиш (давоми). Иккинчи ваучинчи новдалар – кечиктириб кесилган жойнинг пастидаги 2- ва 3-куртаклардан ўсиб чиқсан новдаларга нисбатан айтилади.

Ушбу икки новданинг чиқиш бурчаги жуда тор ва энг учки новда сингари жуда кучли ўсиб рақобат қиласди. Энг учки новда лидер шохни давом этти-



Расм-81. Эрта кечиктириб кесиш (яшил конус).



Расм-82. Кеч кечиктириб кесиш даври.





Расм-83. 2- ва 3-новдалар чилпишдан аевал. 2- ва 3-новдалар чилпишдан кейин (10 см узунликка етганда).



Расм-84. Түрт ёшли Фуджи науи ён шохларининг баргизланиши.

риш учун қолдирилади ва аксинча, 2- ва 3-новдалар ортиқча ҳисобланади.

2- ва 3-новдалар пастдаги куртаклардан янги новдалар ўсиб чиқишида жуда муҳим аҳамият касб этгани учун улар кесиб юборилмайди. Улар 10 см узунликга етганды 2,5 см қолдириб чилпилади. Бу нарса пастдан ўсаётган новдаларни кенг бурчакда ўсиб чиқишига катта ёрдам беради. Мавсув давомида яна бир марта чилпишга түғри келиши мумкин.

Кечиктириб икки марта кесиш. Баргизланган шохлари кўп бўлган ҳаддан ташқари тез ўсаётган олма дарахтларида тиним ҳолатидаги куртакларини кўзғатиш учун кечиктириб икки марта кесиш усулидан фойдаланиш мумкин. Биринчи кечиктириб кесишдан сўнг учки 3 та куртак ўсиб чиқади. Уларнинг узунлиги 7 см бўлганда шу учта новдани тагидан иккинчи марта кесинг. Кечиктириб икки марта кесиш иш ҳажмини ошириши мумкин, лекин ўсишни кучизлантириб, дарахтларни сокин ўсишига олиб келади.




Расм-85. Голландча кесиш ва унинг натижаси.





Расм-86. Июнь ойида мевалар яхши ранг олишига кўмаклашиш учун ҳам кесилади.



Кечикириб кесиш усуллари Жанубий Африка Республикасининг Стэллинбуш университети профессори Дон Страйдом томонидан ўлаб топилган ва ривожлантирилган.

Голландча (эгарча, тирноқли) кесиш. Голландча кесиш сийраклатиб кесишнинг бир тури ҳисобланиб, кесилган жойда горизонтал бутоқча қолдирилади. Бутоқча остидаги «яширин» куртаклардан кенг бурчакли кучиз мевали новда пайдо бўлади. Бу кесиш ёш дараҳтларда пайдо бўладиган кучли ва тик новдаларни кучиз мевали новдаларга айлантириш учун қўлланилади.

Голландча кесишни барча мевали дараҳтларда ва ҳатто ёнғоқ дараҳтида ҳам қўлласа бўлади.

Июнда кесиш. Дараҳтнинг тела қисмида ўсишни ҳамда унинг бўйини назорат қилиш учун июнь ойида новдалар кесилади.

Ушбу кесиш энг узун кун-июннинг 21 санасидан сўнг амалга оширилади. Ушбу вақтда новдалар ўсиши суствлашаётган даврга тўғри келади.



Дараҳт тепасидаги барча янги новдаларни тагидан кесинг. Зарурат бўлса кесилган жойдан пастдаги новдаларни ҳам учидан кесиб қисқартириш мумкин. Агар дараҳтлар ҳар йили мева солиб турса, дараҳт тепасида кучли ўсиш пайдо бўлмайди.


Икки-марта кесиш. Ушбу кесиш йилнинг исталган вақтида амалга оширилиши мумкин. Тик ўсаётган кучли новдаларни горизонтал ўсувчи кучиз мевали шохга айлантириш учун қўлланилади.

Бу кесиш қўйидагича бажарилади: биринчи кесиш – новда 4–5 см узунлик қолдирилиб, тепага қараган куртак устидан кесилади.

Тепага қараган куртакдан тик ўсувчи новда ўсади ва пастидаги куртаклардан ривожланаётган новдаларни горизонтал ўсишга мажбур қиласи. Пастдаги кучиз ўсаётган новдалар 15–20 см узунликка етганда энг юқоридаги тик ўсаётган новда тагидан кесиб ташланади (иккинчи кесиш).

Расм-87. Икки марта кесиш.





«Түрт бармоқ» усулида кесиш. Бу кесиш ён шохли күчтілдер экилгандың новдалары жуда күчли ўсаёттандың көнгрөк бурчак ҳосил қилишлары учун ҳам фойдаланса бўлади.

Бу кесишидан ёш дараҳтларнинг новдалари жуда күчли ўсаёттандың көнгрөк вақт талаб этади. Лекин новда тик ва жуда күчли ўсаёттандың бўлса икки марта кесиш усулидан фойдаланиш керак.

Баъзан ён шохларни «түрт бармоқ» усулида кесиш лидер ўсишини яхшилаб, лидер хукмронлигини мустаҳкамлашга ёрдам беради.

Кесишининг 10 та қоидаси. Ҳосилдорлик ва ўсиш ўртасида доимий мувозанатни ушлаб туриш учун кесишининг 10 қоидаси ўйлаб топилган. Бу қоидалар олма дараҳтини сокин ўстириш учун дунёнинг барча мамлакатларида кўлланиши мумкин.

1. Кучсиз дараҳтларни биринчи ва күчли дараҳтларни эса кечроқ кесинг.

2. Йирик, «3 дан 1» қоидасига тўғри келмайдиган шохларни кесиб ташланг. Йирик шохларда кам ҳосил бўлади, тез ўсиб соя туширгани учун мева-сининг сифати паст бўлади. Йирик шохларда ҳосил новдалар пайдо бўлишидан аввал кесинг.

3. Новдаларни қисқартириб кесишидан кўра сийраклатиб кесишини кўпроқ кўлланг. Сийраклатиб кесиш дараҳтнинг табиий ўсиши ва шаклига нотўғри таъсир этмайди ва апикал устунликни бузмайди.

Новдаларни қишида қисқартириб кесиш ўсишини жуда жадаллаштириб юборади, кесилган жойнинг




Расм-89. Ред Чиф дараҳтининг шохлари жуда кўп қисқартириб кесилган.

пастидаги 2–3 куртак күчли ўсади. Кичик шохларни қисқартириб кесиш дараҳтга жуда ёмон таъсир этади ва ўсишини тезлаштириб, дараҳтларни сокин ушлаш имкониятини йўқ қилади.


4. Дараҳт юқорисидан қараганда кесилган жойлар умуман кўринмаслиги зарур. Агар кесилган жойлар кўринса, ўша ердан янги ҳосилсиз күчли новдалар ўсиб чиқади. Бундай новдалар дараҳтга соя ташлайди.


5. Дараҳтларнинг максимал баландлиги қатор ораси кенглигининг 80% ига teng бўлиши керак

6. Дараҳтларнинг тепасини кесишини иложи борича гуллашдан кейинга ёки июннинг бошигача кечиктиринг. Дараҳтнинг энг тепа қисми пастдаги новдалар ўсишини бошқаради, шу сабабли бу жойда кўп кесиш яхши натижага олиб келмайди. Пинк Леди ва Голден Делишес навларининг пастки новдалари күчли ўсади, тепа қисми эса сустроқ. Бу навлар



Расм-90. «Айри» шохларни камайтирине. Сийраклаштиришда ён шохларни кесиб ташланг.





Расм-91. Калласи олинмаганда (А), қишида калласи олинганда (Б), кечиктирилип кесилганда – гуллашдан олдин ёки кейин (В).

мева беришни бошлагандан сўнг ўз баландликларини ўзлари белгилайди. Гренни Смит ва Гала эса бунинг акси. Тепа қисми тез ўғсанлиги сабабли «соябон»ни эслатади. «3 дан 1» қоидани қўллаб ва тепасини кесишни энг эрта, гуллашдан кейинга қолдириб, ўсиш кучини камайтириш мумкин.

7. Шохлар узунлигини қисқартириш учун 2 ёш ёки ундан катта шохгача қисқартириб кесинг. Энг пастки шохлар узунлиги 1,5 метрдан қисқа бўлиши керак. Одатда бу узунликка учинчи йилда эришилади. Учинчи йил охирида, қишида қуйидагилардан бирини амалга оширинг:

- Ҳосил куртак ёки кучиз қалам шохга қайтариб кесинг.
- Шу йил ўсан учки новдалар ва 2 ёшли шох туашган жойдан кесинг

Туташган жойда шох қалинлашади. Шу қалинлашган қисмни қолдириб кесинг. Бу ердан кучиз новдалар ўсиб чиқади ва шохнинг ўсишини сустлаштиради. Шохни горизонтал ҳолатда ушланг. Агар ушбу шоҳда ўсишни кучайтиришни хоҳласангиз, уни горизонтал ҳолатдан 30 дараҷа юқорига кўтариш ҳамда юқорига қараган ҳосил куртак ёки новда устидан кесинг.

8. Ҳар доим ҳосил шохларни ўшартириб туринг. Бунга эришиш учун кесишни 1, 2, 3 қоидасидан фойдаланинг. Энг сифатли мева 2 ёшли ҳамда ўш гулкуртакларда пайдо бўлади.


9. Кечиктириб кесиш ялангоч шохларни юзага келишининг олдини олади. Гренни Смит ва Фуджи навларида, айниқса, кўп учрайди. Агар ялангоч шохларни дараҳтларда кўрсангиз кечиктириб кесишдан фойдаланинг.

10. Кучиз ҳосил куртакларидан воз кечинг. Кучли куртаклар биринчи гуллайди. Улар баргларининг сатҳи йирик бўлади ва мева ривожига катта ҳисса кўшади. Кучиз гулкуртаклар кеч гуллайди ва чангиши ёмон бўлади. Уларда барглар ҳамда мевалар кичик бўлади. Дараҳтларга доимий равишида қуёш нурлари тарқалишини таъминланг. Дараҳтда кўп новда қолдириш орқали кўп ҳосил олишга эришишдан кўра, сифатли мева олишга ҳаракат қилиш зарур.

5. Тўғри шакл беришда қўлланиладиган усувлар

Кертиш. Кертиш (рус тилида «кербовка» деб юритилади) шохнинг флоэма қатламини кесиш орқали аслида ўса олмайдиган куртакни ривожланишга ундовчи усул. Бунда куртак юқори қисмидаги 2–3 мм кенглигдаги пўстлоқ бўлаги кесиб олинади ва пичноқ иккиласмачи ксилема қатламини ҳам кесиб, шох йўғонлигининг учдан бир қисмигача айлантириб кесилади.

Кертиш фақат дараҳт пўстлоқ қисмидаги амалга оширилиб, пўстлоқ остидаги ёғоч қисмга ўтиб кетмаслиги керак. Шохнинг қуий қисмидаги куртаклар ривожланишига тўсқинлик қилувчи учки қисмдан пастга қараб ҳаракатланадиган ауксир оқими кертиш натижасида тўхтатилади. Флоэма қатлами кесилиб, ауксин таъминоти тўхтагач, куртак ривожланиб ўса бошлайди. Кертиш куртаклар бўртаётган вақтда амалга оширилиши керак. 2 мм қалинликдаги куртакдан 0,5–1 см юқоридан керting. Кертиш новда,



Расм-92. Кертиш ва унинг натижаси.



шох ёки лидер айланасининг 3 дан 1 қисмигача кенглиқда қилиниши мумкин.

Гуллашдан кейин дархол кертилган куртаклар эртароқ кертилгандарига нисбатан анча суст ривожланган. Кертиш деярли барча куртакларни ўсишга ундасада, йирикроқ куртаклардан кичкина куртаклардагига нисбатан кучлироқ ва узунроқ ён шохлар ривожланниши кузатилган.


Кертилган куртаклардан ривожланган шохлар табиий ривожланган шохларга нисбатан, одатда, торроқ айри бурчаклар ҳосил қилиши қайд қилинган. Тор айри бурчак муаммоси юқорида тасвирлангани каби турли воситалар, хусусан кийим қистиргичлар ёрдамида ҳал қилиниши мумкин.

Изланишларига кўра, кертиш жуда ҳам самарали усул бўлиб, кертилган куртакларнинг 80% дан ортиғи ён шохлар чиқаришига ишониш мумкин. Ярусларда ён шохлар ривожлантириш ва ёш кўчатларда ўсишни мувозанатга келтириш учун кертиш анча фойдали ҳисобланади. Кертиш олма дарахтларида шохланиши яхшилади.


Олма дарахтларида, одатда, новда ёки шохнинг энг юқорисидаги 3–4 куртак кучли ўсиб ривожланади. Пастдаги ўсуви куртаклар эса гулкуртакка айланади ёки ўсмай қолиб кетади (новдада «шохнинг баргизланиши» пайдо бўлади). Бунинг асосий сабаби **апикал устунликдир**. Ёш янги ривожланаётган новда учида пастдаги куртакларни ўсишига йўл қўймайдиган гормон – ауксин пайдо бўлади.

Ауксин гормони новдалар учида пайдо бўлиб, пўстлоқ орқали пастга ҳаракатланиб, пастдаги куртакларни ўсуви новдага айланishiiga йўл қўймайди.

Новда ёки шох қанчалик тик бўлса, ауксин шунча кўп ишлаб чиқарилади ва пастдаги куртаклар ўсмай қолиб кетади. Кертиш ауксин гормонининг куртаккача этиб келишини олдини олиб, куртакни новдага айланishi учун кулай шароит яратади. Кертиш кўп ишчи кучини талаб этишини ҳисобга олиб, фақатгина қўлланмада келтирилган, зарур ҳолларда ишлатилиши тавсия этилади.



Расм-93. Ёй турган жойдан ҳалқаланган (чапдаги чизма). Ҳалқаланмаган кўчам (ўнгдаги чизма).



Расм-94. Ён шохсиз кўчам ҳалқалашдан сўнг. Пакана пайдондатагга уланган олма кўчамларини қисқартириб кесмасдан 90 см баландликда ҳалқалаб шохлатиш мумкин. Бундай кўчамлар иккинчи йилда гектарига 10 тонна ҳосил беради.



Расм-95. Ҳалқалаш усули ва ҳалқалаш учун ясалган махсус пичоқ.

Ҳалқалаш. Ён шохларга эга бўлмаган кўчатлар экилганда ва кўчатларнинг калласи олинмагандан ҳалқалашдан фойдаланиш мумкин.

Ҳалқалаш бу – лидер шох айланаси бўйлаб фақат пўстлоқни кесишидир. Ҳалқалаш куртаклар бўртаётган вақтда амалга оширилиши керак. Ҳалқалаш ауксин гормонини пастдаги куртакларга боришини вақтинча тўхтатиб, новдалар ўсишига ёрдам беради.

Ушбу Фуджи кўчати экилаётган вақтда ён шохлари бўлмаган. Баҳорда ҳалқалашдан сўнг пастдаги куртаклардан новдалар ўсиб чиқсан. Ҳалқаланган жойга яқин бўлған куртаклардан кучли тик новдалар чиқсан. Бу тик новдаларни ўсиш даврида «тиш тозалагич» билан кенгайтириш мумкин.

Ердан 90 см баландликда ҳалқаланган кўчатларда пастдаги 40 см масофа бўйлаб новдалар ўсиб чиқади. Шундай қилиб, ён шохлар ердан 50 см баландликда шаклланиши зарур.

Ҳалқалашни осон бажариш учун «шпатлёвка» ёки пичноқни «V» кўринишида кесиб, мослама ясаш мумкин.

Ҳалқалашда пўстлоқни жуда чуқур кесмасдан, куч билан бир маромда босиб, бир марта айлантириб кесинг.

Агар ўртача чуқурликда кесилса, кесилган жой битиб кетади. Агар жуда чуқур кесилса, юқоридаги барглар рангини сариқ/бронза рангга айланиши ва айрим ҳолларда ҳалқаланган жойдан синиб кетиши мумкин.

«Куртаксизлаш». «Куртаксизлаш» бу – баҳорда лидер ёки ён шох ва новдаларнинг энг учки куртагини қолдириб, пастдаги 5 та куртакни қўлда олиб ташлашдир.

Шохларда «ялангоч» қисм пайдо бўлишини олдини олиш учун «куртаксизлаш»дан фойдаланилади. Бундан ташқари, у лидер билан



Расм-96. Ҳалқалаш натижаси.



Расм-97. Куртаксизлаш усули.

рақобат қиласиган бўлажак кераксиз новдаларни йўқотишга ёрдам беради.

«Куртаксизлаш»дан лидери кучсиз ёки пастки шохлари юқоридагиларидан кучсиз ўсадиган олма навларида фойдаланиш, айниқса, қўл келади (Гренни Смит, Фуджи, Вилиямс Прайд ва Пинк Леди навлари шу навлар категорига киради). Умуман барча навларга қўллаш тавсия этилади.

5 та куртак лидер ёки доимий ён шохлар учидан олинганда ауксин гормонини ишлаб чиқариш камаяди ва пастдаги куртаклардан новдалар ўсиб чиқади. «Куртаксизланган» жойдан олма навига қараб 30–45 см масофагача жойлашган куртаклардан новдалар ўсиб чиқиши мумкин. Янги ўсаётган новдалар бурчагини кенгайтириш учун тиш тозалагичдан фойдаланишга тўғри келиши мумкин.

Қўйидаги расмларда «куртаксизлаш» амалга оширилмаган ва лидернинг учидан қисқартирилмаган дараҳт кўрсатилган. Лидер қисқартирилмасада, кучли новдалар ушбу



Расм-98. Куртаксизлашдан аввал (чапда) ва кейин (үнгда).



Расм-99. Куртаксизлаш амалга оширилмаганды лидер новда пастидан кераксиз кучли ўсуучи новдалар пайдо бўлади ва уларни қишида кесиб юборилади.



Вильямс Прайд олма навида ўсиб чиқган. «Куртаксизлаш» амалга оширилганда лидерга рақобат кучли ўсан кераксиз новдалар ўрнига қўйироқдан калтароқ новдалар пайдо бўлган бўларди.

6. Ёзги кесиш

Ёзги кесишнинг физиологик жараёнларга таъсири. Ёзги кесишдан кейин дараҳт қуий қисмида қолдирилган шохлардаги баргларнинг фотосинтез кўрсаткичи кесилмаган дараҳтлардаги худди шундай баргларнига нисбатан 11–39% юқорироқ эканлиги қайд қилинган.

Ёзги кесишнинг меваларга таъсири. Ёзги кесиш, асосан, мевалар қизил рангини яхшилаш ва умумий сифатини ошириш мақсадида амалга оширилади. Ёзги кесиш орқали ўсишни бошқариш айтарли натижалар бермаган. Ранг олиши қийин бўлган Макинтош ва Гала каби навларда ёзги кесиш мевалар қизил рангга киришига жуда яхши таъсир ўтказади.

Аммо Ред Делишеснинг қизил чатишмалари каби тўла қизил рангли навларда ранг нуқтаи назаридан ҳеч қандай ўзгаришлар кузатилмаган. Ёзги кесиш мевалардаги ачқимтири доғлар, ички ёрилиш ва сувланишни камайтириш орқали ҳосилнинг узоқ муддат сақланиш сифатини оширади.

Сақланиш сифатига путур етказувчи бундай бузилишларнинг камайишига сабаб — ёзги кесиш натижасида мева таркибидаги кальций миқдорининг ошиши деб эҳтимол қилинади. Мева таркибидаги кальций миқдори учки куртаклар шаклланишидан аввал, мева ҳужайралари фаол бўлиниш даврида амалга оширилган ёзги кесиш натижасида ортади.

Учки куртаклар шаклланишидан сўнг амалга оширилган ёзги кесиш мева таркибидаги кальций миқдорига деярли таъсир кўрсатмайди. Агар ёзги кесиш давомида баргли новдалар ҳаддан зиёд кесиб ташланса, мева ҳажми кичрайиши ҳамда мева таркибидаги эрувчан моддалар миқдори камайиши мумкин.

Енгил ёзги кесиш мева рангини яхшилаш билан бирга, мева ҳажми ва таркибидаги эрувчан моддаларга салбий таъсир кўрсатмайди. Ҳаддан

ортиқ ёзги кесиш баъзи куртакларнинг ёриши ва кеч мавсумда гуллаши, натижада эса дараҳтда бир вақтнинг ўзида ҳам етилган мева ҳам гуллар мавжуд бўлишига сабаб бўлади. Бундай ҳолат Макинтош ва Гала каби навларда кўпроқ учрайди ҳамда гул ва мевали арапаш давр кўп ҳолларда узоқча чўзилади.

Ёзги кесишнинг ўсишга таъсири. Умуман олганда, ёзги кесиш, асосан, дараҳт ёйилмасининг ташки юзасига тааллуқли бўлиб, ўсиш суръати юқори новдаларни 1 ва 2 йил ўсиш туташган жойдан ёки икки йиллик новдалардаги биринчи гул-куртак юқорисидан кесишдан иборат бўлади.

Ёзги кесишнинг амалий аҳамияти. Ёзги кесишни эртарок, учки куртаклар шаклланишидан олдин ёки дарҳол кейин амалга ошириш кучли ўсувлан новдалар томонидан бўладиган рақобатни камайтиради ва бу орқали келаси мавсумга мева куртакларининг туғилиш кўрсаткичини ошириши мумкин.

Ҳосил етилишидан 1–2 ой олдин, учки куртаклар шаклланиб бўлгандан сўнг амалга оширилган ёзги кесиш таъсирида жорий мавсумдаги қайта ўсиш



Расм-100. Ёзги кесиш натижасида кучли ўсаётган шох қалам новдага айланган.

4-жадвал. Ёзги кесишнинг олма дараҳтлари ўсиши ва мевасига кўрсатадиган таъсири.

Таъсир доираси	Ошган	Камайган	Ўзгармаган
Барг фотосинтези	X		
Баргдаги углеводлар			X
Мевадаги кальций	X		
Мева ранги	X		
Мевада ачқимтири доғлар		X	
Мевада сувли бўшлиқ		X	
Мева ҳажми		X?	
Мева таркибидаги эрувчан моддалар		X?	
Кечки гуллаш	X		
Кейинги йилда ўсиш			X



Расм-101. Ёзги кесиши натижасида ҳосил бўлган қалам новдалар бир йилдан сўнг мева беради. Ушбу расмлардан интенсив боғларда ёзги кесишини фойдаси жуда катта эканлигини яққол кўриш мумкин.

камаяди ёки умуман рўй бермайди. 2 ёки 3 йиллик шохларни биринчи мева берувчи бутоққача кесиб қисқартириш дараҳт юқори қисмини очишида катта аҳамиятга эга.

Сийраклаш усулида шохларни бутунлай кесиб ташлаш учки куртаклар шакллангандан сўнг амалга оширилганда қайта ўсишни деярли авж олдирмайди. Сўрувчи новдаларни кесиб ташлаш ҳар қандай вақтда ҳам амалга оширилса бўлаверади,

аммо уларни эртароқ, мавсум бошида йўқотиш тавсия қилинади, сабаби уларни кейинчалик, ёғоч қисми қотгандан сўнг кесиши, асосда жойлашган куртакларни ўшишга ундаши мумкинлиги.

Ёзги кесишидан ёш кўчкатларни марказий лидерни шакллантириша фойдаланиш мумкин. Ёзги кесиши ўшиш суръати паст дараҳтларга нисбатан қўллаб бўлмайди, сабаби барг майдони йўқотилади.



VII. Олма навлари ва уларнинг ўсиш хусусиятлари

1. Янги олма навлари58
2. Олма навларининг ўсиш хусусиятлари.	66
3. Кўп лидерли ўстириш усуллари	68

1. Янги олма навлари

5-жадвал. Ўзбекистон Республикасига 2010-2015 йиллар мобайнида олиб келинган олма навлари рўйхати.

№	Олма нави	№	Олма нави	№	Олма нави
1	Айдоред	13	Жонаголд (Жонаголд Декоста, Жонапринц, Рубинстар)	25	Роум Буют*
2	Алва*	14	Кокс Оранж Пиппен*	26	Саммер Ред*
3	Арнабел*	15	Кримпсон Крисп*	27	Топ Ред*
4	Арника*	16	Лигол*	28	Топаз*
5	Брейбурн*	17	Мелроз*	29	Флорина*
6	Вилямс Прайд*	18	Мутсу*	30	Фридом*
7	Гала (Гала Маст, Гала Натали, Брукфильд, Букеј Гала)	19	Пинк Леди*	31	Фуджи (Кики, Бени Шогун)*
8	Гибсон*	20	Пинова*	32	Чемпион*
9	Глостер*	21	Пирос*	33	Элстар*
10	Голден Делишес (Рейндерс, Смуси)	22	Примо*	34	Эмпайер*
11	Гренни Смит*	23	Ред Делишес (Ред Чиф, Скарлет Спур, Жеромин, Старкинг)		
12	Жинжер Голд*	24	Ред Фри*		

* Ушбу навлар Ўзбекистон Республикаси худудида экши учун тавсия этилган қишлоқ хўжалик экинлари давлат реестрига киритилмаган (2015 йил холатига)

6-жадвал. Ўзбекистон Республикаси М. Мирзаев номидаги боғдоричилик, узумчилик ва виночилик илмий-тадқиқот институтининг олимлари томонидан яратилган олма навлари.

№	Олма нави	№	Олма нави
1	Боровинка Ташкентская	5	Ойдин
2	Болажон	6	Фарангиз
3	Гўзал	7	Феруза
4	Камола	8	Чўллон

Ушбу навлар хақида тўлиқроқ маълумотни 2014 йилда чоп қилинган «Олма навлари каталоги» нашрдан олишингиз мумкин.

Қуйида серҳосил ва юқори сифатли янги олма навлари хақида қўшимча маълумотлар берилган.




Жерси Мак

Ватани: АҚШ (1971 й.).

Терим вақти: Июннинг охири, июлнинг боши.

Мева йириклиги (мм):



Гуллаш даври: эрта.

Чанглатувчи нав: Голден Делишес, Гала, Гренни Смит.

Дарахтнинг ўсиш ва мева бериш гуруҳи: IV-гурух.

Дарахтнинг ўсиш тезлиги: ўрта.

Ҳосилдорлик ва сийраклостиш: ҳосилга барвақт киради, ўрта ҳосилдор, солкашликка кам чалинади.

Касалликларга чалинувчанлиги: парша, ун шудринг ва бактериал куйишга кам чалинувчан.

Меваси: қизил, қарсилдоқ ва сувли, нордонширин. Иссиқ худудларда ҳам 80–90% қизариш хусусиятига эга.

Сақланиши: совуқхонада 7–10 кун.




Расм-102. Жерси Мак.

Вильямс Прайд

Ватани: АҚШ (1988 й.).

Терим вақти: Июлнинг ўртаси.

Мева йириклиги (мм):



Гуллаш даври: эрта-ўрта.

Чанглатувчи нав: Голден Делишес, Гала, Гренни Смит.

Дарахтнинг ўсиш ва мева бериш гуруҳи: II/III-гурух, ярим спур.

Дарахтнинг ўсиш тезлиги: кучли.

Ҳосилдорлик ва сийраклостиш: ҳосилга барвақт киради, юқори ҳосилдор, солкашликка кам чалинади.

Касалликларга чалинувчанлиги: паршага юқори чидамли, ун шудринг ва бактериал куйишга чидамли.

Меваси: қизил, қарсилдоқ ва сувли, ширин. Иссиқ худудларда ҳам 80–90% қизариш хусусиятига эга.

Сақланиши: совуқхонада 45 кун.



Расм-103. Вилиямс Прайд.




Расм-102. Гала нави.

Гала

Ватани: Янги Зелландия (1934 й.).

Терим вақти: Голден Делишездан 30 кун аввал.

Мева йириклиги (мм):



Гуллаш даври: ўрта, Голден Делишес билан бир вактда; бир ёшли новдаларда гуллайди.

Чанглатувчи нав: Брейбурн, Голден Делишес, Гренни Смит, Фуджи.

Дарахтнинг ўсиш ва мева бериш гурухи: III-гурух, Голден Делишес.

Дарахтнинг ўсиш тезлиги: ўрта.

Ҳосилдорлик ва сийраклатиши: ҳосилга барвақт киради, ўрта ҳосилдор, солкашликка кам чалинади, кимёвий сийраклаштириш қишин.

Касалликларга чалинувчанлиги: парша ва бактериал куйишга чалинувчан.

Меваси: пўсти сарғиш қизил белбог билан қопланган, меваси қарсилдоқ ва сувли, ширин. Галавал, Бакей ва Шнига кўринишлари Галанинг энг қизил клонлари ҳисобланади ва рангланиши қишин худудларга тавсия этилади.

Сақланиши: совуқхонада 3–4 ой, газли муҳитда 6 ой.

Ишлатилиши: ширин олма афзал кўриладиган давлатларда кенг истеъмол қилинади.



Расм-105. Гала навининг энг қизил кўриниши Галавал. Иссиқ худудларда ҳам рангланиши Галанина бошқа кўринишларидан кўра кўпроқдир.




Кримпсон Крисп

Ватани: АҚШ.

Терим вақти: Голден Делишездан 10 кун аввал.

Мева йириклиги (мм):



Гуллаш даври: ўрта

Чанглатувчи нав: Гренни Смит, Гала.

Дараҳтнинг ўсиш ва мева бериш гуруҳи: III/IV-гурӯҳ, Голден Делишес ва Гренни Смит орасида.

Дараҳтнинг ўсиш тезлиги: ўртача.


Ҳосилдорлик ва сийраклостиши: ҳосилга кириш муддати секин, ўрта ҳосилдор, солкашликка кам чалинади, кимёвий сийраклаштириш Гала сингари қийин.

Касалликларга чалинувчанлиги: паршага чидамли, ун шудринг ва бактериал куйишга чалинувчан.

Меваси: тўқ қизил, ялтироқ, қаттиқ, кислота ва шакар даражаси ўртамиёна.

Сақланиши: совуқхонада 3 ой, газли муҳитда 6 ой.

Ишлатилиши: органик боғларга мос, паршага чидамли навларнинг энг ширини, газли муҳитли совуқхонада узоқ сақлаш мумкин.




Расм-106. Кримпсон Крисп нави.

Ред Делишес

Ватани: АҚШ (1872 й.).

Терим вақти: Голден Делишес билан бир вақтда.

Мева йириклиги (мм):



Гуллаш даври: ўрта, Голден Делишес билан бир вақтда; 2 ёшли спурларда гуллайди.

Чанглатувчи нав: Голден Делишес, Гала, Гренни Смит, Фуджи.

Дараҳтнинг ўсиш ва мева бериш гуруҳи: II-гурӯҳ, стандарт Ред Делишес.

Дараҳтнинг ўсиш тезлиги: ўрта-кучли.

Ҳосилдорлик ва сийраклостиши: ҳосилга кириш муддати ўрта, ўрта ҳосилдор, солкашликка чалинади, мева тузиши қийин.

Касалликларга чалинувчанлиги: паршага чалинувчан, ун шудринг ва бактериал куйишга юқори чидамли. Кальций етишмовчилигидан мева доғланишига ва уруғ атрофидан чиришга чалинувчан.

Меваси: қизил, қарсилдоқ ва сувли, ширин. Жеромин нави Ред Делишес авлодларининг энг қизил клони ҳисобланади ва рангланиши қийин ҳудудларга тавсия этилади.

Сақланиши: совуқхонада 4 ой, газли муҳитда 6–11 ой.



Расм-107. Ред Делишес.



Расм-108. Голден Делишес нағи.




Голден Делишес

Ватани: АҚШ (1890 й.).

Терим вақти: сентябрнинг биринчи 10 кунлиги.

Мева йириклигиги (мм):



Гуллаш даври: ўрта-кеч; бир ёшли новдаларда гуллайди.

Чанглатувчи нағ: Ред Делишес, Гала, Гренни Смит, Фуджи.

Дарахтнинг ўсиш ва мева бериш гурӯҳи: III-гурӯҳ.

Дарахтнинг ўсиш тезлиги: ўрта.

Ҳосилдорлик ва сийраклатиш: ҳосилга жуда барвақт киради, юқори ҳосилдор, солкашликка кам чалинади.

Касалликларга чалинувчанлиги: парша ва бактериал куйишга чалинувчан, ун шудрингга ўртача чалинувчан

Меваси: сарик, қарсилдоқ ва сувли, ширин. Етишириладиган ҳудуд тўғри танланганда мева сифати жуда юқори бўлади.

Сақланиши: совуқхонада 5 ой, газли мухитда 9–10 ой.

Ишлатилиши: ширин олма афзал кўриладиган давлатларда кенг истеъмол қилинади.




Расм-109. Годен Делишес нағининг Жинжер Голд номли эртапишар кўриниши. Пишиш вақти 10–15 июль.



**Скарлет Спур (Ред Делишес),
Орегон Спур навининг клони ҳисобланади**

Терим вақти: Голден Делишес билан бир вақтда
Мева йириклиги (мм):



Гуллаш даври: ўрта, Голден Делишездан 3 кун аввал; 2 ёшли спурларда гуллайди.

Чанглатувчи нав: Голден Делишес, Гала, Гренни Смит, Фуджи.

Дараҳтнинг ўсиш ва мева бериш гуруҳи: II-гуруҳ.

Дараҳтнинг ўсиш тезлиги: кучсиз (кучли ММ106 пайвандтагига улаш тавсия этилади, Супер Чифдан кўра кучлироқ ўсади).

Ҳосилдорлик ва сийраклатиш: ҳосилга кириш муддати ўрта, юқори ҳосилдор, солкашликка чалинади, мева туғиши қийин.

Касалликларга чалинувчанлиги: паршага чалинувчан, ун шудринг ва бактериал куйишга юқори чидамли.

Меваси: жуда қизил, меваси қаттиқ, ширин.


Сақланиши: совуқхонада 5 ой, газли муҳитда 9 ой.



Расм-110. Скарлет Спур нави.

Ред Чиф (Ред Делишес)

Терим вақти: Голден Делишес билан бир вақтда.
Мева йириклиги (мм):



Гуллаш даври: ўрта, Голден Делишездан 3 кун аввал; 2 ёшли спурларда гуллайди.

Чанглатувчи нав: Голден Делишес, Гала, Гренни Смит, Фуджи.

Дараҳтнинг ўсиш ва мева бериш гуруҳи: II-гуруҳ.

Дараҳтнинг ўсиш тезлиги: жуда кучсиз (кучли ММ106 пайвандтагига улаш ва интенсив боғташкил этиш тавсия этилади).

Ҳосилдорлик ва сийраклатиш: ҳосилга кириш муддати ўрта, юқори ҳосилдор, солкашликка чалинади, мева туғиши қийин.

Касалликларга чалинувчанлиги: паршага чалинувчан, ун шудринг ва бактериал куйишга юқори чидамли.

Меваси: жуда қизил, қаттиқ, ширин.

Сақланиши: совуқхонада 5 ой, газли муҳитда 9 ой.



Расм-111. Ред Чиф нави.




Расм-112. Жеромин нави.



Расм-113. Брейбурн нави.

Жеромин (Ред Делишес) Эрли Ред навининг клони ҳисобланади

Терим вақти: Голден Делишес билан бир вақтда.
Мева йириклиги (мм):



Гуллаш даври: ўрта, Голден Делишездан 3 кун аввал; 2 ёшли спурларда гуллайди.

Чанглатувчи нав: Голден Делишес, Гала, Гренни Смит, Фуджи.

Дарахтнинг ўсиш ва мева бериш гурухи: II/III–
гурух, ярим спур.

Дарахтнинг ўсиш тезлиги: кучсиз-ўрта.

Ҳосилдорлик ва сийраклатиш: ҳосилга барвақт
киради, юқори ҳосилдор, солкашликка ўртача чали-
нади, кимёвий сийраклаш ўртача қийин.

Касалликларга чалинувчанлиги: паршага чали-
нувчан, ун шудринг ва бактериал қуйишга юқори чи-
дамли.

Меваси: жуда қизил, қаттиқ, ширин. Ред Делишез-
нинг бошқа спур кўринишларидан қўра таъми ва ран-
гланиши яхшироқ.

Сақланиши: совуқхонада 5 ой, газли муҳитда 9 ой.

**Спур типидаги навларнинг қуйидаги камчилик-
лари бор:**


- Шоҳлари марказий лидер шоҳдан ўткир бур-
чак ҳосил қилиб чиқади, бу шоҳ-шаббани
мўртлаштириб синишга мойил қилиб қўяди.
- Спур солкаш (йил оралаб мева берадиган) бўлиб
қолади, бу меваларни пухта сийраклаштиришни
тақозо қиласди.
- Бошлангич формаларига қараганда мевалари
таркибидаги шакар баъзан камайиб кетади.

Брейбурн

Ватани: Янги Зелландия (1952 й.).

Терим вақти: Голден Делишездан 2 ҳафта кейин.

Мева йириклиги (мм):



Гуллаш даври: ўрта; бир ёшли новдаларда гул-
лайди.

Чанглатувчи нав: Ред Делишес, Гала, Гренни
Смит.

Брейбурн нави Гала, Голден Делишес, Элстар ва
Гренни Смит навлари учун чанглатувчи ҳисобланади.

Дарахтнинг ўсиш ва мева бериш гурухи: II–
гурух.

Дарахтнинг ўсиш тезлиги: суст-ўрта.

Ҳосилдорлик ва сийраклатиш: ҳосилга жуда
барвақт киради, юқори ҳосилдор, солкашликка кам
чалинади, кимёвий сийраклаштириш осон.

Касалликларга чалинувчанлиги: парша ва бак-
териал қуйишга чалинувчан. Юқумсиз бўлган кальций
етишмовчилигига чалинувчан.

Меваси: қизгиш, пўсти ялтироқ, жуда қаттиқ ва
жуда сувли, қарсилдоқ. Марири Ред кўриниши Брей-
бурннинг энг қизил клонларидан бири ҳисобланади
ва рангланиш қийин худудларга тавсия этилади.

Сақланиши: совуқхонада 5 ой, газли муҳитда 8 ой.




Гренни Смит

Ватани: Австралия (1868 й.).

Терим вақти: Голден Делишездан 2–3 ҳафта кейин.

Мева йириклиги (мм):



Гуллаш даври: эрта, Голден Делишездан аввал; бир ёшли новдаларда гуллайди, баргсиз новда пайдо бўлиши мумкин.

Чанглатувчи нав: Брейбурн, Гала, Фуджи, Голден Делишес.

Гренни Смит Брейбурн, Айдаред ва бошқа кўплаб олма навлари учун чанглатувчи ҳисобланади.

Дараҳтнинг ўсиш ва мева бериш гуруҳи: IV-гуруҳ.

Дараҳтнинг ўсиш тезлиги: кучли.

Ҳосилдорлик ва сийраклостиш: ҳосилга барвақт киради, юқори ҳосилдор, солқашликка кам чалинади, кимёвий сийраклаштириш осон.

Касалликларга чалинувчанлиги: парша ва бактериал куйишга чалинувчан.

Меваси: яшил, қарсилдоқ ва сувли, таъми ўткир ва кислоталиги ўрта. Иссик худудларда қуёш нурларидан меваси зарарланади.

Сақланиши: совуқхонада 4 ой, газли муҳитда 7 ой.

Ишлатилиши: Европа ва Россияда кенг истеъмол қилинади.




Расм-114. Гренни Смит нави.

Фуджи

Ватани: Япония (1939 й.).

Терим вақти: Голден Делишездан 20 кун кейин.

Мева йириклиги (мм):



Гуллаш даври: Голден Делишес билан бир вақтда.

Чанглатувчи нав: Голден Делишес, Гала, Гренни Смит.

Фуджи: Гала, Голден Делишес ва Элстар навлари учун чанглатувчи ҳисобланади.

Дараҳтнинг ўсиш ва мева бериш гуруҳи: III-гуруҳ, Голден Делишес.

Дараҳтнинг ўсиш тезлиги: кучли (M9 пайванд-тагининг секин ўсуви клонлари Пажам 1, TT337 ва НАҚБ га пайвандлаш тавсия қилинади).

Ҳосилдорлик ва сийраклостиш: ҳосилга барвақт киради, ўрта-кўп ҳосилдор, солқашликка чалинади, айниқса, кўп ҳосилдан сўнг, кимёвий сийраклаштириш қийин.

Касалликларга чалинувчанлиги: паршага ўртача чалинувчан, ун шудринг ва бактериал куйишга кам чалинувчан.

Меваси: қизил рангда (тоғли ёки салқин худудларда) қарсилдоқ, ширин деярли кислотаси йўқ. Зен Азтек (Zhen Aztec) кўриниши Фуджининг энг қизил клони ҳисобланади ва рангланиши қийин худудларга тавсия этилади.

Сақланиши: совуқхонада 6 ой, газли муҳитда 9 ой.

Ишлатилиши: ширин олма афзал кўриладиган давлатларда кенг истеъмол қилинади.



Расм-115. Фуджи нави.



Расм-116. Пинк Леди нағи.

2. Олма навларининг ўсиш хусусиятлари

Олма дарахтларини тўғри кесиб, шакл бериш учун ҳар бир навнинг ўзига хос бўлган ўсиш ва мева бериш хусусиятларини доимо ёдда тутиш зарур. Айрим навларда пастки шохлар кучли ўсиб, юқоридагиларнинг ўсишини сустлаштиради ва натижада лидер шох керакли баландликка етмай ўсишдан тўхтаб қолади. Буни пастки хукмронлик дейилади. Шу сабабли лидер шохни доим ён шохлардан кучлироқ ўсишига эришиш керак. Ушбу навларга Фуджи, Брейбурн, Ред Делишезнинг спур навлари (Скарлет спур, Ред Чиф, Супер Чиф) ва Пинк Леди киради.

Голден Делишес, Жонаголд ва Ред Делишезнинг стандарт нави Жеромин кабиларни эса на лидер шохи ва на пастки шохлари кучли ўсади.

Кесиш ва шакл беришни тўғри амалга ошириш учун олма навларини 2 гуруҳга бўлиб ўрганиш керак:

- Пастки шохлари кучли ўсади – лидер эса кучсиз.
- Пастки шохлари кучсиз – лидер ва юқоридаги шохлар кучли ўсади.


Ушбу бир-бирига тескари ўсиш хусусиятларига эга олма навларини тўғри тарбиялаш ва кесиш учун бир нечта усууларни қуйида ўрганамиз.

Пинк Леди (Крипс Пинк)

Ватани: Австралия (1979 й.).

Терим вақти: Голден Делишездан 1,5–2 ой кейин, октябрь охирида.

Мева йириклиги (мм):



Гуллаш даври: эрта, Голден Делишездан 2 кун аввал; бир ёшли новдаларда гуллайди.

Чанглатувчи нағ: Гренни Смит, Пинк Леди қисман ўзини-ўзи чанглатиш хусусиятига эга.

Дарахтнинг ўсиш ва мева бериш гуруҳи: IV-гуруҳ.

Дарахтнинг ўсиш тезлиги: ўрта-кучли.

Ҳосилдорлик ва сийраклатиш: ҳосилга барвақт киради, юқори ҳосилдор, солкашликка кам чалинади.

Касалликларга чалинувчанлиги: парша, ун шудринг ва бактериал куйишга ўта чалинувчан.

Меваси: қизғиш пушти, қарсилдоқ ва сувли, таъми ўтқир ва кислоталиги ўрта. Рози Глов (Rosy Glow) кўриниши Пинк Ледининг энг қизил клони ҳисобланади ва рангланиши қийин худудларга тавсия этилади.

Сақланиши: совуқхонада 5 ой, газли мухитда 9 ой.


Баргизланган шох. «Баргизланниш» бу – новда ёки барг йўқ шохдир. Куртаклар бўлиши мумкин, аммо улар на гулқуртакка ва на новдага айланади.

Қуйидаги расмларда баргизланган шохларни кўриш мумкин. Иккинчи йилда ён куртакларни барг ёки новда чиқармаслиги олма дарахтларида кузатилади.

Дарахт ўсишида мувозанатга эга бўлишига тўқсингилек қилувчи нарсалардан бири бу «ялангоч» шохдир. Бунда шохнинг ўсуви куртаклари на гулқуртакка ва на новдага айланади, аксинча, ўсуви куртак холида қолиб кетади. Гренни Смит ва Фуджи навларида, айниқса, кўп учрайди. Брейбурн, Пинк Леди, Гала ва Жонаголд навларида камроқ учрайди.

«Супурги» шох. Брейбурн, Пинк Леди, Гала ва Жонаголд «супурги» шохларни пайдо қиласди. Шохларнинг пастки куртаклари гулқуртакка айланиб, учки куртаклардан кучли шохлар пайдо бўлишини «супурги» шохлар дейилади. Бунинг натижасида мевалар асосий танадан узоқлашиб, зичлашиб кетади. Ред Делишезнинг спур навлари (Скарлет спур, Ред Чиф, Супер Чиф) да эса барча шохларда гулқуртаклар керагидан ортиқ бўлади ва ўсиши сустлаштиради.

Баргизланган шох, «супурги» шох ва куртакланиш ҳар йили бир маромда мевали шохлар пайдо



Расм-117. Гренни Смит ва Гала навларида эса аксинча, лидер жуда кучли ўсиши натижасида пастки шохлар кучсизланади (чапда). Агар дараҳтларнинг тепа қисмидаги шохлар ўсиши кучли бўлса соябонга ўхшаб қолади. Бундай дараҳтларда пастки шохларга қуёш нурлари яхши етиб бормайди ва ҳосилдорлик камаяди. Фуджи навининг баргсизланган шохлари яққол кўриниб турибди (ўнгда).

бўлишига тўскىнлик қиласи. Мевали шохларни доимий янгилаш жараёнига халал беради.

Новдаларнинг пайдо бўлиши. Олма навлари янги новдаларни ўстириш хусусиятига кўра ҳам турлича бўлади. Гренни Смит, Фуджи, Пинк Леди,

Ред Делишезнинг спур навлари (Скарлет спур, Ред Чиф, Супер Чиф) осонликча янги новдаларни пайдо қилмайди.

Ён новдалар пайдо бўлишига иқлим ҳам таъсир кўрсатиши мумкин.

Расм-118. Қуйидаги расмда 3 ёшли Пинк Леди дараҳтининг пастки шохларини тик ўсиб лидерга рақобат қилиши кўрсатилган. Шу сабабли ўз вақтида ён шохларни эзиш тавсия қилинади.



Расм-119. Баргсизланган шохлар.



Расм-120. Брейбурн наевининг шохлари ўсишдан қолиб, мева куртаклар ҳосил қилишига ўтган (чапда). Гренни Смит наевининг баргизланган шохлари (ўнеда).

Голден Делишес, Брейбурн, Гала ва Жона-голд эркин ҳолда новда ва ён шохларни ўстириб чиқаради, айниқса, пакана пайвандтагларда ўстирилганда.

Баргизланган шох пайдо бўлишини олдини олиш учун қўлланиладиган ҳамда олма навлари ўсиш хусусиятларига мос келувчи турли кесиш усуллари ва қандай қилиб ўсиш ва мева беришда мутаносибликка (балансга) эришиш мумкинлигини тушуниб олиш жуда муҳимdir.

Агар навлар ўртасида мавжуд бўлган ўсиш хусусиятларига эътиборсизлик билан қаралса, юқори ҳосилдорлик ва мева сифатига эришиш жуда қийин бўлади!

3. Кўп лидерли ўстириш усууллари

Ўсиш кучидаги ҳар хиллик, асосан, қуёш нури дараҳтнинг турли қисмларига турлича тушиши ҳисобига рўй беради. Кесишнинг бош мақсадларидан бири — қуёш нури дараҳт ёйилмаси орқали унинг ички қисмига ҳам яхши етиб бориши, натижада эса ўсиш суръати ҳамда ҳосил солишини бутун дараҳт бўйлаб мувозанатта келтиришdir.

Тик шохлар, асосан, ўсиш хусусиятига эга бўлиб, бундай шохларни сийраклатиш усулида кесиб, улар-

нинг остидаги шохларга қуёш нурлари тушишини таъминлаш энг тўғри қарор бўлади. Эгилиб ётиб қолган шохлар кўпинча кучсиз, ҳосили кам ва сифатсиз (ҳажми кичкина, рангиз, таъми яхши эмас) бўлади.

Горизонтал ва 45 даража бурчакли йўналишга эга шохлар энг ҳосилдор бўлиб, уларда етишган мевалар сифати ҳам юқори бўлади. Дараҳтнинг катта қисми айнан мана шундай шохлардан ташкил топиши мақсадга мувофиқ. Қуёш нурининг бу шохлар бўйлаб бирдек тарқалишини таъминлаш учун сийраклатувчи кесиш амалга оширилади.

Кесиш ва шакл бериш турли навларга уларнинг умумий ўсиш хусусияти, ўсиш кучи ва ҳосилдорлик кўрсаткичидан келиб чиқиб турлича таъсир кўрсатади. Леспинассе (1980) олма дараҳтларининг ўсиш хусусиятларини гурӯҳларга ажратувчи тизим ишлаб чиқкан.

I-гурӯҳга гулкуртак шохчаларда ҳосил солувчи турлар, «Ред Делишес» нинг спур хусусияти билан характерланадиган чатишмалари ажратилган. Бу гурӯҳ вакиллари:

- Асосий ярус шохларда бор-йўғи бир нечтагина ён шохлар чиқаради.
- Дараҳтнинг асосий ўсиш кучи унинг асосига тўғри келади.



7-жадвал. Кенг етиштирилладиган олма навларининг ўсувчанлиги ва Лесспинассе (1980 й.) тизими бўйича ўсиш ҳамда ҳосил бериш хусусиятига кўра гурухлари (I, II, III, IV).

Кучсиз ўсувчи навлар ¹	Ўртача ўсувчи навлар	Кучли ўсувча навлар ²
Брэйбурн (II)	Кокс Оринж Пиппин (III)	Кортленд (IV)
Айдаред (II)	Ред Делишес (II)	Грэнни Смит (IV)
Жонатан (III)	Элстар (II–III)	Грейвнштейн
Роум Бьют (IV)	Эмпайэр (I)	Макинтош (III)
Спур Ред Делишес (I)	Фуджи (IV)	Мутсу (III)
Спур Голден Делишес Голд Спур (I)	Гала (III)	Нозерн Спай (II)
Спур Макинтош (I)	Голден Делишес (III)	Спартан (II)
Тайдменс Ред (IV)	Жонаголд (II)	Вилямс Прайд (II/III) ярим спур
Старкrimpson	Пинк Леди (IV)	
Скарплет Спур (II), Ред Чиф навидан бир оз тезроқ ўсади	Жеромин (II/III) ярим спур	
Ред Чиф (Супер Чиф)	Симиренко	
	Жонатан	
	Кинг Девид	
	Нафис	

¹Ушибу навларни М9 пайвандтагининг кучлироқ ўсувчи клони. Ник 29 га пайванд қилинг ёки унумли тупроққа экинг.

²Ушибу навларни М9 пайвандтагининг кучсиз ўсувчи клони. Т337 га пайванд қилинг ёки унумсиз тупроққа экинг ёки боғ ўрнига қайта экиладиган ерга экинг.

- Ўсиш шакли дараҳт қуи қисмидаги ўсувчан кучли ярус шоҳлар билан характерланади.
- Марказий лидер устунлиги тезда йўқолади.
- Агар ярус шоҳлар учун мўлжалланган новдалар ўсиш суръати сунъий тарзда пасайтирилса, лидер йўқолмасдан кучлироқ ривожланади.
- Бирламчи ярус шоҳларда ён новдалар ривожланиши учун уларни каллаклаш талаб этилиши мумкин.
- Аслида қотиб қолиши мумкин бўлган бутоқлар кесиш натижасида узунроқ вегетатив ривожланишга мажбур қилинади.
- Кам сонли ён шоҳлар чиқариш хусусияти туфайли бундай дараҳтларда ярус шоҳлар кўпроқ колдирилиши мумкин. Аммо уларни лидер бўйлаб бир текисда жойлаштираслик лидер ўсишини сустлаштириши ёки устунлигини йўқка чиқариши мумкин.
- Мевалар, асосан, кўп йиллик калта бутоқларда тугилади.
- Дараҳт ичига етарлича қуёш нури тушиши таъминланганда ҳосилнинг асосий қисми дараҳт танаси ва ярус шоҳлар асосига яқин ҳудудларда етилади.
- I гуруҳ вакиллари иккى йилда бир марта ҳосил солишга берилувчан бўлиб, тезда гулкуртакка тўлади ва қариб, кучдан қолиши мумкин, айниқса, агар жуда ҳам пакана пайвандтагларга уланган бўлса.


II гуруҳ вакиллари «Ред Делишес» нинг стандарт хусусиятлари билан характерланади.

- I гурухга нисбатан бу гуруҳ вакиллари кўп шоҳ чиқаради ва мева тугувчи ҳудудлар дараҳт танасидан узокроқда бўлади.

- Дараҳтлар шоҳлари табиий тор айрига эга бўлади, шунинг учун шоҳларни сунъий ётқизиш улар учун фойдали.
- II гурухга кирувчи дараҳтлар кўплаб ўрта ҳажмли шоҳлар ривожлантиради, бу эса сийраклатувчи кесиш ишлари амалга оширилмагандা юқори зичлиқдаги дараҳт шоҳлари жуда қалашиб кетишини келтириб чиқаради.
- Бир ярус қаватида тўрттадан кўп шоҳ колдирилмаслиги керак.
- Кўпроқ янги чиққан ёш новдаларни сийраклатиш орқали бутоқлар ривожланиши ва ҳосил берувчи ҳудуд дараҳт ички қисмida сақланишига эришилади.

III гурухга кирувчи навлар «Голден Делишес» хусусиятлари билан характерланади.

- Бундай дараҳт она шоҳлари табиий тарзда кенг айри бурчаклар шакллантириб, ўзларидан кўпгина ён шоҳлар чиқаради.
- Бу навлар ҳосилга эрта киришиб, мевалар, асосан, 2–4 йиллик шоҳлардаги гулкуртак шоҳларда ва калта новдалар уч қисмida тугилади.
- Ҳосил берувчи ҳудуд дараҳт танасидан унинг ташқи ёйилмаси томон ҳаракатланади.
- Бу дараҳт ташқи ёйилмасини сийраклатиш ва ярус шоҳлар асосидаги ён шоҳларни каллаклашни тақозо этади.
- Каллакланган ён шоҳлар мева тугувчи янги шоҳларни ривожлантиради.
- Бу гуруҳ вакиллари турли шакл бериш тизимларига қийинчилексиз тушаверади ва умуман боғда ишлаш энг осон бўлган дараҳтлар ҳисобланади.



Расм-121. Олма навларининг гурӯҳлари бўйича ўсиш ҳамда ҳосил бериш хусусияти тасвирланган.

IV гурӯҳ вакиллари новдаларнинг уч қисмида ҳосил солади ва «Грэнни Смит» каби навлар билан характерланади.

- Бу нав дараҳтларида асосий ярус шоҳлар тор айри бурчакли, юқорига қараб ўсуҷчан ва кўп ён шоҳларга эга бўлади.
- Ҳосил, асосан, аввалги мавсумда ривожланган шоҳлар уч қисмида етилиши сабабидан шоҳларнинг уч қисми пастга эгилиб қолиш хусусиятига эга.
- Ёш дараҳтлarda кўплаб шоҳларнинг қуи яримда барг ва мева ҳосил бўлмайди. Бу ҳолатга «Баргизланган шох» атамаси ишлатилади.
- Кечиктирилган баҳорги кесиш кўпинча шоҳларнинг «Баргизланиш» қисмида ҳам ён новдалар ривожланишига сабаб бўлиши мумкин.
- Ривожланган новдалар, асосан, бир йиллик бўлиб, кўпинча юқори ҳосилдорлик ва йирик хажмли мевалар билан ифодаланади.
- Ушбу гурӯҳ навлари ҳар йили ҳосил бериши билан ажралиб туради.

Ўсиш суръати паст, нав ва пайвандтагдан иборат дараҳтлар ўсиш суръати юқори уламаларга

қараганда кўпроқ кесилиши мумкин. Бу ўсиш ва ҳосил бериш мувозанатини бузмайди.

М9 каби пайвандтаглар дараҳтни ташқи томонга ёйилиб ўсишига ундиҳи. Дараҳт шаклини ташқи томонга ёювчи пайвандтаглар «Эмпайр» каби марказий лидер шакллантирилдиган навлар билан бирлаштирилганда, агар дараҳтлар кейинчалик лидерли шакл бериш тизимларига солиниши кўзда тутилса, бундай кўчатлар дастлабки йиллардан бошлаб алоҳида парвариш талаб этади.

Кучли лидер ривожлантира олмайдиган «Эмпайр» каби навларда лидернинг учдан бири ҳар йили каллакланиши ва ўсиш мавсуми бошланиши билан рақобатчи новдалардан тозаланиши керак бўлади.

Дараҳт ўсиб, белгиланган баландликка етгач, лидер ҳар йили керакли баландликдан бир оз қўйироқда юқорига қараб ўсаётган шох тепасидан кесиб янгиланади ва унинг атрофидаги рақобатчи шоҳлар кесиб тозаланади.

Интенсив боғларда лидер мева туғиб, эгилиб қолишига йўл бериш мумкин. Мева туғилгандан кейин эса қўйироқдаги тик шох устидан кесилади ва бу жараён ҳар икки йилда бир марта тақрорланади.

VIII. Олма дараҳтларига шакл бериш ва кесиш

1. Бир ярусли марказий лидер усули	71
2. Яруссиз марказий лидер усули (урчиқсимон, шпиндельбуш)	80
3. Кўп лидерли тарбиялаш усуллари	84
4. Ярим интенсив эркин ўсувчи (симбағазсиз) олма боғларида дараҳтларга кўп ярусли марказий лидер усулида шакл бериш	88
5. Эркин ўсувчи 4 лидерли ўстириш усули	91
6. Катта олма дараҳтлар шаклини ўзgartириш	92

Интенсив боғларда 1 гектарга маълум зичлиқда экилган олма дараҳтлари қанча миқдорда ҳосил бериши мумкинлиги тўғрисида маълумот берилган.

Қўйидаги жадвал маълумотлари кўплаб мақола, илмий ишлар ва олма боғларида олинаётган ҳосилдорлик кўрсаткичларига асосланган.

8-жадвалда кўрсатилган ҳосилдорликка эришиш учун ён шохлари бўлган 2 ёшли олма кўчатларини экиб, иккинчи ва учинчи йиллар давомида дараҳтларни камроқ кесиб, кўпроқ тарбиялаш зарур.

8-жадвалдаги ҳосилдорликка эришиш учун ҳар бир дараҳтда неча дона мева бўлиши кераклигини аниқ билиш шарт. 9-жадвалда эса маълум ёшдаги ва зичлиқда экилган ҳар бир дараҳтда неча дона мева бўлиши кераклиги (ҳар бир мева оғирлиги 180 г) берилган. Бу маълумотлар олма навларига мос мева сийраклаштириш ишларини тўғри ташкил этишга ёрдам беради. Бундан ташқари, мевалар сонини камайтириш ёки кўпайтириш билан мева оғирлигини ҳам ўзgartириш мумкин.

1. Бир ярусли марказий лидер усули

Марказий лидер усулида дараҳтлар шакллантирилганда қишида қуйидаги кўринишда бўлади. Экиш зичлиги ва шакл бериш усуллари, ёзи исик ва қуруқ бўладиган ҳамда қуёш нурларининг кучи юқори бўладиган ҳудудларда марказий лидер усулида шакл бериш яхши натижаларга олиб келади.

Дараҳтларга шакл беришда пастки яруснинг шохлари меваларини қуёш урмаслигини таъминлаш учун тўғри шакллантириши ва қувватли бўлишига кўмаклашиш зарур. Шохлари тўғри шакллантирилган дараҳтнинг барча қисмига қуёш нурларининг тарқалиши гулкуртакларни яхши ривожланишига ҳамда сифатли мева ҳосил бўлишида жуда муҳимдир.


Дараҳт шох-шаббасига етарлича қуёш нурларининг тушиши учун дараҳтларнинг максимал баландлиги қатор орасининг 80% га тенг бўлиши лозим. Бу, айниқса, ранги қизил навларда муҳимдир. Голден ва Гренни Смит навларни бундан мустасно.

8-жадвал. Олма ҳосилдорлиги (тонна гектарига) турли экиш зичлиги ва дараҳт ёшига мувофиқ.

Дараҳт сони / га	2-йил	3-йил	4-йил	5-йил	6-йил	7-йил	8-йил	Жами
500	0	0	1	15	27	39	47	114
1000	0	1	10	24	36	46	55	139
1111	0	2	11	26	38	48	57	182
1480	1	8	20	33	45	55	64	226
2000	5	16	29	42	53	63	65	273
2222	8	19	32	45	57	65	65	291
2964	15	31	46	59	65	65	65	346
4000	25	46	63	65	65	65	65	394

9-жадвал. 8-жадвалдаги ҳосилга эришиш учун ҳар бир дараҳтдан нечта мева (180 г бир олма) териш керак.

Дараҳт сони / га	2-йил	3-йил	4-йил	5-йил	6-йил	7-йил	8-йил
500	0	0	11	165	297	429	517
1000	0	6	55	132	198	253	302
1111	0	10	61	144	211	267	317
1480	4	30	75	124	169	206	240
2000	14	44	81	117	147	175	181
2222	20	48	80	113	143	163	163
2964	28	58	86	111	122	122	122
4000	35	64	88	90	90	90	90



Расм-122. Бир ярусли тўлиқ шаклланган дарахтнинг умумий кўриниши (чапда). Бир ёшга тўлган бир ярусли олма дарахтлари (ўнгда).



Расм-123. Уч ёшли Пинк Леди навли олма дарахти (Ўзбекистон).

Марказий лидер усулида шакл бериладиган интенсив боғларни қуидаги зичлиқда экиш тавсия этилади:

- Қатор 4 м кенглиқда – дарахтлар ораси 1,2 метр. $4 \times 1,2 = 2083$ та 1 гектарга. ММ106 га уланган Скарлет Спур ва Ред Чиф; М9 га уланган ўрта кучда ўсувчи навлар.
- Қатор 4 м кенглиқда – дарахтлар ораси 1,5 метр. $4 \times 1,5 = 1666$ та 1 гектарга. М9 га уланган Фуджи, Гренни Смит ва кучли ўсувчи навлар.

Дарахтлар вояга етганда қатор томонга ўсадиган пастки ярус шохлар узунлиги 1,2 метрдан қисқа бўлиши керак.

Қатор ва дарахт орасининг масофалари қуидагиларга боғлиқ:

- Боғбоннинг интенсив боғдорчилик соҳасидаги малакасига.
- Пайвандуст ва пайвандтагга.
- Тупроқ унумдорлигига.
- Қайта экиш касали мавжудлигига.

Кўчат экилгандан сўнг


Интенсив боғда ён шохга эга кўчатларни экишдан кейинги кесиш.

Кўчатларда ер сатҳидан 50 см ва 80 см баландлик орасида жойлашган 6 та бир-биридан бир хил узоқлиқда ён шохларни танлаб, тўрт бармоқ (ёки тахминан 9 см) узунлигига пастга қараган куртак тепасидан кесинг.

Лидер шохни қисқартириб кесманг! Лидер шохни шамолда қимиrlамаслиги учун симбағазга боғланг.

Кўчатлар ўсишни бошламагунича азотли ўғитларни солманг. Барглар пайдо бўлиб, фотосинтез бошланмагунича дарахтлар тупроқдан ўғитларни ололмайди.

Кўчат тагини (ер сатҳидан 30–40 см баландликка) гербицидлардан ҳимоя қилиш учун тўсинг. Оддий шарбат идишидан фойдаланиш мумкин.



Расм-124. Тұрт бармоқ усулида кесиши. Экиб кесгандан сұнға күчатда бұтаң шох қолады үлар қалинлиги лидер қалинлигини учдан бирига тене.



Расм-125. Лидер шохга рақобат қилиб, ундан күра кучли шохга айланған ён шохлар.

Агар күчатда бұтаң шохлар бўлса, уларни лидер бўйлаб бир-биридан кенгроқ масофада жойлашишини таъминлаб сийраклаб, қолганларини тагидан кесиб ташланг. Агар ён шохлар лидерда бир-бирига ўзаро яқин жойлашиб ўсса 3-4 йилда лидер шох ўсишини сустлаштириб, ўзлари жуда кучли шохга айланаб олади.

Баҳорда куртаклар уйғонгандан. Күчатлар баландлиги 1,5 метрдан юқори бўлса, энг учки куртакни пастидаги 5 та куртакни олиб ташлаш (куртаксизлаш) керак. Бунинг натижасида куйидаги куртаклардан ён шохлар ўсиб чиқади.

Күчат баландлиги 1,5 метрдан паст бўлса, куртаксизлашни амалга оширманг, акс ҳолда биринчи ярусада қолдирилган ён шохлар ва куртаксизланадиган жойнинг пастида пайдо бўладиган новдалар орасида, қуёш нурлари кириб бориши учун етарлича масофа қолмайди.


Агар ён шохга эга бўлмаган күчатларни топа олмасангиз, ён шохлари бўлмаган күчат экса ҳам бўлади.

Куртаксизлаш.

Ён шохи бўлмаган күчат экилганда биринчи иил. Ён шохсиз күчатлар бақувват, камидә 1,5 метр бўйга эга бўлиши ва ердан 70 см баландликда лидер шох қалинлиги 1,5 смни ташкил этиши зарур.


Бу етарли бўлмаганлиги сабабли улар тагидан кесилади, агар ердан 50 смдан паст бўлса ёки 80 смдан баландда бўлса, кераксиз жойда деб қабул қилинади. Агар керакли жойда жойлашган бўлса, голландча усул билан кесилади.

Ён шохга эга бўлмаган M9 ёки MM106 пайвандтагида күчатлар интенсив боғга экилганда, бұтаң шакллантириш учун дараҳтлар баҳорда, куртаклар уйғонгандан ердан 90 см масофада



Расм-126. Олма кўчами кесишдан сўнг. Бог ташкил қилаётганингизда ҳар доим сифатли кўчат экине.

Расм-127. Ён шохсиз кўчамат кўриниши.



Расм-128. Чапда жойлашган кўчаматни фақат 2 та ён шохи керакли баландликда (50–80 см орасида).

ҳалқаланиши ёки куртаклар устидан кертилиши зарур. Сифатли баланд ва диаметри қалин кўчамат экилмаса ҳалқалашни амалга ошириб бўлмайди, балки ердан 90 см масофада кўчамат кесилиб қисқартириб ўстирилади.

Фуджи ва Гренни Смит навлари осонликча ён шох ўстирмайди. Бу навларга қўшимча равишда шохлантиришни жадаллаштирувчи воситаларни

кўллаш мумкин. Энг афзали ён шохли кўчаматларни экишдир!

Ён шохсиз кўчамат экканда биринчи йилда эътиборни пастки 6 та ярус шохларнинг ўсишига қаратиш лозим. Ярус шохлар орасида масофа бўлиши лидернинг эркин ўсишини таъминлайди. Шохларни эгиб, кенг бурчак ҳосил бўлиши учун бойлаш керак ёки сим ёрдамида эгиш зарур.



Расм-129. Ушибу Пинк Леди (Кріпс Пінк) дарахти ён шохларсиз экилган (чапда). Экилгандан сўнг лидер қисқартирилиб кесилмаган, аксинча, 90 см баландликда ҳалқаланган. Ён шохлар кенг бурчакда ўсиши учун уларни эгишга тўғри келиши мумкин. Ореғон спур навида эгарча кесилган ва кертилган жойларидан янги новдалар шакллана бошлаган (ўнгда).




Расм-130. Ип ёки маҳсус резина билан бойлаш (чап ва ўртада) ва сим билан эгиш (ўнгда).

Биринчи йилда дарахтларни шакллантириш. Кўчат экилгандан кейинги 10 ой ҳосилдор боғни яратишнинг энг муҳим даври ҳисобланади. Агар интенсив боғда олма дарахтлари тўғри тарбияланса, кўчатлар бир хил ўсади ва уларни бошқариш осон бўлади.

Дарахтлар ўзларига ажратилган жойни қиска вақтда мевали шохлар билан тўлдириши зарур. Бунинг учун марказий лидер шохнинг кўйи қисмida камида 5 дона мева новдалари ва куртакларига тўла ён шохларни шакллантириб, дарахт бўйини ўсишига эришиш керак. Қизил рангга эга бўлмаган Голден Делишес ёки Гренни Смит каби навларда кўйи ярусда 6 донагача ён шох шакллантириш мумкин. Ушбу марказий лидер шакл бериш усули пастки ярус ҳамда юқори қисмдан иборат бўлади. Демак, битта ярус ва мевали шохлардан иборат юқори қисм.

Биринчи босқич – пастки ярусда доимий турадиган ён шохларни шакллантиришдир. Бу босқич юқорида кўрсатилган усулда кўчатлар экилиб кесиши орқали амалга оширилади. Дарахтларда новда ва шохлар шаклланади. Навига мувофиқ, тўрт/беш ёки олтитадан ортиқча пайдо бўлган рақобатчи новдаларни июнь ойида олиб ташлаш керак бўлиши мумкин.



Расм-131. Биринчи йил охирида дарахтлар кўриниши.


Экилгандан ва кесилгандан сўнг янги новдалар пайдо бўлган. Ортиқча марказий лидерга ёки ён шохларга рақобатчи новдалар ёзда кесиб ташланади. Юқоридан шаклланяётган ён новдалар кучли ўсиб кетмаслиги учун уларни тиш тозалагичда ёки ип ёрдамида эгиша тўғри келиши мумкин.

Гала нави экилгандан 6 ойдан сўнг ёйилиб ўсиш хусусиятига эга. Пинк Леди сингари навлар жуда тик ва тез ўсиш хусусиятига эга бўлганлиги сабабли уларни эгиб бойлаш зарур.


Пастки ярус шохлар ўсиши тўхтагандан сўнг июнь ойининг охирларида эгиб бойланиши мақсадга мувофиқдир. Ярус шохларни бир хил кучда ва қалинликда ўсишини таъминлаш жуда муҳим ишлардан ҳисобланади. Кучлироқ ва тикроқ ўсаётган пастки ярус шохлар кўпроқ эгилишига тўғри келади.

Биринчи йилдан сўнг (ён шохли кўчат экканда). Ҳосилдор марказий лидерли дарахт шакллантириш 75% бажарилди! Ҳозирга келиб, дарахтларнинг бўйи 2,7 метр ва пастки кенглиги 2,2 метрга эга бўлиши керак. Дарахтларнинг кўриниши арчани эслатади ва пастки ярус ҳамда юқори қисм ўртасида камида 50–60 см очиқ жой бор.


Марказий лидер дарахтларини ҳар доим тик ўсишини таъминлаш зарур. Бунинг учун бамбук, ип



Расм-132. Ён шохларни эгиш новдалар ўсишини кучсизлантириб, мева куртаклар шаклланишида муҳимdir.



Расм-133. Күртаксизлаш ҳамда ҳалқалашинга натижаси.



ёки турли симлардан фойдаланиш керак. Ён шохли кўчатлар экилган мавсум охири. Мевали куртаклар ҳам шаклланиб улгурган.

Марказий лидер усулида дараҳтлар шакллантирилганда новдаларни эгиш энг муҳим ишлардан бири ҳисобланади ва бунга боғбон доим тайёр бўлиши керак. Айрим навлар шохларини эгиб бойлашга ҳожат қолмайди, лекин Пинк Леди, Фуджи ва Ред Делишес навлари шохларини эгиб бойлаш ўта зарур. Пайвандтаг ва тупроқ қанчалик кучли бўлса, шунча кўп эгиб бойлашни талаб этади. Мева оғирлиги билан шохларнинг табиий эгилишини кутиш ёмон натижаларга олиб келади.

Биринчи йил якунида (ён шохсиз кўчатлар). Ўз вақтида тўғри амалга оширилган ишлардан сўнг дараҳтларда ердан 50–80 см масофа оралиғида биринчи ярусда 6 та ён шох шаклланди. Улар лидер қалинлигига 3/1 нисбатда ривожланган.

6 та ярус шохларни шакллантириш учун ердан 90 см баландликда дараҳтлар ҳалқаланди ва айрим куртаклардан новда ўсиши учун куртак устидан кертилди. Фуджи ва Гренни Смит навлари осонликча ён шохлар чиқармайди. Ер сатҳидан 50 см ҳамда 80 см масофа оралиғида жойлашган 6 та ярус шохларни танланг.

Иккинчи йилда. Олма нави ва пайвандтаг турига мувофиқ, масалан, Голден Делишес, Гала, Пинк Леди ва Гренни Смит навлари ва шунга ўхшаш серхосил навлар M9 ҳамда MM106 пайвандтагларида иккинчи йилда кам ҳосил беради.

Иккинчи йилда 6 та ярус шохларда мевали куртаклар ва новдалар шаклланишини таъминлаш керак. Учida мевали куртаги бор новдалар «қалам» новдалар дейилади. Навига кўра олма дараҳти новдаларида мевали шохлар осонликча ўсиб чиқмайди, «ялонғоч» шохлар пайдо бўлади. Лекин ҳалқалаш ва куртаксизлаш ёки кечикириб кесиш орқали қалам шохлар пайдо бўлади. Бу қуйидаги икки усулда амалга оширилади:

Биринчи усул:

Ён шохни баҳорда ҳалқалаш ва учки қисмини куртаксизлаш. Зарурат бўлса, ушбу эгилган ярус шохларни яна бир бор тўғрилаб эгиш мумкин.


Иккинчи усул:

Кечикириб кесиш ва 2 ва 3 новдаларни бошқариш.

Бир ёшли дараҳт иккинчи йил бошида. Ҳалқалаш ва куртаксизлаш қўлланилганда қисқартириб кесилмайди ва зарур бўлган ўсиш йўқотилмайди. Кечикириб кесишга солиштирганда ҳалқалаш ва куртаксизлаш кўп, аммо калтароқ новдалар ўсишига сабаб бўлади.

Ҳалқалаш ва куртаксизлашга солиштирганда кечикириб кесиш ярус шохларни бақувватроқ бўлишига сабаб бўлади. Кечикириб кесилгандан сўнг учки куртак пастидан ўсадиган новдаларни улар 10 см бўлгандан 2,5 см узунликда қисқартириш керак.

Иккинчи йил (боғни ҳосилга тайёрлаш). Агар биринчи йилда сув танқислиги ёки бегона ўтлар туфайли дараҳтлар яхши ўсмаган ва ярус шохлар шаклланмаган бўлса, уларни бир хилда тез ўсишини таъминлаш учун иккинчи йил баҳорида биринчи йилдаги каби кесиб қайтадан ўстиринг.



Расм-134. Кечикириб кесиш натижаси.



Расм-135. Ярус шохларни ҳалқалаш ва куртаксизлаш натижасида күплаб янги мевали куртаклар ҳамда новдалар ўсиб чиқди. Иккита новда кучли ўсганлиги сабабли кесилиши зарур (чапда). Кесишдан сўнга (ўнгда). Калта қалам новдалар қолдирилади ва улар ўсиш тўхтагандан сўнга учки қисмида мевали куртак шаклланади.



Расм-136. Иккинчи йилда 4 ой ўсан Гала дарахти. Кучли новдаларни кесиш вақти келди. Ёзги кесишни июнь ойининг иккинчи ярмидан сўнге бошлиш мумкин.

Дарахтларда иккинчи йилда күплаб қалам ҳамда янги новдалар ўсиб чиқади. Кучли сўрувчи новдалардан ҳеч қандай фойда йўқ. Улар, одатда, тик ўсади, соя ташлайди ва доимий ўсишда давом этади. Июнь (ёз)нинг бошида уларни олиб ташланг. Қўлда таги билан узиб ташланганда шу жойдан янги кераксиз новдалар чиқишининг олди олинади.

Кераксиз ўшишга вақт ва пул сарфламанг – ёзning бошида кесинг ва қишида иложи борича кам кесинг.

Дарахтларни узун, ҳосилдор ҳаётга тайёрлашда дарахтларнинг юқори қисмида кучли новдалар ўсишини камайтириш учун тиним даврида камроқ кесинг.

Қалам новдалар учки қисмида мевали куртак пайдо бўлишини таъминлаш учун кўп сув ва ўғит бериб бўлмайди. Агар ўтин ўрнига мева етишти-

ришни хоҳласак, шу вақтдан бошлаб дарахтларда тез ўсишни тугаллаб мевали, куртаклар пайдо бўлишига йўналтириш керак.

Учинчи йил. Богни узоқ муддатли ҳосилдор ҳаётга тайёрлаш. Шохларни эгиш, ҳалқалаш ва куртаксизлаш натижасида ушбу 2 ёшдаги дарахт шаклланди. Ўтган йили ёз давомида кучли новдалар олинди. Шохларни эгиш учун қўйилган симлар 1 йил туриши керак. Симлар юқоридаги шохларни эгишда фойдаланилиши мумкин. Нав ва пайвандтагларга қараб кучли шохларни қўшимча эгиш учун узунроқ симлардан фойдаланишга тўғри келиши мумкин. Икки ярус шох орасини очиш учун ҳам сим ишлатиш мумкин. Энг муҳими, марказий лидернинг пастки шохлари ҳосилни кўтара олиши керак. Ён шох синиши катта зарар олиб келади.

Ушбу дарахтнинг айрим ён шохлари ҳосилни кўтариш учун етарлича қувватли бўлмаган. Дарахтлар мевалари тўғри сийраклаштирилиши муҳим, айниқса, улар ёш бўлганда.

Ён шох қалинлигини лидернинг қалинлиги билан солиширинг. Натижада лидернинг юқори қисми кучизланган. Ҳосилнинг кўплиги дарахт тепасини қайриб юборган. Бу дарахтни яхши ҳолатга келтириш жуда қийин бўлади



Расм-137. Учки куртаги мевали бўлган ноёда (юқорида) ва учки куртаги ўсуҷчи бўлган новда (пастда). Агар шу каби қалам новдалар ингичка ва тик ўсмаётган бўлса, келаси йилда ён куртакларида мева беради. Шаклланиб бўлган олма дарахтининг умумий кўриниши (ўнгда).



Расм-138. ММ106 пайвандтагига уланган Пинк Леди наенинг учунчи йилдаги кўриниши.

Агар қуидагилар амалга оширилганда бу ҳолатнинг олди олинган бўларди:



- Пастки ён шохлар қуввати бир хил бўлганда ва 3/1 қоидасига мос бўлганда.
- Пастки ён шохлар 30 см оралиқда (ердан 50–80 см оралиқ) бир-биридан иложи борича бир хил масофада жойлашган бўлганда.
- Мева сийраклатилиши ярус шох қалинлигига ва қувватига кўра бажарилганда. Олма дараҳтларини интенсив боғнинг ilk йилларида серҳосил бўлишига кўйиб бериш уларни келажақда солкашликка чалинишига олиб келади.

Айрим вақтларда шохлар кераклича ён шох чиқармайди. Натижада лидерда очиқ жойлар пайдо бўлади. Бу жойлардан новда ўсиб чиқиши учун кертиш керак бўлади. Новдаларни ётиқ ўсиши чиқиши учун тиш тозалагичдан фойдаланиш керак бўлиши мумкин.

Шохларни пастидан арралаш орқали кенг бурчакка ёйиш. Баъзан дараҳтларда тор бурчакли катта шохлар учрайди. Бундай шохлар лидерга нисбатан учга бир нисбатга тўғри келмайди. Нима қилиш керак?

Уларни куч билан эгиш синишига олиб келиши мумкин. Бунинг олдини олиш ва шохни горизонтал ҳолга олиб келишни (куёш нурлари дараҳт ичига яхши кириши учун) осонлаштириш учун лидерга яқин жойдан – шохнинг паст тарафидан 3 та жойдан

Расм-139. Учки куртаги мевали бўлган қалам новдада иккита мева бор. Қалам новданинг ён куртакларрида мева куртаклар шаклланмоқда.




Расм-140. Бу дараҳт шакли ўқотилди! Кучли ён шох тез ўсиб, марказий лидерни кучизлантирган (чапда).

ярмигача арраланади. Арраланаётган жойлар бир-биридан 1–1,5 см масофада бўлиши керак. Кичик шохлар учун темир аррадан фойдаланиш мумкин.


Агар шохлар горизонталдан пастга эгилиб қолган бўлса, худди шу усулда шох тепасини кесинг ва эҳтиёткорлик билан шохни тепага кўтариб боғлаб кўйинг.

Айрим пастки ён шохларни эгиш жараёнида уларни синдириб юбориб, батамом йўқотиш мумкин. Бунинг олдини олиш учун шохни лидерга яқин пастки қисмидан 3 та кесиб амалга ошириш мумкин. Кесилган жойлар бир-биридан 1 см масофада бўлиши керак. Кесиш чуқурлиги шохни ярмигача олиб борилади. Кичик шохларга майда тишли арра ишлатиш керак. Кесилган жойлар бир оз вақт ўтиб йўқ бўлиб кетади.

Тўртингчи йилда дараҳтлар ўзларига ажратилган жойни тўлиқ тўлдирган бўлиши керак. Дараҳтлар пастки қисмининг кенглиги 2 метр ва бўйи эса 3,5 метр. Қатор кенглиги интенсив олма боғларида 3,5–4 метр бўлиши мумкин. Боғнинг ҳосилдорлигини



Расм-141. Аппаланиб эгилган шох ёки новдана ушлаб туриш учун симбагазга бойлаш мумкин.
Эски боғларда эса кенгайтирувчи ёғоч бўлағидан фойдаланиши мумкин.



Расм-142. Қалам новда.

юқори ҳолатда сақлаш учун мевали новда ва шохларни янгилаб туриш лозим.

1, 2, 3-қоидаси. Олма дарахтларини ҳосилдор бўлиши ва сифатли мева бериши учун мевали шохларни янгилаб туриш керак.


Янгилаш учун кесиш. Ҳаммага маълумки, энг сифатли олма 2 ёшли шохларда пайдо бўлади. Шунинг учун мевали шохларни доимий янгиланиб туриши учун қуидаги қоидаларга мувофиқ кесиш керак.

1-қоида. Биринчи қоида бир — ёшли шохларни бошқариш. Бу ингичка шохларнинг («қалам») шох-



лар деб ҳам айтилади) узунлиги 20-30 см бўлади ва қалинлиги қаламдан кўра ингичкароқ бўлади. Бу ингичка шохларнинг учки куртаги ҳосил куртакдир. Учки куртаги ҳосил куртак бўлмаса ҳам уларни қалам шох деб атаса бўлади, агар улар калта ва горизонтал ўсган бўлса. Бундай шохларни ҳеч қачон кесмаслик керак.

Жуда кўп ва зич жойлашган бўлса сийраклабиб, горизонтал жойлашганларини қолдириб, қолганларини кесиш мумкин. Ҳар йили янгиланиб турадиган шохларнинг ва жами ҳосил шохларнинг 33% ингичка қалам шохлар бўлиши керак.


2-қоида. Иккинчи йилда қалам шохлар учida мева тугади ҳамда учки куртакдан битта ёки иккитагача бир ёшли новдалар ўсиб чиқади. Қалам шохнинг ён куртаклари ҳосил куртакларга айланади. Ушбу шох-



Расм-143. Мевали шохни қисқартариши.



Расм-144. Шохларни янгилаш усули.



Расм-145. Янгилаш учун кесишнинг натижаси.

ларни қандай кесиш мевали куртаклар сонига ва дараҳтнинг ўсиш тезлигига боғлиқ. Иккита йўл бор:

Биринчи йўл: Новда билан новда туташган жой – ҳалқадан кесиш. Ҳалқа учки куртакдан ўсиб чиқкан новдалар пастида бўлади. Бу кесиш кўйидаги 2 ёшли шох ҳосилдорлигини оширади. Пастидаги расмга қаранг.

Иккинчи йўл: Агар дараҳтнинг ўсиши суст бўлса ёки ҳосил куртаклар керагидан ортиқ бўлса, ҳалқа жойининг қўйирогидан кесиш керак (бу ҳосил куртакларни сийраклаштиришни билдиради, қайсики мева сийраклаштириш ишини камайтиради). Айрим олма навлари 2 ёшли шоҳда жуда кўп гулкортаклар ривожлантиради. Бир дараҳтда шу 2 усуслдан бирини бажаришга тўғри келиши мумкин. Дараҳтдаги шоҳларнинг 33% и 2 ёшли шоҳлар бўлиши керак.

Янгилаш учун кесиш. 3-қоида. 2 ёшли шоҳ мева бериб, қишида тиним даврига кирганда 3 ёшга тўлади. Ушбу 3 ёшли шоҳлар 10–15 см узунликда қисқартирилганда улардан янги битта ёки иккита ингичка қалам новдалар ўсиб чиқади. Шундай қилиб жараён яна қайтадан бошланади.

Келаси йили калта қилиб кесилган 3 ёшли шоҳдан бир ёки иккита қалам новдалар ўсиб чиқади (уларнинг учки куртаги ҳосил куртакларга айланади). 3 ёшли шоҳнинг ёнидаги куртаклар ҳосил куртаклар пайдо қиласди.

Кесишнинг 1, 2, 3-қоидаси:


- Мева шоҳларни доимий янгилаш имконини беради. Фақатгина ёш шоҳларда сифатли мева ҳосили бўлади.
- Дараҳтларни куртакланиб (новда ўстирмай фақат ҳосил куртакларни пайдо бўлиши) кетишнинг олдини олади.
- Солқашликнинг олдини олади, агар мева сийраклаштириш ҳам амалга оширилса.
- Меваларни катта асосий шоҳларга яқин жойларда пайдо бўлишини таъминлайди. Асосий катта шоҳлардан мева узоқлашган сари мева сифати тушиб кетади

2. Яруссиз марказий лидер усули (урчиқсимон, шпиндельбуш)

Замонавий интенсив боғларда ярусли марказий лидер усулидан кўра жуда кўп тарафлари билан устун бўлган яруссиз марказий лидер усули жуда кенг тарқалган. Шакл бериш ва кесишнинг оддийлиги жиҳатидан ярусли тизимлардан анча қулайдир.

Яруссиз марказий лидер усулида шакл бериладиган интенсив олма боғларни қуидаги зичликда экиш тавсия этилади:

- Қатор 3 м кенглиқда – дараҳтлар ораси 0,8 метр. $3*0,8 = 4166$ та 1 гектарга MM106 га уланган Скарлет Спур, Ред Чиф, Голд Спур ва бошқа спур навлар.
- Қатор 3, 5 м кенглиқда – дараҳтлар ораси 0,8 метр. $3,5*0,8 = 3571$ та 1 гектарга MM106 га уланган Скарлет Спур, Ред Чиф, Голд Спур ва бошқа спур навлар.
- Қатор 3 м кенглиқда – дараҳтлар ораси 1,0 метр. $3*1,0 = 3333$ та 1 гектарга M9 га уланган Голден Делишес, Жеромин ва бошқа ўрта кучда ўсуви чиқади.
- Қатор 3,5 м кенглиқда – дараҳтлар ораси 1,0 метр. $3,5*1,0 = 2857$ та 1 гектарга M9 га уланган Голден Делишес, Жеромин ва бошқа ўрта кучда ўсуви чиқади.
- Қатор 3 м кенглиқда – дараҳтлар ораси 1,2 метр. $3*1,2 = 2777$ та 1 гектарга M9 га уланган Фуджи, Гренни Смит ва бошқа кучли ўсуви чиқади.



Расм-146. Яруссиз марказий лидер усулида шакллантирилган олма дараҳтининг умумий кўриниши.



Расм-147. Интенсив бөгөн экилган олма күчатининг лидери қисқартыримаган. Шу каби дарахтларни эккандан сұна 90 см баландлықда ұлқалаш тавсия этилади.



Расм-148. Биринчи үйл якуніда дарахтлар күрниси.

- Қатор 3. 5 м көнгілікта – дарахтлар ораси 1,2 метр. $3,5 \times 1,2 = 2380$ та 1 гектарга M9 га уланған Фуджи, Гренни Смит ва бошқа күчли үсувчи навлар.


Бу усулда экилган күчатлар биринчи үйлде ундан кейинги тарбиялаш йилларида ҳеч қачон лидер шохи қисқартыриб кесилмайды. Шу ва бошқа тарафлари билан веретино усулидан фарқ қиласады. Үзоқ йиллік изланишлар натижасыда гектарига 2000–2500 тағача күчтік кетадиган экиш зичлигі әнг оптималь деб топилған.

Экиладиган күчтік юқори сифатлы бўлиши керак. Ён шохга эга күчатларни экиб, лидерларни қисқартырмаслик әнг яхши натижага олиб келади. Ён шохсиз күчатлар экилганда ҳам лидерлар ҳеч қачон қисқартыриб кесилмайды.

Биринчи йил. Экишдан сўнг иложи борича кам кесиш ва лидерни қисқартыриб кесмаслик дарахтларни сокин ўсишини таъминлаб, келажақда кўплаб мева куртакли шохлар пайдо бўлишига олиб келади. Агар ён шох сони 3 та ёки ундан ортиқ бўлса ва шохлар лидер қалинлигини 3 дан бирига тенг бўлса, уларни шу ҳолатда қолдириш керак. Агар ён шох сони 3 тадан кам бўлса, барчасини голландча

усулда кесиш керак. Ердан 50 см масофадаги барча шохлар тағидан кесиб ташланади.

Үсиш 2–3 см бўлганда лидерни әнг учки куртагини қолдириб, пастини куртаксизлаб, 5 та куртакни олиб ташланг. Ён шохлар қалинлашиб кетишининг олдини олиш учун уларни горизонтал ҳолатдан



Расм-149. Дарахтларни экиш зичлиги ортиши билан ён шохларни эзиш даражаси ҳам ортади. Дарахтлар орасидаги масофа (ўнеда) бўлса, шунга мувофиқ чап тарафи шохларни эзиш даражасидир.



Расм-150. Иккинчи йилда олма навига қараб гектаридан 10-15 тонна ҳосил олиш мумкин.

пастга эгиб боғлаш керак. Экиш зичлиги ортганда, ярим пакана пайвандтаглар ишлатилганда ва тез ўсар навлар экилганда пастки шохларни эгиб боғлаш жуда муҳимдир. Симбағаз тизимини тезлик билан ўрнатиб, дараҳтларни унга бойланг.

Биринчи йилдаги мақсадлар:

- Лидер шохни иложи борича баландга ўстириш. Иккинчи йил охирида дараҳтлар баландлиги максимал даражага етиши керак.
- Ён шохлар камидаги 15–20 см ўсишига эришиш.
- Илдизлар яхши ўсиб ривожланиши учун иложи борича кўчатни эрта экиш (кузда экилса яхширок) ва томчилатиб суғориш тизими орқали ўғитларни ўз вақтида бериш.
- Иккинчи йилда ҳосил олиш учун гулкуртаклар ривожланишини таъминлаш.

Бу шакл бериш усулининг эски усууллардан асосий фарқи кам кесишидир. Кўп кесиши кучли ўсадиган новдаларни ўстиришга олиб келади. Бунинг ўрнига дараҳтларни зич экиб, фақат лидерни юқорига ўстиришни истаймиз. Ён шохлар пастга бойланади. Лидер билан рақобат қиласидиган шохлар голландча кесиши усулида кесилиши керак.

Айрим серҳосил навлар биринчи йилда ҳосил бериши мумкин, аммо дараҳтларни яхши ўсишини ҳисобга олиб, уларни баҳорда, гуллашидан аввал узиб ташлаш керак.

Иккинчи йил. Биринчи йил охирига келиб, дараҳтларнинг бўйи энг юқоридаги симга етиши дараҳтларни яхши ўсганлигини билдиради. Лидер шохларда кўплаб мева куртаклар ва қалам новдалар ривожланган бўлиши керак.

Биринчи йил якуннда қишида лидер қалинлигининг ярмига teng бўлган йўғон, бакувват шохлар голландча усууда кесилиши керак. Лидерга рақобат қиласидан новдалар эса тагидан кесиб ташланади.

Тик шохлар эгиб бойланиши керак. Агар дараҳтда жуда кўп тик новдалар пайдо бўлган бўлса, сабабини аниқлаб, бартараф этиш керак. Бегона ўтларни доимий назоратда сақланг. Энг муҳим бегона ўтларни йўқотиш даври — бу куртаклар бўртгандан то гуллашдан 30 кун кейингача.

Юқоридаги расмларда иккинчи йилдаги ҳосил миқдорини кўриш мумкин.

Учунчи ва тўртинчи йиллар.




Расм-151. Тошкент вилоятидаги олма боғида 4-йилда гуллаб турган олма дараҳтлари тасвирланган. Ён шохларнинг барчаси 3/1 қоидасига мос келади. Қиши кесиши даврида қалам новдаларнинг учи қисқартириб кесилмагани учун барчаси гуллаган. Дараҳт бўйлаб деярли бир хил кучда ўсаётган ён шохлар шакллантирилган.



Расм-152. Австралия ва Европа давлатларида яруссиз марказий лидер усулида шакллантирилган олма дарахтлари.



Расм-153. Кесишдан аввал ва кейинги кўриниши.



Расм-154. Яруссиз марказий лидер олма дарахтлари қиши кесишдан сўнг.

3. Кўп лидерли тарбиялаш усуллари

Кўп лидерли янги тарбиялаш тизимлари бир гектарга кетадиган кўчат сонини камайтириш имкония-

тини беради. Тасвирланадиган усулларнинг айримларида йиллар давомида лидер шохларни янгилаш имкониятини берадиган тарбиялаш тизимлари мавжуд. Ўсиш кучини бир нечта лидерга тақсимлаш ва



Расм-155. Уч лидерли усулда шакл бериш. АҚШ (юқорида) ва Австралия (пасмда).



Расм-156. Икки лидерли тарбиялаш тизими. Италия (чапда) ва Австралия (ўнгда).

эрта ҳосилга киритиш усулларидан фойдаланиш натижасида дараҳтлар ўсишини сустлаштириш ҳамда бўйини чегаралаш имконияти мавжуд.

Юқорида айтилган дараҳт шаклини соддлаштириш, яъни иккиласмчи шохлардан фойдаланмай лидер ва мевали шохларни шакллантириш 2 ўлчамли тизимларнинг устунлиги ҳисобланади. Ишонамизки, ушбу қўлланмада тушунириладиган тарбиялаш, яъни парваришлар тизимлари ҳозирги замон бозор талабига жавоб берадиган сифатли, мўл ва эрта ҳосил олишнинг гаровидир.

Меванинг кўп қисми ердан туриб терилиши мумкин. Дараҳт шох-шаббаси 2 ўлчамли деворни эслатди, кесиш, меваларни сийраклаштириш ва меваларни териш ердан бажарилганлиги сабабли иш кучига бўлган талабни 45% га қисқартиради.

Вертикал симбағаз (шпалер)да 2 лидерли шакл бериш усули. Марказий лидер (бир лидер-

ли) тарбиялаш тизимидан кўра 2 лидерли усул соддароқ ҳисобланади, сабаби:

- а) иккиласмчи шохлар тарбияланмайди;
- б) дараҳт ўсиш кучи иккига бўлинади (дараҳтлар сокин ўсади);
- с) бўйи кичик бўлган кўчат билан ҳам боғ ташкил этса бўлади (бўйи 1,2 метрдан баланд 2-навли кўчатлар).

Ҳар бир лидер доим янгилаб туриладиган мева шохларга эга. Паstdаги дараҳтлар орасидаги бўшлиқни қоплаш учун қўйидан ўсаётган новдаларни қарама-қарши томонга симга боғланиб ўстирилади.

Биринчи йил. Биринчи симдан (симнинг баландлиги ердан 50 см юқорида) 10 см баландликда кесилган кўчатлардан бир нечта ён шохлар ўсиб чиқади. Кўпинча кесилган жойнинг пастидаги икки куртакдан жуда кучли ўсувчи новдалар ўсиб чиқади. Улар биринчи ва иккинчи рақамли новдалар дейилади. Улар



Расм-157. Икки лидерли олма дараҳтлари. Ўзбекистон.



пастдаги новдалар кенг бурчақда чиқишига ёрдамлашиш учун вақтинга қолдирилади. Бўлажак лидер шоҳларни тез ва тўғри ўсиши учун симлар орасига ип боғланади.

Ўсиш 20 см бўлганда биринчи ва иккинчи новдалар кесиб ташланади ва уларнинг пастида жойлашган 3– ва 4– иккита новда лидер сифатида танлаб олинади. Юқоридаги икки новда олиб ташлангандан сўнг пастдаги новдаларнинг тезроқ ўсишига ёрдам беради. Келажакда қайси новдалар лидер бўлиши бу вақтга келиб кўриниб қолади. Ипларни тепага боғлагандан сўнг танланган икки лидер новда ипга боғланади. Новдалар учи тепага қараб туришини таъминлаш учун бир оз бўйига ўсишини кутиш керак.

Мураккаб ҳосил шоҳларга лидерлар ўртасидаги масофа 50 см. Ҳар бир лидер йўналтирувчи ип ёрдамида ўсмоқда.

Лидерлар узунлиги ипга етиб, учи тепага қараган ҳолда ўсиши мумкин бўлган вақт келди. Энди икки лидердан бошқа барча новдалар юлиб ташланади. Дараҳтнинг энергияси фақат шу лидерларни ўстиришига сарфланади.

Лидер шоҳлар симбағазнинг 75% баландлигига етмагунича, лидерлар ҳукмронлигини сақлаш учун, пастдан новдалар ўсишига йўл қўйилмайди. Лидерлар ўсишда давом этар экан, уларни ипга бойлашни эсдан чиқарманг. Лидерлар ўсишини сувсизлик, азот етишмовчилиги, шамол, зааркунандалар зарари натижасида ўсишдан тўхтаб қолишига йўл қўйманг.

Лидер шоҳлар ўсишда давом этар экан, дараҳтнинг куйи қисмида мева куртаклар шакллашини бошлайди. Дараҳтлар ўзларига ажратилган, куйидаги симдан энг юқоригача бўлган жойни қоплаб олади. Ҳукмрон лидер шоҳлар дараҳт ие-пархиясини назорат қиласи.

Лидерлар юқорига ўсар экан, ҳар янги пайдо бўладиган ҳар қандай кучли новдалар ва дараҳ-

тнинг юқорисида пайдо бўладиган лидерлар билан рақобат қиласидиган новдалар кесиб турилади. Лидерлар ўсишини чегараламанг. Ўсиш ва дараҳт бўйини чекловчи ҳамда дараҳтларни сокин ўсишини таъминловчи энг муҳим нарса бу – эрта ҳосил олишдир.

Вертикал симбағаз (шпалер)да 3 лидерли шакл бериш усули. Энг сифатли мевалар асосий танааларга яқин жойлашган мева куртакларда ёки шоҳларда пайдо бўлади. Дараҳтлар шакли икки ўлчамли оддий бўлганлиги сабабли кесиш, сийраклаштириш ва терим ишларини оддий малакасиз ишчилар ҳам бажара олади. Дараҳтнинг ўсиш тезлиги 3 та лидерга тақсимланади.

Мураккаб ҳосил шоҳлар ўртасидаги масофа 50 см. Дараҳт шакли жудда оддий. Ҳар бир лидер фақатгина ҳосилли шоҳлар билан қопланган, иккимачи шоҳлар йўқ. Дараҳтнинг максимал баландлиги 2,4 метргача бўлади. Қатор ораларининг кенглиги 3 метр.

Мураккаб ҳосил шоҳлари доимий янгиланиб туррилади. Ҳатто лидер шоҳларни ҳам бир неча йилда янгилаш мумкин. Ушбу мевали девор қалинлиги 40 см га тенг. Дараҳтнинг бўйини назорат қилиш учун ўсиш сустлашаётган июнь ойининг охирларида янги кераксиз новдаларни кесинг.

Биринчи йил. Ўсишнинг биринчи 5 ойи давомида ҳар бир дараҳтда 3 та лидер шоҳ тарбияланади.

Симбағаздаги горизонтал симлар ҳамда вертикал иплар бўлажак лидерларни шамолда шикастланмай ўсишига ёрдам беради. Шамол дараҳтларни қимирлатганда пастки танага бақувватлашиши ҳақида сигнал боради, бу ўз навбатида лидерларнинг ўсишини 10–15% камайтиради. Новдалар ҳафтасига 12 см ўсади, шу сабабли лидер шоҳларни тез-тез ипга бойлаб туриш керак. Айниқса, новда симга яқинлашар экан, бу нарса жуда муҳим.

Кўчатидан буюртма қилаётган олма кўчатларни ердан 40–50 см баландликда 3 та шоҳ билан тайёрлаб



Расм-158. Уч лидерли олма дараҳтлари. Италия.



Расм-159. Уч лидерли олма дарахтлари. Ўзбекистон.

беришини сўранг. Буни амалга ошириш учун экишдан камида 1 йил олдин кўчатзорга буюртма бериш керак. Учта шохнинг барчасини баландлиги деярли бир хил бўлиши керак (бу нарсани кўчатзорда амалга ошириш жуда мушкул бўлиши мумкин).

Ўзбекистондаги кўплаб кўчатларда керакли баландликда лидер шоҳдан ташқари 2 тагача ён шох бўлиши мумкин. Бундай кўчатлар билан 3 лидерли шакл бериш усулини амалга ошириш мумкин. Ён шохи бўлмаган кўчатларни эса биринчи симдан (1-сим баландлиги 50 см) 10 см баландда кесиб, пастдан 3 та лидер новдани шакллантириш мумкин.

Энг юқоридан ўсадиган 2 та новдани лидер шоҳлар сифатида танлаб бўлмайди, чунки улар жуда кучли бўлиб кетади. Агар пастдан етарлича шох ўсиб чиқмаса, энг юқоридаги 2 та новдадан бирини ёки ҳар иккисини танлаш мумкин, лекин уларни чилпиш билан ўсиши сустлаштирилиб, пастдаги новдаларни ўсишига имкон яратиласди.

Ўсиш даврида лидерларни ўзи ўсадиган жойдаги ипларга йўналтириш учун ҳам ёғоч ёки ипдан фойдаланилади. Биринчи йилда иш жуда кўп, лекин охирги натижага учун уларни ўз вақтида бажариш керак.

Силлептик новдаларни июнь ойида назорат қилиш. Силлептик новдалар – шу йил ўсиб чиқсан новдаларнинг ён (қўлтиқ) куртакларидан ўсиб чиқади.

Ўсиш давомида лидерларда пайдо бўладиган силлептик новдалар 10 см қолдирилиб кесилади. Бунинг натижасида лидер шоҳлар жадал ўсишда давом этади. Мавсум давомида 2–3 марта кесишга тўғри келиши мумкин. Силлептик новдаларни мунтазам кесиб туриш лидерларнинг устунлигини сақлайди ва биринчи йилда 1–2 метр баландликка эришишга имкон беради. Ўсиш кучи фақат 3 лидерга қаратилади.

Иккинчи йил. Лидер шоҳларда иккинчи йили ҳосилли куртаклар ҳамда ингичка новдалар пайдо бўлади. Ҳосил берадиган шоҳлар икки йилда шакллантириш мумкин.

ланади. Мураккаб ҳосилли шоҳлар асосий лидер шоҳларда ўсганлиги сабабли дарахтда умумий тутиб турувчи шоҳлар (иккиласми шоҳлар йўқлиги сабабли) сони камаяди.

Ҳар бир лидерга неча дона мева қўйиш кераклигини осонлик билан ҳисоблаб, сийраклаштиришишини осонгина бажариш мумкин. Боб аввалида берилган жадвалга асосан сийраклатиш ишларини ташкил этиш тавсия этилади.

Учинчи йил ва ундан сўнг. Меваларда механик шикастланиш камаяди. Мевали шоҳлар шамолда қимирламаганлиги сабабли сифатли мева сони кўпаяди. Лидерлар баландлиги 3–3,5 м га етмагунича тепасидан кесилмайди.



Расм-160. Интенсив сумбагазли боғларда бу кўринишдаги дарахтларни 3 лидерли шакллантириши усулига ўтказиш мумкин.



Сифатли йирик мева олишни таъминлаш. Лидерларни ёшартириш усули.

Лидер шоҳларнинг ҳосилдорлиги йиллар ўтиб пасайганда уларни янгилашга тўғри келади. Агар дараҳтларнинг ўсиш тезлиги юқори бўлган бўлса, лидерларни қариш жараёни ҳам тез бўлади.

Йиллар ўтиб, шу нарсаларни лидерларда кузатсангиз ва улар соғлом бўлса, уларни янгилашни бошлаш вақти келган бўлади. Бир йилда ҳар бир дараҳтдан 1 та лидер кесинг ва унинг ўрнига янгисини тарбияланг. Шундай қилиб, бошқа лидерларни ҳам янгилаш мумкин. Янгилаш 6–7 йил тўлиқ ҳосил олгандан кейин бажарилиши мумкин. Ҳар гал янгиланганда 2 та лидера мева ҳосили бўлади ва фақатгина биттасида янги новда ўсади.

Ўзбекистондаги интенсив боғларда нотўғри кесиб тарбияланган олма дараҳтларини 2 ёки 3 лидерли тарбиялаш тизимиға ўтказиш келажакда бир хилда ўсиб ҳосил берадиган дараҳтларни шакллантиришда жуда қўй келади. Қўйидаги расмларда иккимавсумда лидер ва ён новдалар қисқартирилиши натижасида ўсиб чиқкан кучли ва тик новдаларни кўриш мумкин. Шу шаклда ўсаётган дараҳтларни қисқартириб кесиши батамом тўхтатиш зарур. Сийраклатиб кесиш орқали бундай дараҳтларни кўп лидер усулига ўтказиш лозим.

Эркин усульда шакл бериш тизимлари

4. Ярим интенсив эркин ўсуви (симбағазсиз) олма боғларида дараҳтларга кўп ярусли марказий лидер усулида шакл бериш

Марказий лидер усулида дараҳтлар шакллантирилганда қишида қўйидаги кўринишда бўлади.

Экиш зичлиги ва шакл бериш усуслари, ёзи иссиқ ва қуруқ бўладиган ҳамда қуёш нурларини



Расм-161. Куртаксизлаш усули.

нинг кучи юқори бўладиган худудларда марказий лидер усулида шакл бериш яхши натижаларга олиб келади.

Марказий лидер усулида шакл бериладиган ярим интенсив боғларни қўйидаги зичликда экиш тавсия этилади:

- Қатор 4,5 м кенглиқда – дараҳтлар ораси 1,5 метр. $4,5 \times 1,5 = 1481$ та 1 гектарга ММ106 ёки ММ111 га уланган Скарлет Спур, Ред Чиф, Голд Спур ва бошқа спур навлар.
- Қатор 4,5 м кенглиқда – дараҳтлар ораси 2 метр. $4,5 \times 2 = 1111$ та 1 гектарга ММ106 ёки ММ111 га уланган Голден Делишес, Жеромин ва бошқа ўрта кучда ўсуви навлар.
- Қатор 4,5 м кенглиқда – дараҳтлар ораси 2,5 метр. $4,5 \times 2,5 = 888$ та 1 гектарга ММ106 ёки ММ111 га уланган Фуджи, Гренни Смит ва бошқа кучли ўсуви навлар.

Дараҳтлар вояга етганда қатор томонга ўсадиган пастки ярус шоҳлар узунлиги экиш зичлигига қараб 1,2 ёки 1,5 метрдан қисқа бўлиши керак. Экиладиган кўчкатларнинг баландлиги камидан 1,2–1,5 метр бўлиши керак.

Биринчи йил. Кўчкатлар уланган жойини ердан камидан 5–10 см баландда экинг. Кўчнатнинг 50 см дан пастидаги новдаларни тагидан кесинг. Агар кўчнатнинг ердан 50–80 см масофасида камидан 3 та 25 см дан узун новдалари бўлса лидер шоҳни 110 см да кесинг ва ён новдаларни «тўрт бармоқ» узунлигига кесинг. Агар 3 тадан кам ён шоҳ бўлса ёки умуман ён шоҳсиз кўчкат экилаётган бўлса ердан 90 см баландлиқда лидерни қисқартиринг ва ён шоҳларни голландча усулда кесинг.

Баҳорда янги новдалар узунлиги 2–3 см га етганда энг учки куртак қолдирилади ва пастидаги 5 куртак лидер шоҳга рақобат қиласлиги учун олиб ташланади. Ҳар қандай гулкуртаклар олиб ташланниши керак. Шамолли худудларда дараҳтлар тик



Расм-162. «Тўрт бармоқ» усулида кесиш.



Расм-163. Куртаксизлашнинг натижаси.



Расм-164. Пинк Леди навининг биринчи ярус шохлари сим ёрдамида эгиб кенгайтирилган.



Расм-165. Марказий лидер усулида шаклланган Голден Делишес навли олма дарахтлари биринчи йил якунида. Лидер шохлар бир хил узунликда ўсган ва биринчи ярусада камида 5–6 та ён шох шаклланган.

ўсишига ёрдам бериш учун тиргак қўйиш керак бўлиши мумкин.


Ён шохлари жуда тик ривожланувчи Ред Делишес навларини ва Пинк Леди навини июль ойида 6 та ён шохини сим ёрдамида эгиб, 45° – 60° га кенгайтириш керак, акс ҳолда уларнинг ўшиш кучи лидер новданни ўсишдан қолдиради ва марказий лидер дарахти шаклланишига тўсқинлик қиласи. Юқоридаги расмларга қаранг. Секин ўсадиган навларда ён шохларни кенг бурчақда очиши кейинги йилгача қолдириш мумкин.

Иккинчи йил. Биринчи ярусда энг юқорида жойлашган ён шохдан 85 см узунлиқда лидерни қисқартириб кесинг. Агар лидер шох 85 см баландликда ўсмаган бўлса лидерни қисқартириб кесманг, аксинча, лидернинг учидаги ўшиш 2–3 см бўлганда куртасизланг. Ён шохларни кечикитириб кесинг. Кечикитириб кесиш даражасини новдалар ўшишининг кувватига қараб белгилаш зарур.

Учинчи йил. Иккинчи ярусда энг юқорида жойлашган ён шохдан 75 см узунлиқда лидерни қисқартириб кесинг. Агар лидер шох 75 см узунлик-



Расм-166. Кечиктириб кесиш ва 2- ва 3-новдаларни бошқариш. Улар 10 см узунлика етганда 2,5 см қолдириб чилпилади. Бу нарса пастдан ўсаётган новдаларни кенг бурчакда ўсиб чиқишига катта ёрдам беради. Мавсум давомида яна бир марта чилпишига тўғри келиши мумкин.




Расм-167. Голден Делишес нағли ММ106 пайвандтагига уланган олма дараҳтлари учинчи йилга келиб, ҳар бир дараҳтдан ўртамча 10 кг ҳосил беради. Ўзбекистон.



Расм-168. Марказий лидер усулида шакллантирилган ярим пакана Ред Чиф спур нағи (Австралия).

да ўсмаган бўлса лидерни қисқартириб кесманг, аksинча, лидернинг учидаги ўсиш 2–3 см бўлганда куртаксизланг. Иккинчи ярусада ён шоҳларни кечиктириб кесинг ва 2- ва 3-новдаларни бошқаринг. Кучсиз дараҳтларни кечиктириб кесиб бўлмайди. Иккинчи ярусада ҳам 2-йилдаги кечиктириб кесишни ва 2- ва 3-новдаларни бошқариш ишларини давом эттириш керак.

Шу тариқа 3–4 та ярус шакллантирилади ва ён шоҳларни эгиб, кенг бурчакда ўсишини доимий таъминлаш шарт. Ёзги кесиша дараҳтни ички томонига соя солаётган тик новдаларни ва лидер билан рақобат қилаётган кучли ўсаётган новдаларни 5–10 см узунлиқда қисқартириб, қуёш нурларини дараҳт бўйлаб тарқалишини яхшилаш керак. Агар биринчи ярус шоҳларининг узунлиги 2 метрга яқинлашса, июль ойида уларнинг эгиш бурчагини горизонтал ҳолатга олиб келинг (80°). Шу тариқа ўсиш кучи сустлаштирилади. Лидер юқорисидаги янги кучли



Расм-169. Эркин ҳолатда ўсуви марказий лидер усулида шакллантириладиган ярим пакана дараҳтларни 3–4 ярусли эмас, балки бир ярус шаклида ўстириш ҳам мумкин. Биринчи ярус доимий бўлиб, юқоридаги шоҳлар эса доимий янгиланиб туриласади.



Расм-170. Ушбу дарахтларда 2 йил давомида калта қисқартыриб кесиш натижасида ҳосил бўлган кўплаб кучли новдаларни кўриш мумкин. Шу шаклда кесилиб ўстирилаётган олма дарахтлари мевалари сифатини янада ошириш учун дарахтлар шаклини эркин ўсуви 4 лидерли шакл бериш усулiga ўзгартириш тавсия этилади.

ўсаётган новдаларни июнь ойи охирида кесиб ташлаш орқали баландлик назорат қилинади.

5. Эркин ўсуви 4 лидерли ўстириш усули

Республикамизнинг янги ташкил этилган ярим пакана айrim олма боғларида ММ. 106 пайвандтагида экилган дарахтлар тушунарсиз усулда тарбияланаетганини кўриш мумкин. На марказий лидер усули ва на вазасимон усулини эслатадиган боғларда дарахтлар турлича бўлади, нотўғри кесиши орқали жуда кучли новдалар үсади ва ҳосилдорлик паст бўлади. Агар марказий лидер усулига ўзгартиришнинг имконияти бўлмаса 4 лидерли усулда шакл бериш мумкин. Шундай ўсаётган ва экиш зичлиги дарахтлар ораси 2–3 метр бўлган ярим интенсив боғларида 4 лидерли усулда шакл бериш жуда юқори ва сифатли ҳосилга олиб келади.



Расм-171. Учинчи ва тўртминчи йилда 4 лидер усулiga ўзгартирилган олма дарахтлари. Ўзбекистон.




Расм-172. Биринчи йилдан 2 йил мобайнида 4 лидерли усулда шакл берилган олма дарахтлари. Ўзбекистон.



Расм-173. Австралия ва АҚШда эркин усулда ўстирилаётган олма дарахтларига 4 лидерли шакл бериш усули.

6. Катта олма дарахтлар шаклини ўзгартириш



Расм-174. Ярим пакана ва кучли ўсуёчи пайвандтагларда ўстирилаётган олма дарахтлари шох-шаббасининг ичига кўёш нурлари яхши кириб боришини таъминлаш учун ўзига хос шакл бериш усуллари тасвирланган.

IX. Зааркунанда ва касалликларга қарши кураш

1. Олма дарахти зааркунандалари	93
2. Олма дарахти касалликлари	99
3. Олма мевасининг чириш касалликлари.....	106

1. Олма дарахти зааркунандалари

Барг битлари – Aphidodea

Барг битлари баргларни буриштириб қўяди, баъзан эса тўкиб юборади, ёш новдаларни ўстирмай қінғир-қийшиқ қилиб қўяди ва мева ҳосилини камайтириб юборади, дарахтларни ўсишдан қолдиради ва қувватдан кетказади.

Айниқса, кўкламда барг битларининг тўдалари кўп бўлади; ёзда кунлар исиши билан, яъни июлдан бошлаб тўдалар катта бўлмайди, чунки саратор иссиғи уларни кўпайишига салбий таъсир қилади. Шунингдек, кўпгина йиртқич ва паразитлар – хонқизи, сирфид пашаси, олтинкўз, яйдоқчилар ва бошқа фойдали ҳашаротлар барг битлари билан озиқланиб, уларнинг сонини камайтиради. Баъзан ёз ўрталарига келиб барг битлари бутунлай йўқолиб кетиши ҳам мумкин. Барг битлари шохларнинг учки қисмida ва янги ёш баргларида

кўпроқ учрайди. Сентябрь ойида салқин тушиши билан барг битлари яна оммавий кўпая бошлайди, уларнинг урғочилари дарахтларга учиб келиб, тирик личинкалар тугади, бу личинкалардан ҳар хил жинсли – эркак ва урғочи авлод етишади. Хонқизи барг битлари билан озиқланади. Қуйидаги расмга қаранг.

Олма бити – Aphis pomi

Зарари. Олма, нок ва беҳига зарар етказиб, баргларни буриштириб қўяди, баъзан тўкиб юборади, ёш новдаларни ўстирмай қінғир-қийшиқ қилиб қўяди, ҳосилини камайтириб юборади, мева ширасини сўриб, сифатини пасайтиради. Ёш мева дарахтларига катта зиён етказади.

Таърифи. Ранги яшил, баъзан сариқ-яшил бўлади, қанотли битлар қора рангли бўлади. Вояга етган битларнинг узунлиги 2 мм, қорин учи қорамтири, шира найчалари қора, танаси нок шаклида бўлади.



Расм-175. Хонқизи



Расм-176. Олма бити.



Ҳаёт даври. Дараҳтларнинг ёш новдаларида тұхумлик ҳолатида қишлиайды. Баҳорда күртаклар ёзилишидан олдин личинкалар чиқиб, аввал бүртган күртаклардаги шираны, кейинчалик барг ва гуллардаги шираны сұради. Вояға етган дастлабки битлар олма қийғос гуллаган вақтгача пайдо бўлади. Битлар ёз бўйи 15 тача бўғин беради. Хонқизи, сирфид пашшаси, олтинкўз, яйдоқчи каби фойдали ҳашаротлар битларнинг миқдорини камайтириб туради.

Үйғунлашган кураш чоралари. Зааркунанда билан кучли заарлаган шохларни кўкламда қирқиб ташлаш ва уларни боғдан олиб чиқиб ташлаш лозим. Ҳосил учун аҳамияти бўлмаган эркак новдалар ҳам кўкламда ва ёзда қирқиб ташланади, чунки буларда битлар оммавий ривожланади. Битлар 60% дан ортиқ новдаларни заарлагандаги кимёвий кураш чораларини қўллаш тавсия этилади. Күртаклар бўртиш вақтида ёғли воситаларни қишлаётган зааркунандаларга қарши пуркаш энг самарали ҳисобланади.

Кураш чоралари. Күртаклар бўртиш вақтида минерал мойлар билан таркибида хлорпирифос ёки диазинон бўлган воситаларни аралаштириб ишлов берилади. Вегетация даврида эса таркибида спиротетромат, тиоклоприд, имидоклоприд, ацетамиприд ёки диазинон бўлган препаратлар билан ишлов берилади.

Қон бити – *Eriosoma lanigerum* Haussm

Зарари. Олма, нок ва бошқа мевали дараҳтларнинг илдизини, тана ва шохларининг ширасини сўриб, дараҳтларни кучсизлантиради. Битнинг шира сўрган жойларида ғуддалар пайдо бўлади, улар кейинчалик ёрилиб, чирийди. Қон бити тушган ёш дараҳтлар кўпинча қуриб қолади, катта дараҳтлар эса кучсизланаб, ҳосили жуда камайиб кетади. Қон бити кўп тушган шохлар қурийди.

Таърифи. Қанотсизи тўқ қизил бўлиб, усти мумсимон парли оқ ғубор билан қопланган. Қон бит танаси тухум шаклида, қанотсиз бит вояга етганда узунлиги 2,1–2,6 мм. Қанотли битнинг оқ пари фақат қорнининг учидаги бўлади. Гавдаси цилиндр шаклида бўлиб, узунлиги 2,2 мм. Тухуми чўзинчоқ, бўйи 0,5 мм, юпқа оқ чанг бор, дастлаб зарғалдоқ рангда, 3–6 кундан кейин эса, жигар ранг тусга киради.

Ҳаёт даври. Қон бити ҳар хил ўшдаги личинка ва вояға етган ҳашаротлик ҳолатида олма дараҳтларнинг илдизларида, пўстлоғи ёриклиарида ва йўғон шохларининг асосида қишлиайды. Февраль охири, март

ои бошларида битлар уйғониб, дастлаб қишилаган жойларида озиқлана бошлайди, сўнгра дараҳтларга ўрмалаб чиқиб, пўстлоғи нозик ёки заарланган жойларига ўрнашиб олади. Битларнинг галалари сидирга мум пар билан қопланади. Қон бити ёз бўйи 15–17 та бўғин беради. Апрель охири, май ои бошларида личинкаларнинг бир қисмида қанотли бошланғичлари пайдо бўлади ва улардан қанотли битлар етишади. Дастлаб қанотли битлар жуда кам бўлиб, август охири, сентябрь ойида кўплаб пайдо бўлади. Янги боғларга кўчат билан тарқалади.

Үйғунлашган кураш чоралари. Қон битининг кўпайишига йўл қўймаслик ва дараҳтларни касалликлардан сақлаш учун олма дараҳтларининг кесилган ва чақаланган жойларида ёғ билан боғ қоришмаси ёки лойқа лой суркаб қўйилади. Қон бити тушган боғ ва кўчатзорлардан кўчатларни фумигация қилмасдан олиш ярамайди. Күртаклар бўртиш вақтида ёғли препаратларни қишилаётган зааркунандаларга қарши пуркаш энг самарали ҳисобланади.

Кураш чораси: Күртаклар бўртиш вақтида минерал мойлар билан таркибида хлорпирифос ёки диазинон бўлган воситаларни аралаштириб ишлов берилади. Вегетация даврида эса таркибида спиротетромат ёки диазинон бўлган препаратлар билан ишлов берилади.

Калифорния қалқондори – *Diaspidiotus perniciosus* Comst

Зарари. Мевали дараҳтларга, резавор мева, буталарга ва манзарали ўсимликларга зарар етказади. Калифорния қалқондори кўпайиб кетганда дараҳт пўстлоғи узунасига ёрилиб, шохларни ва бутун дараҳтларни куритиб қўяди, мевалардаги ширани сўриб, тўқ қизил доғ туширади. Мевали дараҳтни шох, новда, барг, дараҳт пўстлоғи ва мевасини зарлайди. Натижада дараҳтлар кам ҳосил беради, ёш дараҳтлар қуриб қолади.

Таърифи. Қалқони юмалоқ, анчагина япалоқ, оч жигар ранг, кул ранг тусда бўлиб, диаметри 1,0–1,5 мм дан 2 мм гача. Қалқоннинг четлари ўртасига қараганда оч тусда бўлиб, эркагининг қаноти бир жуфт бўлади. Ёш личинкаси озиқлана бошлаганда оқимтириш шира чиқаради, бу шира кейинчалик қалқонга айланади.

Ҳаёт даври. Биринчи ёш личинкалари шох ва новдалардаги қалқон остида қишлиайды. Баҳорда, дараҳт күртаклари бўрта бошлагандага озиқланишини



Расм-177. Қон бити.



Расм-178. Калифорния қалқондори.

бошлайди ва пўст ташлаб жинсий етук ургочи ва эркак зотларга айланади. Урчиган ургочи зот 1 ойча етилгач 100–120 тадан тирик личинкалар туға бошлайди. Туғилган «дайди» личинкалар қалқон остидан чиққандан сўнг бир неча соат давомида дараҳт бўйлаб тарқалиб пўстлоқ ва меваларга ёпишган ҳолда ўзига қалқон ясай бошлайди. Озиқланиши давомида пўст ташлаб иккинчи ёшга ўтган личинкалари жинсий етук ургочи ва эркак зотларга айланади ва 2-авлод «дайди» личинкалари пайдо бўлади. Шу тариқа йил давомида 3–4 та авлод беради. Одатда ҳар бир авлод биринчи ёш личинкаларининг бир қисми қишлишага қолади. Кўчкат ва заарланган мева орқали жойдан–жойга тарқалади.

Үйғунлашган кураш чоралари. Эрта кўкламда буталган шох ва новдаларни ёкиш, дараҳтлар танасини тозалаб, эски пўстлоқларни ёкиш, дараҳт танасини оқлаш, боғларни ёшартириш.

Мавсум вақтида тухумдан чиққан қалқондорлар сонини билиш учун скочни диаметри 3–5 см бўлган скочни шоҳларга ёпишқоқ тарафини тепага қилиб маҳкам боғланади. Агар маҳкам бўлмаса, ёш қалқондор ли-

чинкалари тагидан ўтиб кетади. Бир боғдан камида 10 та дараҳтнинг 2 та шохига скочни боғлаб чиқиласди. Ҳар ҳафтада янги скочга алмаштириласди. Ҳар бир жойда скочга ёпишиб қолган қалқондорларни санаб, ёш қалқондорларни қачон кўпайишини аниқлаш мумкин. Скочдаги қалқондорлар сонига қараб пестицид билан ишлов ўтказиш белгиланади. Кимёвий ишловлар қалқондорларнинг биринчи ёш личинкалари кўпайган даврда сепилади. Куртаклар бўртиш вақтида ёғли воситаларни қишилаётган зааркундадарга қарши пуркаш энг самарали ҳисобланади.

Кураш чоралари. Куртаклар бўртиш вақтида минерал мойлар билан таркибида хлорпирофос ёки диазинон бўлган препаратларни аралаштириб ишлов берилади. Вегетация даврида эса таркибида дельтаметрин, диметоат, имидоклоприд, лямбда-циголотрин, малатион ва хлорпирофос бўлган препаратлар билан ишлов берилади.

Нок қандаласи – *Stephanitis pyri* F

Зарари. Олма, нок, беҳи, гилос, олча, олхўри, ўрикда личинка ва етуги барг ширасини сўради,



Расм-179. Нок қандаласи.



баргларни ўз тезаги билан ифлослантиради ва рангизлантиради, ассимиляция хоссасини бузади. Қаттиқ заарланган дараҳтларнинг ҳосили камаяди, кейинги йил мева куртакларида ҳосил бўлмайди.

Таърифи. Вояга етган қандала узунлиги 3–3,5 мм, қора-кўнғир, олдинги қанотлари сербар, ойнадек тиниқ бўлади. Нотўғри шаклдаги қорамтири доғлари ва томир турлари бор. Шу сабабли қанотлари тўр кўринишини олади, орқадаги қанотлари камбар бўлади. Урғочисининг қорин учи юмалоқланган, тухуми 0,4 мм, кулранг-қора, чўзиқ бўлади. Личинкаси 0,6–2,3 мм, ясси узунчоқ, оч-кўнғир, учинчи ёшдан бошлаб қанот бошланғичлари пайдо бўлади.

Ҳаёт даври. Етук зоти ҳазон ости, пўстлоқ ёриклиари ва бошқа ҳимояланган жойларда қишлияди. Апрель бошларида ўйғониб дараҳтларга кўчади. Урғочиси олма ва нок гуллаш даврининг охирида барг орқасига, этининг ичига 7–8 тадан қилиб, жами 400 тагача тухум қўяди. Тухумдан 20–30 кунда личинка чиқиб, 25–30 кунда вояга етади. Вояга етган қандала ва личинкалар баргнинг остки томонидан ширасини сўриб заарлайди. Кучли заарланган барглар рангизланади ва баргнинг остки томони қандала тезаги билан бўялиб қора доғ бўлиб қолади. Июнда биринчи бўғиннинг вояга етганлари пайдо бўлади, улар дарҳол урчиди ва тухум қўя бошлайди. Августда иккинчи, кўп миқдорда чиқиб катта зарар етказадиган ҳамда қишлиашга кетадиган бўғиннинг вояга етганлари пайдо бўлади. Йилига иккита авлод беради.

Кураш чоралари. Вегетация даврида таркибида ацетамиприд, имидоклоприд ёки диметоат бўлган препаратлар билан ишлов берилади.

Оддий ўргимчаккана – *Tetranychus urticae* Koch

Зарари. Олма дараҳтига кучли зарар етказади, аммо бошқа уруғли ва данакли мева дараҳтларига ҳам тушади. У заарлаган барглар дастлаб сарғаяди, кейин эса қўнғир тусга кириб тўкилиб кетади, дараҳт кучли заарланиб, ҳосили майда, сифатсиз ва кам бўлиб қолади, ҳосилдорлик 35–70% гача камайиши мумкин.

Таърифи. Ўргимчаккана майда бўғим оёқли жонивор бўлиб, уни оддий кўз билан зўрға кўриш мумкин. Танаси овал шаклида, 0,3–0,6 мм, ранги кўкиш-сариқ, устида иккита қорамтири доғи бор. Урғочилари қишилаганда қип-қизил тусга киради.

Тухуми юмалоқ шаклда, рангиз, личинкасида уч жуфт, етук зотида тўрт жуфт оёқлари бор.

Ҳаёт даври. Ўргимчаккана баргнинг орқа томонига жойлашиб уя ясади ва шу уядга ривожланади. Урғочи кана ўша уя тагига ўрта хисобда 140, кўпчи билан 600 донагача тухум қўяди. Об-ҳаво шароитига қараб, ёзда 2–5 кун, эрта кўкламда эса 7–10 кун ўтгач тухумларидан личинкалар чиқади. Ёз давомида 12–18, шимолий районларда 14 авлод беради. Урғочисининг қорин учи юмалоқланган, тухуми 0,4 мм, кулранг-қора, чўзиқ бўлади. Личинкаси 0,6–2,3 мм, ясси узунчоқ, оч-кўнғир, учинчи ёшдан бошлаб қанот бошланғичлари пайдо бўлади.

Хаёт даври. Ред Делишес, Голден Делишес, Роум Бют ва Жоннатан олма навлари ушбу кана заарига кўпроқ чалинувчан ҳисобланади.

Кураш чоралари. Богларда чанг кўтарилишини камайтириш ва дараҳтларни доимий сув билан таъминлаб туриш каналарни тез кўпайишининг олдини олади. Куртаклар бўртиш вақтида минерал мойлар билан таркибида хлорприфос, абамектин ёки диазинон бўлган воситаларни аралаштириб ишлов берилади.

Вегетация даврида эса ҳар бир баргда 10 тадан ортиқ тирик кана топилса таркибида абамектин, геситиазокс, спиротетрамат, амитрац, бифентрин ва пропаргит бўлган препаратлар билан ишлов берилади.

Қизил ўргамчиккана – *Panonychus ulmi*

Зарари. Олма дараҳтига зарар етказади. У заарлаган барглар дастлаб сарғаяди, кейин эса қўнғир тусга кириб тўкилиб кетади, дараҳт кучли заарланиб, ҳосили майда, сифатсиз ва кам бўлиб қолади, ҳосилдорлик 35–70% гача камайиши мумкин.

Таърифи. Ўргимчаккана майда бўғим оёқли жонивор бўлиб, уни оддий кўз билан зўрға кўриш мумкин.



Расм-180. Оддий ўргимчаккана ва унинг тухумлари.



Расм-181. Қызил ўргимчакканда үнинг ишләётгән тухумлары.

Танаси овал шаклда, 0,3 мм, ранги қызил, **устида тукларининг күйида 6 тадан 8 тагача оқ нүктаси бор**. Тухуми юмалоқ шаклда, сарғиши-қызил ранда бўлади.

Хаёт даври. Ўсиш даврида қызил ўргимчакканда баргнинг орқа томонига жойлашиб ўша ерда тухум қўяди. Қызил каналар тухум кўринишида қишлиайди ва баҳорда гуллаш даврида тухумдан чиқади. Ўсуви ёки гулкортаклар остида қишлиайди. Дастреб яшил кўринишда ва кейинчалик озиқланиш натижасида қызил рангга айланади. Етилган каналар тўқ қызил ранда бўлади.

Тор баргли Ред Делишес олма навлари ушбу кана зарарига кўпроқ чалинади. Қызил кана кенг баргли олма навларига камроқ зарар келтиради.

Кураш чоралари. Қишида 25 тадан 100 тагача ўсуви ёки мевали куртаклар остини текширинг. Агар 10% дан ортиқ куртакларда қызил кана тухумларини топсангиз гуллашдан аввал минерал мойлар билан ишлов берилади. Агар 10% камидা бўлса, минерал мой билан ишлов бермаса ҳам бўлади. Боғларда чанг кўтарилишини камайтириш ва дараҳтларни доимий сув билан таъминлаб туриш каналарни тез кўпайишининг олдини олади. Куртаклар бўртиш вақтида минерал мойлар билан таркибида хлорприфос, абамектин ёки диазинон бўлган препаратларни аралаштириб ишлов берилади.

Вегетация даврида эса ҳар бир баргда 10 тадан 30 тагача тирик қызил кана топилса таркибида абамектин, геситиазокс, спиротетрамат, амитрац, бифентрин ва пропаргит бўлган препаратлар билан ишлов берилади.

Олма (курти) меваҳўри – *Carpocapsa (Cydia) pomonella L*

Зарари. Олма қурти 30 турдан ортиқ мевали дараҳтларни, жумладан олма, нок, бехи, ёнғоқ, ўрик, шафтоли ва олхўрини зарарлайди. Қурти мева ичиға тешиб кириб бозорбоплигини пасайтиради ва чиришига сабаб бўлади, бундай меваларни сақлаб бўлмайди.

Таърифи. Капалаги қанотларини ёзганда 14–20 мм, олдинги қанотлари кул ранг, уни қорамтири, орқа қанотлари оч кўнғир тусли бўлади. Қуртининг узунлиги 10–20 мм, уни пушти, пасти оқ ёки сарғиши, танасида тукли майда оч кул ранг доғчалар бор, боши ва энса уни оч кўнғир ёки қизғиши тусда, ёш қурт оқ ранда бўлади. Ғумбаги юмшоқ пилла ичида туради.

Ҳаёт даври. Дараҳт пўстлоқлари орасида, боғ ичида шоҳлар остида, омборхона ва бошқа ҳимояланган жойларда, ёш боғларда эса илдиз бўғзи атрофидаги тупроқнинг 3 см гача бўлган чуқурлигида, пилла ичида катта ёшли қурт шаклида қишлиайди. Эрта кўкламда куртлар ғумбакка айланади. Олма гуллай бошлагандан ғумбакдан капалаклар учб чиқади, униш 7–14 кун давом этади, унишнинг 2–4 – куни урчиб тухум кўйиш бошланади, оммавий тухум кўйиш 8–10 – куни бошланади. Урочиси олма баргларига ва мева тугунчаларига биттадан, жами 100–160 та тухум қўяди. Тухумдан чиққан қуртлар барг ва мева эти билан, кейинчалик үнинг уруғи билан озиқланади. Ҳар бир қурт 2–3 тадан мевани зарарлайди. Мевага кирган жойида чиқиндисини кўриш мумкин. Қурт етилгандан сўнг мевадан чиқиб, дараҳт устида ёки яқинида ҳимояланган ҳолда ғумбакка айланади. Иилига 3 марта авлод беради.

Кураш чоралари. Кузда ҳазон баргларни тўплаб кўмиб юбориш; дараҳт танасини эски пўстлоқлардан тозалаш; дараҳт атрофини яхшилаб чопиқ қилиш; дараҳтлар танасини оқлаш; боғларда тутқич белбоғлар ўрнатиш; пишмай тўкилаётгандан меваларни ҳар куни териб олиш.

Мева сақланадиган биноларга капалаклар кирмаслиги учун деразаларга ва вентиляция тешикларига дока ёки кўзи 2,5 мм дан ошмайдиган сим тўр тутиш тавсия этилади, уларга пашша тутадиган ёпишқоқ, қоғоз осиб қўйиш мумкин. Май ўрталарида биринчи авлод куртлари мевадан чиқиб пилла ўраш учун дараҳтларнинг танасига ва пастки йўғон шоҳларининг асосига туша бошлагандан дараҳт таналарига тутқич белбоғлари боғланади, улар мева териб олингунча дараҳтларда қолдирилади ва ҳар 7–10 кунда бир марта кўздан кечирилиб, белбоғдаги қуртлар эзиб ташланади ёки белбоғлар қайноқ сув солинган идишга ботириб олинади ва совугандан кейин янга аввалги жойига боғланади. Белбоғларни вақтида кўриб турилмаса, бундай ҳолатларда унга кириб олган куртларнинг бир қисми капалакка айланаб олади.

Боғларда қуртларнинг асосий қисмини тутқич белбоғлари билан тутиб олиб йўқ қилиш мумкин. Тутқич белбоғ учун эски қоп ва бошқа матолардан фойдаланилади. Үнинг эни 10–15 см бўлади ва икки букланиб боғлаб қуйилади. Баъзан походдан белбоғ қилса ҳам бўлади. Белбоғ боғланадиган жойларда-



Расм-182. Олма меваҳўри ва унинг ривожланишидаги турли босқичлари.

ги пўстлоқ тангачалари тозалаб олинади. Пишмай тўклилаётган олма, беҳи ва олхўрини ҳар 1–3 кунда териб олиб, кесиб, қуритиш ёки молга бериш керак. Тўклилган мевани ўз вақтида йиғиб олиш, боғдаги олма қуртларини 25 фоизгача камайтиради. Олма қуртини йўқ қилиш учун унинг ҳар бир авлодига қарши дараҳтларга икки мартадан дори пуркаш тавсия этилади. Олма дараҳти гуллагандан кейин биринчи марта дориланади. Олма гуллагандан кейин гул косачаси ўн кунгача очиқ туради, шу кунлар ичидаги дараҳтларга дори пуркалади. Шоҳ–шаббанинг

пастки ва ўрта қисмларигина эмас, юқори қисмлари ҳам яхшилаб дориланиши шарт. Қуйидаги расмларда олма қуртининг зарари ва ўз тухумини барг орқасига кўйганини кўриш мумкин.

Кимёвий кураш чоралари: Вегетация даврида таркибида хлорантринипрол, ацетамиприд, лямбда-циголотрин, тиоклоприд ёки циперметрин+хлорпирифос бўлган препаратлар билан ишлов берилади.



2. Олма дарахти касалликлари

Монилиоз касаллиги – *Monilia fructigenam*

Зарари. Олма мевалари чириб, яроқсиз ҳолга келади. Мевалар нафакат боғда, балки омборда ҳам бу касаллик билан заарланади.

Таърифи. Меванинг чириши қўнғир рангли кичкина доғдан бошланади ва тезда бутун мевани қоплади. Натижада мева эти юмшаб, қўнғир тусга киради ва меванинг таъми ўзгаради. Вақт ўтиши билан қуриган мумсимон мевалар тушмасдан дарахтларда осилиб қолади. Ҳамма заарланган қисмлари кейинги йилл баҳоргача дарахтда сақланиб қолади.

Ҳаёт даври. Замбуруғ мумсимон қуриган мева ҳамда бошқа заарланган қисмларда қишлиб чиқади. Мевага олма курти ва бошқа ҳашаротлар, қушлар, дўл ҳамда парша касаллиги жароҳатлаган жойдан юқади. Заарлангандан сўнг 3–5 кун ўтиб мевалар қўнғир рангга киради, 8–10 кун ўтиб споралар пайдо бўллади. Баҳорда дарахтларнинг гуллаш даврида ҳаво ҳароратининг салқин ва намликтинг юқори келиши касалликнинг кенг тарқалишига сабаб бўллади. Замбуруғ споралари ҳавонинг ҳарорати 24–28°C, нисбий намлиги эса 75% дан юқори бўлганда авж олиб ривожланади.

Кураш чоралари. Кузда касалланган меваларни териб йўқотиш; кузда ва баҳорда кучли заарланган шох ва новдаларни кесиб йўқотиш; кузда барг тўкилишидан сўнг ва баҳорда куртак ёзишдан олдин 3% ли бордо суюклигини пуркаш; ҳашаротларга қарши ўз вақтида курашиш.

Бу касалликнинг олдини олиш учун қишлоғчи инфекцияси бўлган мумланган меваларни териб йўқотиш лозим. Чунки бу меваларда ҳам касаллик ривожланиб, кейин тарқалиши мумкин. Вегетация даврида таркибида тебуканазол, трифлокцистробин, тебуканазол+трифлокцистробин, пропиканазол, тиофанат метил ёки пироклоцистробин+боскалид бўлган препаратлар билан ишлов бериш керак.

Ун шудринг – *Podosphaera leucotricha*

Зарари. Барг, новда ва гулларни, шафтолида эса булардан ташқари мевани ҳам заарлайди. Касалланган барглар яхши ривожланмай қайиқсимон бўлиб қолади. Ун шудринг билан мева берәётган дарахтлар ва ёш кўчатлар қаттиқ заарланади. Ҳосилдорлик 30–50% гача камайиши мумкин.

Таърифи. Олмада эрта баҳорда куртак бўртиш ва дастлабки барглар пайдо бўлиш даврида кўрина бошлайди. Касалликнинг белгилари дастлаб ёш новдаларнинг учки қисмida ва баргларда намоён бўлади. Гулбандларида эса оқ наматсимон туборлар пайдо бўлиб, курийди ва мева бермасдан тўкилиб кетади. Новдаларнинг учки қисмida доғлар дастлаб оқ, кейинчалик хира кул ранг бўлиб, улар буралиб, қурийди. Баргларда (қўпинча орқа томонида) кулранг-оқ доғлар пайдо бўлиб, ривожланмай буралиб қолади. Касалланган мевалар эса мазасини йўқотиб, чиришга мойил бўлиб қолади.

Ҳаёт даври. Замбуруғ заарланган новда ва куртакларда мицелий ҳолатида қишлиб чиқади. Баҳорда ҳосил бўлган конидиялар асосий тарқалиш манбаи ҳисобланади. Касаллик шамол ёки ҳашаротлар ёрдамида жуда тез тарқалади. Ҳавонинг қуруқ ва иссик келиши натижасида ўсимликнинг чидамлилиги пасайиб, касаллик авж олиб ривожланади.

Кураш чоралари. Меъёрида сугориш; заарланган новдаларни кесиб, йўқотиш; кузда барг тўкилишидан сўнг ва баҳорда куртак ёзишдан олдин 1° ли оҳак-олтингурут қайнатмасини (ООҚ) пуркаш; ҳашаротларга қарши ўз вақтида курашиш.

Заарланган новдаларни қирқиб, боғдан чиқариб ташлаш керак. Вегетация даврида таркибида трифлокцистробин, креоксим метил, тиофанат метил ёки триадимефон бўлган воситалар билан ишлов бериш керак. Тиним даврида эса ИСО ва мис купоросидан фойдаланиш яхши самара беради.

Ун шудрингта кучли чалинувчан навлар: Гренни Смит, Голден Делишес, Жонатан; **Чалинувчан:** Пинк Леди, Гала, Жинджер Голд, Айдаред, Брейбурн, Жонаголд, Эмпаэр, Мутсу, Жерси Мак; **Чидамли:** Фужи, Ред Делишес, Ред Чиф, Супер Чиф, Скарлет Спур, Жеромин Флорина, Пинова, Кримпсон Крисп, Либерти; **Жуда чидамли:** Вилиямс Прайд, Прима.

Парша (қўттир) касаллиги – *Venturia inaequalis*

Зарари. Барглар, мевалар, новдалар, барг бандлари, мева банди, гулкоса барглари заарланади. Бу касаллик билан кўпроқ катта ёшдаги ва қалин экилган дарахтлар кучли заарланади.

Таърифи. Касалликнинг дастлабки белгилари гуляпроқлар ёппасига тўкила бошлаганда намоён бўлади. Касалланган баргларда юмалоқ қўнғир доғлар дуҳобасимон тўқяшил тубор билан қопланган бўлади. Бу тубор олмада баргнинг устида, нокда



Расм-183. Монилиоз касаллигидан заарланган олма мевалари.



Расм-184. Ун шудринг касаллиги.

эса остида кўринади. Касалланган барглар қурийди ва тўкилиб кетади. Мевада қора ёки кулранг қора доғ пайдо бўлиб, кейинчалик меванинг ёрилишига ва қишик бўлиб қолишига сабабчи бўлади.

Ҳаёт даври. Касалликнинг тарқалиш манбаи замбуруғлар қишлиб чиқсан барглар ҳисобланади. Баъзан (кўпинча нокда) шохларда қишлиб қолиши мумкин. Касалликнинг ривожланиши учун энг қулай ҳарорат 18–20°C бўлсада, споралар 2-30°C да ўса олади. Споралар шамол ва ёмғир томчилари ёрдамида тарқалади. Об-ҳавонинг келишига қараб спораларнинг тарқалиши 60 кунгача чўзилиши ҳамда касалликнинг яширин даври 8–12 кун давом этиши мумкин. Ёз мобайнида замбуруғ 8–10 авлод беради.

Кураш чоралари. Меърида сугориш; заралган шохларни кесиб, йўқотиш; кузда тўкилган баргларни чукур кўмилишини таъминлаш; кузда барг тўкилишидан сўнг ва баҳорда куртак ёзишдан олдин 1° ли оҳак-олтингурут қайнатмасини (ООҚ) пуркаш.

Вегетация даврида таркибида трифлокцистробин, креоксим метил, тиофанат метил, манкоцеб ёки зирам бўлган воситалар билан ишлов бериш

керак. Тиним даврида эса ИСО ва мис купоросидан фойдаланиш яхши самара беради.

Парша ривожланишдан тўхтаган. Парша замбуруғининг ривожланиш даврининг илк вақтида креоксим-метил, трифлокцистробин ва тиофанат-метил таркибли тизимли таъсир этувчи фунгицидлар билан ишлов берилгандан сўнг замбуруғ ривожланиши тўхтаган барг кўриниши. Парша замбуруғи заарлаб ривожланишни бошлагандан 5–8 кундан сўнг тизимли фунгицидлар билан ишлов бериш шундай натижага олиб келиши мумкин. Қуйидаги 187 расмларда Жерси Мак олма дарахтига тизимли фунгицид билан ишлов берилгандан сўнг парша касаллиги ривожланишдан тўхтаган.

Паршага кучли чалинувчан навлар: Гала, Жинжер голд, Мутсу, Пинк Леди, Эмпазер, Жерси Мак; **Чалинувчан:** Ред Делишес, Ред Чиф, Супер Чиф, Скарлет Спур, Жеромин, Айдаред, Фузи, Голден Делишес, Брейбурн, Гренни Смит, Жонаголд, Жонатан; **Чидамли:** Флорина, Пинова; **Жуда чидамли:** Вилиямс Прайд, Либерти, Кримпсон Крисп, Прима.



Расм-185. Парша касаллигининг илк бошланиш белгилари.



Расм-186. Юқорида парша билан күчли заарланган мева, мева банди ва барглар расмлари күрсатилған.



Расм-187. Парша замбуруғы ривожланиши бошлагандан 13 кундан сүнг фунгицид билан ишлов бериш натижасыда барг юзасида шундай дөглар пайдо бўлади. Парша ривожланишдан тўхтаган.


Бактериал күйши – *Erwinia amylovora*

Зарари. Олма, нок, беҳи, опхўри, дўлана, атиргул, смородина, малина каби ўсимликларни касаллантириши аниқланган. Дараҳтларнинг гуллари, новдалари ва мевалари қорайиб, ёш кўчатлар ва новдалар қуриб қолади, ҳосилдорлик кескин камаяди.

Таърифи. Касалланган дараҳтларнинг гуллари тўсатдан сўлиб, қораяди. Барглари буралиб, қораяди ва новдаларда осилиб қолади (тушмайди). Пишмаган мевалар ҳам қорайиб қурийди, тушиб кетмайди. Новда учлари ёки гулдан бошланган касаллик аввал новдага, кейинчалик шоҳларга, ҳатто илдизгача етиб боради. Дараҳт оловдан куйганга ўхшаб қолади. Ёш шоҳ ва новдалар пўстлоғининг

заарланган жойлари кейинчалик гуммоз экссудат кўринишида пўстлоқа оқиб чиқувчи суюқликдан бироз шишади. Оқиб чиқсан суюқлик дастлаб рангиз бўлиб, аста-секин қўйилиб, қаҳрабо-сариқ ёки тўқ кўнғир рангга киради. Ана шу оқиб чиқсан суюқлик шу касалликнинг бошқа ўхшаш касалликлардан фарқлади.

Ҳаёт даври. Инфекция манбаи эски боғлардаги касалланган дараҳт, заарланган уруғ ва кўчат ҳисобланиб, бактериялар ёмғир томчилари, заарли ҳашаротлар, асаларилар, қушлар ёрдамида тарқалади. Касаллик боғ асбоблари билан кесиш ва пайванд қилиш даврида юқиши мумкин. Касалликнинг инкубацион даври 3–4 кундан 6–10 кунга-



Расм-188. Бактериал куйишдан заарланган камта ёшли шохларни заарланган қисмини тозалаш.

ча чўзилиши мумкин. Куйишнинг дастлабки белгилари пайдо бўлгунча минимал ҳарорат 14°C дан юқори бўлиши зарур. Дараҳтларнинг заарланиши ҳаво серёгин келиб, ҳарорат 18°C ва ундан юқори бўлгандга содир бўлади. Бактериянинг ривожланиши учун қулай ҳарорат 30°C бўлиб, $45\text{--}50^{\circ}\text{C}$ да улар ўлади. Ёзда касаллик тузалганга ўхшасада, баҳорда дараҳт танасида сув югуриши билан «ўйғониб», бутун ўсимлик бўйлаб тарқалади. Мевалари ёш, пишмаган даврда заарланади, пиша бошлаган ва пишган меваларда касаллик ривожланмайди.

Ҳарорат қулай вақтда ёмғир ёки намликни пайдо бўлиши бир нечта бактерия заарлаган ракларда қишлиған бактериялар бир соатда 100 минглаб гул ва шохларни заарлаши мумкин. Ҳарорат 30°C дан ошгандан сўнг касаллик тарқалиши тўхтайди. Касалликни қўзғатувчи бактерия бўлганилиги сабабли унга қарши сепилган фунгицидларнинг ҳеч бири таъсир этмайди (Строби/Квадрис). Мис сульфати бактерияни ўлдира олмайди, бироқ унинг ривожланишига нокулай шароит туғдиради. Қишида ракларни кесиб тозалаш жуда муҳим. Ҳар бир раклардан триллионлаб бактериялар шамол, ёмғир ва ҳашаротлар орқали тарқалади. Пакана пайвандтаглар M9/M26

ушбу касалликка жуда чалинувчан ҳисобланади. Заарланган дараҳтларнинг 5–15% кузга бориб томирдан қурийди. Апрель ёки май ойида солинган азотдан ёки кучли кесиши натижасида новдалари тез ўсаётган дараҳтлар кўпроқ заарланади. Интенсив олма боғларида 3–4 йилдан сўнг новдалар йилига 25–30 см узунлиқда ўсса етарли ҳисобланади. Гуллашдан кейин гул тожибарглар тўкилгандан сўнг касаллик заари камаяди, шу сабабли азот солишини теримдан кейин ёки кузда амалга оширилади. Гул ёки новдаларда касаллик аломатлари кўриниши заҳоти уларни кесиб олиб йўқ қилиш керак, акс ҳолда ҳар бир кечиктирилган кун сабабли кейинги куни 6 баробар кўп кесишига ёки заарга тўғри келади. Касаллик $16\text{--}30^{\circ}\text{C}$ ҳароратда яхши ривожланади ва 30 дақиқада 2 баробарга кўпаяди, бошқача айтганда, 1 та бактерия 2–3 кунда 1 триллионгача кўпайиши мумкин. Бактерия механик заарланмаган юзадан ҳам кириб заарлаш хусусиятига эга.

Куртаклар бўртишидан олдин:

- мис купороси (ёки хлороксиди) ёки бордо суюқлиги билан ишлов бериш (3%);
- бактериал куйиш кузатилган боғларга баҳорда азотли ўғитлар бермаслик керак.



Расм-189. Бактериал куйиш касаллигининг бошлангич белгилари.



Расм-190. Бактериал күйиш касаллигидан заарланган мева, шох ва пайвандтаг.

Куртаклар бўртаётган вақтда, гуллашдан олдин:

- мис купороси (ёки хлороксиди) 0,5–1% ёки бордо билан ишлов бериш (2–3%) олма, беҳи ва нокнинг барча навларини; сепгандан сўнг ёмғир ёғса қайта сепиш керак;
- бактериал күйиш мавжуд бўлган боғларга ари уяларини олиб кирмаслик;
- касалликни ташувчи битларни (шираларни) назорат қилиш (5% ли мойли препаратлар ёрдамида).

Гуллаш вақтида:

- бир ёшли дараҳтларда гулларнинг барчасини очилишидан аввал олиб ташлаш зарур. Шу орқали лидер шохни заарланишининг олди олинади.
- гуллашдан сўнг заарланган шохларни 30–40 см пастидан кесиб, ёқиб юбориш;

- ҳар бир заарланган новда ёки шохни кесиш оралиғида 20% ли (1 л сувга 0,2 л) суюқ хлор эритмаси билан қайчини дизинфекциялаш;
- кесилган жойга 1% ли мис купороси (ёки мис оксиди) эритмасини сепиш (1,5 литрли идишда тайёрланиб сепилади);
- асосий ва катта таналарни бактерия заарланганда юқоридаги 188-расмда кўрсатилган тартибда кесиб, заарланган пўстлоқни олиб ташлаш мумкин.

Ўсиш даврида:

- ҳар 7–10 кунда боғни кўздан кечириб бактериядан заарланган новдалар топилганда юқоридаги ишларни бажариш;
- касаллик ташувчи сўрувчи зааркуннадаларни назорат қилиш;
- ёзги кесиши ўсиш тўхтаганда бажариш (июнь ойи);



Расм-191. Бактериал күйиш касаллигининг шохларда қишилайдиган кўриниши.



- ёмғирлатиб сүфориш тизимидан фойдаланмаслик;
- томирдан чиқадиган сўрувчи новдаларни кесиш.

Теримдан сўнг ва тиним даври:

- бактерия ҳосил қилган шох ва новдаларнинг заррланган қисми остидан 30 см пастги соглом қисмидан кеч қишида кесиш;
- бордо суюқлиги билан ишлов бериш (3%) ёки таркибида мис купороси бўлган препаратлар билан ишлов бериш.

Бактериал қуишига.

Кучли чалинувчан навлар: Гала, Айдаред, Гренни Смит, Жонаголд, Жонатан, Мутсу, Фужи, Пинк Леди; **Ўрта чалинувчан:** Голден Делишес, Брейбурн, Прима; **Чидамли:** Ред Делишес, Ред Чиф, Супер Чиф, Скарлет Спур, Жеромин, Эмпаэр; **Жуда чидамли:** Либерти.

Бактериал рак – *Pseudomonas syringae* Hall

Зарари. Уругли ва данакли мева дараҳтларини заррлайди. Дараҳтларнинг гуллари, новдалари ва мевалари қорайиб, ёш кўчатлар ва новдалар қуриб қолади, йирик дараҳтларда ҳосилдорлик 50% гача камаяди.

Таърифи. Касаллик баҳорда тўсатдан новда учларидаги гул ва ёш баргларнинг қорайиб, сўлиб, қуриб қолиши билан бошланади. Касалланган гул ва барглар узоқ муддат, баъзан кузгача тушиб кетмай, новдаларда осилиб қолади. Бактериялар баргдан ўтказувчи томирлар орқали новдаларга ўтади. Заарланган новдалар ўсишдан тўхтайди, қийшайиб қораяди ва қуриди. Заарланган новдани кўндалангига кесгандан ўтказувчи томирларда айлана бўйлаб ёки айрим нукталар шаклида қорайиши кўриш мумкин. Ҳосилга кирган йирик дараҳтлар касалланганда пўстлоқларнинг ёрилиши ва кўчиб қолганлиги кузатилади. Ёш дараҳтларнинг илдиз бўғзида пўстлоқ ёрилиши кузатилади. Касалликдан қуриган дараҳтнинг илдизи ҳудди куйганга ўхшаб қизғиши-қўнғир рангга киради. Касаллик белгилари *Erwinia amylovora* бактерияси қўзғатадиган куйиш касаллигига жудаям ўхшайди, аммо бунда касалланган жойдан суюқлик оқиб чиқмайди.

Ҳаёт даври. Инфекция манбаи эски боғлардаги касалланган дараҳт, заарланган уруг ва кўчат ҳисобланиб, бактериялар ёмғир томчилари, ҳашаротлар, қушлар ёрдамида тарқалади. Касаллик боғ асбоблари билан кесиш ва пайвандлаш пайтида ҳамда бошқа механик шикастланган жойлар орқали юқиши мумкин. Касалликнинг инкубацион даври 5–6 ойдан бир йилгача чўзилиши мумкин. Касаллик ёш дараҳтларда тез ривожланиб, 1–3 йил ичida қуритиб қўяди.

Кураш чоралари. Кузда касалланган меваларни териб йўқотиш; кузда ва баҳорда кучли заарланган шох ва новдаларни кесиб йўқотиш; ҳашаротларга қарши ўз вақтида курашиш; кесиш пайтида боғ асбобларини 0,5% ли хлорамин ёки 2% ли формалин эритмасида тез–тез заарсизлантириб туриш; кузда барг тўклишидан сўнг ва баҳорда куртак ёзишдан олдин 3% ли, ўсув дав-



Расм-192. Бактериал рак.

рида эса (гуллашдан 10–12 кун кейин) 1% ли бордо суюқлигини пуркаш.

Фитофтороз – *Phytophthora spp*

Зарари. Касаллик дараҳт тўнкаси тагига сув тўпланиб қолишида ва умуман штамб атрофида намликтинг узоқ муддат юқори бўлиб туришида тез ривожланади. Касалланган дараҳтларнинг барглари сўлиб қуриди ва тўкилмай шохларда қолиб кетади. Боғдаги олма дараҳтлари биринчи 5 йилда касаллик натижасида кўп заарланади, сабаби касаллик билан курашиш учун илдиз тизими кичик бўлади.

Касаллик пайдо бўлиши ва ривожланишини олдини олиш учун олма дараҳтларини, айниқса, ММ. 106 пайвандтагига уланган кўчатларни қаторлари ердан 20–30 см кўтарилиган жойга экиш тавсия этилади. Бундан ташқари, томчилатиб сүфориш тизимида икки қаторли томизгичлардан фойдаланиш керак. Томизгичларни дараҳт танасидан 50–60 см узоқликда жойлаштириш керак.

Кураш чоралари. Вегетация даврида таркибида фосетил алюминий бўлган препаратлардан фойдаланиш мумкин.



Расм-193. Фитофтороз касаллиги.

10-жадвал. Олма касалликларига қарши фунгицид сепишнинг самарали муддатлари.

Касаллик	Кузда	Тиним даври охирида	Яшил конус	Пушти бутон	Мева тугиш
Парша ¹	++	++	+++	+++	+++
Ун шудринг ²	----	----	----	+++	+++
Бактериал куйиш	----	----	----	+++	+++

Эслатма: Касаликни назорат қилиши учун барча күрсатилган давларда пуркаш зарур бўлмаслиги мумкин.

Самарадорлиги: +++ = энг самарали, ++ = ўртача самарали, + = кам самарали, ва ---- = самарасиз

¹ Янга новдаларни ҳимоя қилиш жуда муҳим.

² Ун шудринг касаллиги йўқолмаса, унга қарши тақроран 7–10 кун оралатиб 2–3 марта кимёвий ишлов беришини давом эттиринг.



Расм-194. Олма куртакларининг тиним, яшил конус ва пушти бутон давридаги кўриниши.



3. Олма мевасининг чириш касалликлари

Жуда кўп чириш касалликлари вегетация даврида боғларда пайдо бўлади ва касалликларни ўша ерда назорат қилиш имконияти мавжуд. Одатда бу касалликларни теримдан олдин кўриш қийин, уларни фақат совуқонада маълум муддат сақлагандан сўнг кўриш мумкин. Айрим касалликлар белгилари олма юзасига чиқмайди ва уларни аниқлаш учун олмаларни кесиш зарур. Мевалар қадоқланадиган марказларда қайси худудларда касалликлар кўплигини аниқлаш учун маҳсус дастурлар ишлаб чиқиш керак. Теримдан кейин белгилари кўринадиган касалликлар 3 гурухга бўлинади:

1. Гуллаш даврида пайдо бўладиган.
2. Кузда мева тешикчалари орқали зааррлайдиган.
3. Терим вақтида мевани шикастлашдан сўнг пайдо бўладиган.

Юқоридагиларнинг барчасини назорат қилиш имконияти боғбонлар кўлида.

Ўзак чириши. Бир нечта замбуруғлар гуллаш даврида гул орқали меваларни зааррлаш хусусиятига эга. Баҳор ойида намгарчилик юқори бўлган вақтларда чириш касалликлари кўпайиши мумкин. Ушбу касалликлар теримдан сўнг совуқонада биринчи белгиларини кўрсатади. Айрим ҳолатларда мевалар пишмасдан аввал тўкилиб кетади. Бу усулда меваларни зааррлайдиган 3 та кенг тарқалган замбуруғлар мавжуд:

1. **Могорлаган ўзак** – *Alternaria spp* замбуруғи келтириб чиқаради.

Замбуруғ фақат ўзак ичдиа ривожланади ва мева этига ўтмайди. Бунинг зарарини фақат мева ни кесиб кўрганда билиш мумкин. Гул томони очиқ бўладиган Ред Делишезнинг навлари бу касаллик билан кўпроқ зарарланади.


2. **Кўз чириши** – *Pezicula malicorticis* ёки *Cryptosporiopsis curvispora* /**Кулранг чириш** – *Botrytis cinerea*. Касалликнинг асосий белгилари мева гул томонида қизгиш рангизланиш пайдо бўлганида кўринади. Зааррланган мевалар совуқонада сақлаш вақтида чириб кетади.

3. **Ўзак чириши.** Бу касалликни могорлаган ўзакдан фарқи чиришни мева этига тарқалишидир. Гала ва Ред делишез навлари совуқонада сақланган вақтда касаллик ривожланиши мумкин.

Кураш чоралари. Касаллик кўпайишининг олдини олиш учун боғлар касалланган ёки зааррланган шоҳларни кесиб ва боғларни тўкилган мевалардан тозалаш орқали амалга оширилади. Бу каби чириш Ред делишез, Ред Чиф ва Скарлет спур навларида кўпроқ учрайди. Касалликка қарши гуллаш даврида таркибида боскалид+пироклоцистробин бўлган фунгицид билан ишлов бериш яхши самара беради. Бундан ташқари, баҳорда гултожибарглар тўкилиш вақтида паршага қарши сепиладиган тизимли таъсир этувчи фунгицидлар ҳам касалликни назорат қилишга ёрдам бериши мумкин.

Кулранг чириш (гул учидан чириш, қуриқ чириш) – *Botrytis cinerea*

Зарари. Кулранг чириш мева банди атрофида пайдо бўладиган ёрикларда ва терим вақтида ва ундан сўнг мева шикастланиши натижасида



Расм-195. Ўзак чириши.



Расм-196. Гала навининг мева банди томонида жойлашган ёриқларда касалликни бошланиши.



Расм-197. Ред Делишес навида мева банди томонида касаллик белгилари.



Расм-198. Фуджи навида кулранг чириш касаллигининг мева банди томонида пайдо бўлган илк белгилари.



Расм-199. Ред Делишес навида кулране чириш касаллигининг мева гули томонида пайдо бўлган илк белгилари.



Расм-200. Ред Делишес навининг гул томондан чириши натижасида кулранг чиришининг оқ замбуруғлари пайдо бўлган.



Расм-201. Атрофдаги мевадан зарарланиши натижасида пайдо бўлган кулранг чириш касаллигининг илк белгилари.



Расм-202. Кулранг чиришини тўлиқ ривожланган кўриниши.



Расм-203. Сақлаш вақтида кулранг чиришини қутиларда ривожланиши.

ҳосил бўладиган яраларда дастлаб ривожланиши бошлайди (Гала навида учрайди). Олмаларда банди ва гул томонидан чиришин кузатиш мумкин. Гул томонидан чириш гуллаш даврида пайдо бўлиши мумкин, лекин қуриқ худудларда бундай касаллик кам учрайди. Кулранг чириш мевалар

сақланадиган қутиларда атрофидаги олмаларни ҳам заарлаш хусусиятига эга. Кулранг чириш билан тўлиқ заарланган олма ҳудди димлаб пиширилган олма кўринишини олади. Намлик юқори бўлган муҳитда касаллик замбуруғи оқиш кўринишни олади.



Расм-204. Күриқ кулранг чириши.

Кураш чоралари. Касалликка қарши теримдан камида 1–2 ой аввал таркибида тиофанат метил бўлган фунгицидлар билан 2–3 марта ишлов бериш яхши самара беради.

Нордон чириши – *Glomerella cingulata* ва *Colletotrichum gloeosporioides*

Зарари. Нордон чириш олма мевасининг ёзда пайдо бўладиган энг асосий касалликларидан бири ҳисобланади. Касаллик ривожланиши учун кулай шароит бўлган вақтда мевалар бир неча ҳафта ичидаги чириб кетиши мумкин. Олма навларининг кўпчилиги бу касаллик билан заарланиши мумкин. Гуллашдан сўнг касаллик замбуруғлари меваларни заарлаши мумкин ва бу зарар ёзнинг охирларида яққол намоён бўлади. Мевада чириш V-симон кўриниш олади. Касаллик гуллашдан

сўнг меваларни заарлай олсада, лекин касалликни асосий заарлараш даври ёзнинг охирларига тўғри келади.

Кураш чоралари. Касалликка қарши теримдан камида 1–2 ой аввал таркибида тиофанат метил бўлган фунгицидлар билан 2–3 марта ишлов бериш яхши самара беради.

Кўз чириши – *Penicillium malicorticis* ёки *Cryptosporiopsis curvispora*

Зарари. Кўз чириши терим вақтида ёғингарчилик кўп бўлган йилларда зарар келтириши мумкин. Гултожибарглар тўқилгандан сўнг пайдо бўлиши ва совуқхоналарда ривожланишини давом эттириш хусусиятига эга. Ушбу касаллик мевадаги жуда кичик тешикчалар орқали заарлаши мумкин. Кўз чириши бир мевадан иккинчисига юқмайди. Барча олма



Расм-205. Нордон чириши.



Расм-206. Күз чириш.

навлари бу касалликка чалиниши мүмкін. Күз чириши күпроқ Ред Делишес ва Голден Делишес навларыда учрайди.

Кураш чоралари. Меваларни теримдан сұнг қисқа вақт ичіда совутиш ва совуқхонада меваларни 0,5–1°C ҳароратда сақлаш бу касаллик ривожланишининг олдини олади. Касалликка қарши теримдан камида 1–2 ой аввал таркибіда тиофанат метил бүлған фунгицидлар билан 2–3 марта ишлов бериш яхши самара беради.

Олма мевасида теримдан кейинги чириш касаллікларини камайтириш йүлләри:

1. Меваларни касалліктарга чидамлилигини ошириш учун кальций сепиши.

2. Касаллікни ташиш хусусиятига эга бүлған ҳашаротларни назорат қилиш.

3. Кимёвий дориларни дарахтта бир хилда тегиши ва ҳаво айланишини яхшилаш учун түғри кесиш.

4. Меваларни шикастлантирмай әхтиёткорлик билан териш.

5. Меваларни түлік етилганда териш.

6. Ерга түкилған меваларни совуқхонада сақлаш учун олма қутыларига құйымаслик.

7. Имконият борича мева сақланадиган қутыларга тупроқ ёки ўсимликлар қолдикларини тушишининг олдини олиш. -

8. Теримдан кейин меваларни совуқхонада сақлаш.



X. Олма дараҳтларини ўстириш

1. Дараҳтларнинг совуқдан заарланиши	110
2. Олма дараҳтларининг танадан илдиз отиши	112
3. Қуёш нурларини қайтарувчи мато	112
4. Мулчалаш	112
5. Илдизларни қирқиш	113
7. Ёш дараҳтлар шохларини бойлаш	116

1. Дараҳтларнинг совуқдан заарланиши

Олма дараҳтлари қишида ёки баҳорда бўладиган совуқлардан заарланиши эҳтимоли бор. Айниқса, пакана пайвандтаглар ярим пакана пайвандтаглардан кўра совуқларга бир оз чидамсиз ҳисобланади.

Бу заарлар дараҳтнинг турли қисмларида намоён бўлиши мумкин.

Интенсив олма боғларида қишида дараҳтнинг пастки танасини жануби-ғарбий (қуёш ботар) тарафидан совуқларда заарланиши ҳоллари кўп учрайди. Тушдан кейин қуёш нурлари дараҳт та-



Расм-207. Дараҳтлар таналарининг совуқдан заарланиши.



Расм-208. Совук ва қуёш зарарининг олдини олиш учун дарахтларни кеч кузда сувга асосланган бўёқни (сувли эмульсия), 8 қисм бўёқ ва 2 қисм сув нисбатида аралаштириб, дарахт танасини бўяш керак.



Расм-209. Айрим дарахтларнинг мевалари ва шохларида куйидаги зарарлар кузатилди.



Расм-210. Бундан ташқари, совук уруш зарарини баргларда ҳам кузатиш мумкин эди. Барглар деформацияга учраб кичик бўлиб қолди.



Расм-211. Ўсувчи куртакни совук уриши натижасида ҳеч қандай новда ўスマған.

насини қуёш ботар тарафини қиздиради ва қуёш ботгандан кейинги совук ҳужайралар ёрилишига ва тана пўстининг қаттиқ зарарланишига олиб келади.

2015 йил 30–31 мартада ёқкан қордан кейин Тошкент вилояти ва Фарғона водийсида ҳаво

ҳарорати минус 10 даражагача тушиб кетди ва ҳосилдорликка катта салбий таъсир кўрсатди. Самарқанд вилоятида эса ҳарорат бир оз юқори бўлгандилиги сабабли олмаларда совук уруш зара-ри кам бўлди.



Расм-212. Дарахтларнинг пайванд қилинган жойлари чукур экилган. Уланган жойиниң тепасидан кучли илдизлар ўсиб чиқкан. Пайвандуст илдиз отиб ўсганда дарахтлар ёввойи дарахтлар каби жуда кучли ўсади ва ҳосили кескин камаяди. Шундай ҳолат бўлганда илдизларни очиб кесиш керак.

2. Олма дарахтларининг танадан илдиз отиши

Кўпчилик олма танасидан илдиз ўсиши ҳақида хабардор эмаслар. Пайвандуст ва пайвандтаг (илдиз) тулашган жой ерга кўмиб ташланганда илдиз чиқаради. Бу дегани, ўсишни назорат қилиши керак бўлган пакана (M9, M26) ва ярим пакана (M106) пайвандтаг тепасидан кўшимча ўсишни тезлатиб юборадиган кераксиз илдизлар ўсишини билдиради. Натижада, пайвандтаглар ўсишни сустлаштириш хусусиятини йўқотади. Ушбу пайвандтагларга уланган олма навлари танадан илдиз чиқаришга мойилдир.

Агар танадан илдиз ўсиб чиқса, олма дарахтининг ўсиш кучи уруғли пайвандтаг сингари бўлиб қолади. Ўзбекистон интенсив боғларида ҳаддан зиёд узун ва кучли ён шохлар ўсаётган дарахтларни учратиш мумкин. Ушбу дарахтларни таги ковланганда уланган жойининг тепасида ҳосил бўлган кучли илдизларни топиш мумкин. Тупроқни олиб, томирларни кесиш орқали муаммони камайтириш мумкин, лекин тупроқ олинган жойда сув тўпланиши натижасида дарахтни қуришига олиб келадиган касалликлар (тана чириши) пайдо бўлади. Шу сабабли, дарахтларни ер сатҳидан 30–40 см баландликда кўтарилиган пушталарга экиш тавсия этилади.

Кўчатларни сотиб олаётганда уланган жойининг ер сатҳидан 15–20 см баландликда эканлигига эътибор қаратинг. Кўчатлар экилаётганда уланган жой камида 10–15 см баландликда (M26 пайвандтагига уланган кўчатларни 5 см) қолиши керак.

Кўчатлар кўчатзордан келиши билан экинг. Илдизлар сифишини ҳисобга олиб, чукурларни кенгроқ ковланг. Агар илдиз синмаган ёки шикастланмаган бўлса уларни кесманг. Экишда илдиз ва тупроқ ўзаро бирикиши ҳамда илдиз атрофидаги ҳаво чиқиб кетиши учун сув қўйинг. Илдизларни тўлиқ қоплайдиган даражада сув қўйинг.

3. Қуёш нурларини қайтарувчи мато

Қатор ораларига нурларни қайтарувчи мато кўйилганда, мевалар ранги яхши бўлади, шу сабаб-



Расм-213. Нурларни қайтарувчи мато мева-лар рангланишини яхшилайди.

ли ёзги кесишни амалга оширмаса ҳам бўлади. Ёзги кесиш амалга оширилмагандан меваларни қуёш нурлари куйдирмайди.

4. Мулчалаш

Суфориш чекланган туманларда баҳорда ўтқазилган дарахтлар танаси атрофига 70–80 см кенгликда компост ёки 10–15 см қалинликда қурик ҳашақдан ёки сомондан мулча ёпилади. Бу тупроқ намини сақлайди, кўчатларнинг тутиши учун қулай шароит яратади, тупроқ эррозиясини камайтириб, тупроқ аэрациясини яхшилайди ва бегона ўтларнинг ўсишини олдини олади ҳамда чиригандан кейин тупроқни органик моддаларга бойитади.

Мулча тупроқни қуриб қолишидан сақлайди ва натижада сув ерга чукурроқ сингади. Мулча тагидаги ҳарорат шудгор қилинган ерга қараганда ёзда салқинроқ, қишида эса иссиқроқ бўлади, бундан ташқари, мулча тагида тупроқ микроорганизмлари ва тупроқни ғовак қилиб қўядиган чувалчанглар тезроқ кўпаяди. Мулча бегона ўтларни ўстирмайди,



Расм-214. Бегона ўтларни гербицид ёрдамида ўлдириб, улардан мулча сифатида фойдаланиш мумкин.



Расм-215. Мулчалаш учун сомон ёки турли матолардан фойдалананиш ҳам мумкин.

чириб кетиб, тупроқни органик моддаларга бойитади. Мулча тағидаги бүгланиш камроқ бўлганлиги учун заарли тузлар ер устки қаватларига чиқмайди. Шунинг учун шўрланган ерларда боғ барпо қилишда мулчанинг аҳамияти каттадир. Мулчаланган боғлар камроқ суфорилади. Шағал тошли ерларни ва Тошкент вилоятидаги боғларни вегетация даврида суфориш сонини мулчаланган жойларда сезиларли камайтириш имконияти мавжуд. Мулчалаш қимматга тушадиган сермеҳнат иш. Уни биринчи галда ёш боғларда, кўчатзорларда ва лалми боғларда қўллаш тавсия этилади.

5. Илдизларни қирқиши

Илдизлар кесувчи мосламада 50 от кучига эга тракторлар ёрдамида илдиз қирқишини амалга ошириш мумкин.

Натижада қатор томон ўсиши мумкин бўлган илдизлар ҳажми камаяди. Илдизлардан келадиган сув, минерал ва гормонлар оқими камайиши натижасида дараҳтда ўсиш сустлашади.

Илдиз қирқишининг фойдалари тўғрисида, айниқса, ёзи иссиқ ва вегетация даври узун давлатларда фикрлар турличадир.

Илдиз қирқишининг энг яхши вақти. Илдиз қирқишининг энг яхши вақти тўлиқ гуллашдан бошлаб яна 2 ҳафта мобайнида. Илдизларни солкашликка чалинган боғларда мева кам бўладиган йили

солкашлик зарарини камайтириш учун қирқиши яхши натижада беради. Айниқса, 2015 йил баҳорда бўлган совук уришдан кейин илдиз қирқиши олма дараҳтларини кучли кетишининг олдини олади.


Гуллаш яхши бўлиб, аммо ўсиш тезлиги юқори бўлса май ойининг охири ва июнь ойининг бошида, меваларда ҳужайралар бўлниши тугагандан сўнг, амалга ошириш мумкин. Агар ҳосилдорлик яхши бўлган бўлса илдизларни қирқиши мевалар йирик бўлишига салбий таъсир ўтказишини ҳисобга олиб амалга оширилмайди.

Илдиз қирқилендан сўнг қуйидаги муаммолар келиб чиқиши мумкин:

- Илдизи қирқилендан дараҳтлар тез стрессга тушиши сабабли ўз вақтида етарлича суфорилиши зарур. Илдиз қирқилендан кейин иссиқ ҳарорат дараҳтларга катта зарап етказиши мумкин.
- Агар иссиқ куруқ ҳавода кўп илдизлар қирқилса, дараҳтлар куриб қолиши ҳам мумкин. Агар етарлича илдиз қирқилмаса, ҳаддан зиёд илдиз ривожланади ва натижада новдалар тез ўсиши мумкин.
- Агар 30 см чукурлиқда илдиз қирқиши вақтида тракторни бир томонга тортса, қирқиши чукурлигини камайтириш мумкин.
- Агар биринчи қирқишида режа қилинган иш амалга ошмаса, трактор иккинчи марта ўтиши керак.
- Катта илдизларни мослама қирқа олмаган вақтда улар узилиб чиқиши мумкин.



Расм-216. Илдиз қирқиша фойдаланиладиган мослама.



Расм-217. Илдиз кесиш усули.

11-жадвал. Илдиз кесишнинг олма дараҳтлари ўсиши ва мевасига кўрсатадиган таъсири.

Таъсири доираси	Ошган	Камайган	Ўзгартмаган
Дараҳт танаси ўсиши		X	
Новда узунлиги		X	
Новдалар сони		X	
Гулкуртак/новда нисбати	X		
Новдадаги барг ҳажми		X	
Гулкуртак сифати	X		
Кесиш вақти		X	
Дараҳт ички кисмига ёргулик тушиши	X		
Икки йилда бир ҳосил берниши		X	
Мева тугиши			X
Умумий ҳосил микдори (мевалар сони)			X
Мева ҳажми		X	
Ҳосилдан аввалги мева тўклилиши		X	
Мева ранги ва сифати	X		
Дараҳт ҳосил берниши самарадорлиги	X		

- Танага яқин жойдан қирқишига ҳаракат қилинганда илдизлар яхши қирқилмай қолиши мумкин.

- Илдиз қирқиши самарали бажариш учун боғдаги дараҳтлар бир хилда ўсаётган бўлиши мақсадга мувофиқдир.



Расм-218. Симбагаз тизимининг мустаҳкамлигини таъминловчи темир ва бетон устунлар.



Расм-219. Симларни таранг тортиш учун құлланиладиган тортувчи мослама.

- Илдиз қирқиленген жойдан түрли касалліктер көлиш хавғи бор.

Илдиз қирқишида фойдаланиладиган мослама 80 см чуқурлиқта қирқа олиши ва тупроқда расмда күрсатылғандай қиялигини 40–90 даражага ўзгартыра оладиган бўлиши керак. Дараҳт танасига яқин бориш ҳамда чуқурликни ўзгартыриш орқали дараҳт ўсишини қай даражада сустлатишни белгилаш мумкин.

Тупроқ тури ва илдизларнинг жойлашган чуқурлигига мувоғиқ, илдизлар дараҳтдан 50–60 см узоқлиқда ва 30–80 см чуқурлиқта қирқилиши мумкин. Унумдор тупроқ қисми саёз бўлган тупроқларда илдиз қирқиши яхши натижада беради ва, аксинча, унумдор тупроғи чуқур бўлган тупроқларда эса камроқ.

Европанинг құллаболма етиштирувчи боғбонлари ўсишни бошқариш учун илдиз қирқишидан боғ ташкил этилгандан то бузулгунича фойдаланадилар.

Илдиз қирқиши интенсив олма боғларидан кучли ўсишни назорат қилина олмагандан ва ҳосилни оширишда құлланилиши мумкин. Лекин ўзимизга савол беруб қўрайлик, нега ўсишни назорат қила олмаяпмиз?

Илдиз кесиш керак бўлмайди, агар:

- олма дараҳтлари ёзда кесилса;
- марказий лидер ҳамда пастки ярус шоҳлар тўғри шакллантирилса;
- дараҳтлар иккинчи йилдан ҳосилга кирса;
- томчилаб суғориш тизимидан фойдаланилса;
- ўсимликлар ўсишини бошқарувчи воситалардан фойдаланилса: Этефон, Регалис ва Про-



Расм-220. Бутун симбагаз тизимини маҳкам ушлаб туриш учун қатор бошида ерга темир ўрнатилади ва унинг атрофи бетонланади. Чапдаги расмда кам бетонланган қаторда симларнинг таранлиги ўйқотилган. Бундай бетонларни ўнгдаги сингари кенг ва мустаҳкам қўйиш тизимни узоқ муддат хизмат қилишини кафолатлайди.



малин (гибберелинлар) ҳамда гиббереллин кислотаси.

Интенсив олма боғларида симбағаз тизими.

Интенсив пакана боғларни симбағаз тизимисиз тасаввур қилиб бўлмайди. Қўйидаги расмларда тизимни ўрнатишда фойдаланиладиган 5 метр узунликдаги бетон устунлар ва уларни тортиб турувчи диаметри камида 2,5 мм бўлган руҳланган симларни кўриш мумкин. Симларни руҳланиш даражасини юқори бўлиши тавсия этилади.

7. Ёш дараҳтлар шоҳларини бойлаш

Тўғри бурчак остида ўсаётган шоҳларда гулкуртаклар яхши ривожланади, қуёш нурлари яхши кириб боради, дараҳтга структуравий куч беради ва ёш кўчатларда ўсишни тўғри жойга сарфланишига сабаб бўлади.

Топ бурчакка эга шоҳлар кучсиз бўлади, мева оғирлигидан ёки шамолда синиб кетади. Шоҳларни йилнинг қайси даврида эгиш ва эгишнинг кучи ўсиш ва ҳосилга таъсир ўтказади. Мева туридан қатъи назар, новда ва шоҳлар горизонтал ҳолатга яқинлаштирилар экан, апикал устунлик камаяди, учки ўсиш сустлашиб, ён шоҳларнинг пайдо бўлиши кўпаяди. Арка ҳолида, новда уни горизонталдан пастда бўлади, эгиш шоҳларни юк кўтариш кучини оширмайди, балки энг юқори жойдан тик новдалар ўсишига олиб келади.

Апикал устунлик дараҳт ўсишни икки гормон – **цитокинин ва ауксин** орқали бошқаради. Цитокинин – томирларда пайдо бўлиб, дараҳт тепасига ҳаракатланиб, новдалар учидаги жойлашган куртакларни ўғотиб, ўсишга мажбурлайди. Натижада ўсишни бошлаган учки куртаклардан ауксин гормони пайдо бўлади ва пастга ҳаракатланиб, пастдаги ён куртакларни ўсишдан тўхтатади. Апикал устунлик тик шоҳларда энг кучли бўлади.

Апикал устунлик кучи учки куртаклардан узоқлашган сари камаяди ва натижада ён новдалар пайдо бўлиши мумкин. Мева турларига ва навларига қараб апикал устунлик турли кучда бўлиши мумкин. Новдалар тик ҳолатдан эгилган сари ауксин ва цитокинин новда учларида кўп тўплана олмайди ва натижада эгилган шоҳда ён шоҳлар пайдо бўла бошлайди.

Новдалар учлари горизонтал ҳолатдан пастга эгилганда апикал устунлик йўқотилади. Натижада ауксин пастга қараган куртакларда тўпланади

(шу сабабли пастга қараб новда ўсмайди), цитокинин эса энг юқорида жойлашган куртакларда тўпланади. Апикал устунлик таъсиридан холи тепадаги куртаклар шоҳда ёки новдаларда янги тик новдалар ўсишига ва апикал устунликни қайтадан тиклашга ҳаракат қиласди.

Шундай экан, новда ва шоҳлар учини горизонтал ҳолатдан пастга эгиш қисқа вақтда ҳосил олишга ва умумий ҳосилдорликка салбий таъсир этади.

Шоҳларни эгиш бурчаги. Олма дараҳтларида шоҳларни сунъий ётқизиш таъсирида ўсишнинг камайиши ва кўпроқ гулкуртаклар ажралиши фақат сунъий ётқизиш кўлланилган ёки шоҳлар йўналиши ўзгартирилган мавсумдагина рўй беради. Кейинги йилларда ҳосил солиш ҳам сунъий ётқизишга ўхаш таъсир кучига эга, аммо сунъий ётқизишдаги каби ишончли эмас, шунингдек, бу таъсир кучи амалга киргунча шоҳлар бир неча йиллик ривожланиши натижасида тик йўналишда қотиб қолган бўлади.


Сунъий ётқизиш таъсирида новда ўсишининг сустлашуви илдиз ривожланишидаги сустлашувга ҳам сабаб бўлади.

Шоҳни сунъий ётқизиш чиқадиган ён шоҳларнинг фақат сонигагина таъсир қилиб қолмасдан, шунингдек, уларнинг чиқиш нуқталарини ҳам белгилаб беради. Ортича кўп эгиб юборилганда жуда кучли ва тик ўсувлан новдалар чиқади. Аксарият ҳолларда бундай ён шоҳлар қишки уйқу даврида кесиб ташланиши талаб этилади.

Баъзи боғбонлар шоҳларни қуириқдаги бошқа шоҳларга ёки ерга қадалган қозиқларга арқон билан боғлаб эгишни афзал кўради. Шоҳларни 45–60 дараҷа бурчак остида тарбиялаш юқори ҳосилдорликка эришишга сабаб бўлади ва ён шоҳни лидер билан рақобат қилишига тўқсинглик қиласди. Бундай бурчакда шоҳ учидаги куртак ўз апикал устунлик кучини сақлаб қолади ва ён шоҳларнинг ривожланишига тўқсинглик қиласди.

Новда ёки шоҳ эгилганда учки куртак доим энг юқорида туриши керак. Нотўғри эгиш сабабли кучли ўсувлари тик новдаларнинг пайдо бўлиши ёзда кесиши ишларини кўпайтиради. Кесилган жойдан ухлаётган куртаклардан янги новдалар пайдо бўлади. Бу новдалар мевага сарфланиши керак бўладиган кальцийни олиб, мевалар сақланишини ёмонлашириади.

Қачон эгиш керак? Ҳар қандай олма тарбиялаш тизимида асосий кўзланган мақсад — бу дараҳтлар учун ажратилган жойни тезроқ мевали шоҳлар би-



Расм-221. Шоҳларни ётқизишда турли бурчакларнинг ён шоҳлар сони, жойлашуви ва ўсиш кучига таъсир.



Расм-222. Ред Чиф навли олма дарахтининг ён шохларини кўп эгиш натижасида кучли ўсувчи тик новдалар ўсиб чиқкан.

лан қоплашдир. Бу биринчи ва иккинчи йилларда ўсишни жадаллаштириш керак дегани. Ажратилган жойни новдалар қоплашидан олдин эгиш тӯла ҳосилдорликка киришни кечиқтиради. Эгиш учун энг қулай вақт — бу ўсиш суслашаётган, лекин озуқа моддалар яхши ҳаракатланаётган даврdir. Қишида эгиш ёз ёки гуллашдан кейинги вақтга нисбатан қийин бўлади.

Агар шох катталиги сабабли эгиш қийин бўладиган бўлса, тагидан арралаб, сўнг осонлик билан эгishingiz мумкин. Эгилаётган новда ёки шохлар «3 дан 1» қоидага мос келиши керак. Лидер ён шохлари тўғри эгилиб тарбияланганда дарахт сокин ўсади. Лидер шох ўсишига тўсқинлик бўлмаслиги учун бир-бирининг қарама-қарши томонидан ўсан шохларни қолдирманг, камида биттасини кесинг.

Ўсиш тўхтагандан сўнг шохларни ётқизиш ва дарахт танасидан қочириш шу йилги вегетатив ўсиш жараёнига деярли таъсир кўрсатмайди. Қишки уйқу даврида ҳали ўсиш бошланмай туриб шохларни ҳаддан зиёд эгиг ётқизиш натижасида кучсиз учки шох ва кўп сўрувчи новдалар ривожланиши мумкин.

Шохларни йўналтириш турли навларда турлича таъсирга эга. Гулкуртакли шохчаларга бой Ред Делишес навида асосий ярус шохлар тик ўқдан 60 даражадан кўпроқ бурчакда ётқизилганда кўплаб сўрувчи новдалар ривожланиш хусусияти бор. Шох чиқариши яхши бўлган Голден Делишес каби навларда эса бу ҳолат кузатилмайди.



XI. Олма ҳосилини парвариш қилиш

1. Чангланиш	118
2. Ҳосилни сийраклатиш (тоқалаш) ва мева ривожи	120
3. Солкашлик	122
4. Мева теримини аниқлаш	122
5. Олма мевасида теримдан олдин ва кейин юз бериши мумкин бўлган ўзгаришлар.	125
6. Меванинг қўёшда куёши	127

1. Чангланиш

Мева уруғи унинг сифатига бевосита таъсир ўтказади. Уруғлар гормон ишлаб чиқариб, гуллашдан кейин мевалар тўкилишини олдини олади. Шундай қилиб, яхши чангланиб, кўп уруғга эга мевалар ўсиб, ривожланишда давом этади.

Уруғлар мева таркибида кальций тўпланишига ёрдам беради. Кальций мева ҳужайралари деворларини мустаҳкамлаб, теримдан кейин узоқ ва сифатли сақланишига ёрдам беради.

Чангланиш ва мева туғиши. Баҳорда мева гулларининг чангланиби уруғланишида чанглатувчи – асаларининг ўрни жуда муҳимдир. Бир асалари ўзининг қисқа ҳаёти давомида 337,000 марта гулга кўнади. Оғир ва ёпишқоқ мева чантини шамол эмас, асалари ташибди. Бир чиқища асалари 50–100 га яқин гулга кўнади. Асаларилар 2–3 километргача учишлари мумкин, аммо боғда энг унумли учиш узоқлиги 150 метрдир.

Боғда ишләётган асаларилар сонини билиш учун ҳарорат 18°C дан юқори бўлганда бир дақиқада бир дараҳтда ишләётган арилар сонини ҳисобланг. Бу ишни камидан 10 та дараҳтда амалга оширинг. Бир дараҳтда бир дақиқада 10–15 та ари ишләётган бўлса чанглатиш учун етарли деб ҳисобланади.

Асалари инида жуда кўп ари бўлиши талаб этилади. Янгидан ташкил этилган асалари оиласлари самарали чанглата олмаслиги мумкин.

Ҳарорат ва ари уялари. Ҳарорат 10–17°C бўлганда фақат кучли асалари оиласларигина чангланишига ёрдам беради. Ҳарорат 15°C дан паст бўлганда арилар кам учади ва ҳарорат 18°C дан ошганда жуда фаол учади.

Асалари уяларини ҳеч қаҷон дараҳт тагига, сояга кўйманг. Уяларни қуёш нурлари тушадиган жойга жойлаштиринг. Қуёш нурлари яхши тушадиган жойда асалари оиласи 50% кўп учади. Уяларнинг чиқиш жойи шарқ, ғарб ва шимолга қараб тақсимланиб жойлаштириш тавсия этилади. Шунда, турли об-ҳаво шароитларида арилар учун нокулайликлар камаяди.

Боғнинг чуқурроқ жойига уяларни жойлаштирунг. Уялар тагига тахта кўйиб, ердан кўтариш заҳдан уяларни узоқлаштиради. Уяларни боғнинг ўртасига жойлаштиринг. Арилар уядан чиқиб, турли томонларга учади. Агар уялар боғ четларига қўйилса, арилар кўшни боғларга ўтиб кетиши мумкин.


Ари уяларини боғга олиб келиш вақти. Биринчи гуллар очилиш даврида уяларни боғга олиб келинг. Биринчи гуллар энг сифатли меваларни ҳосил қилишини ҳисобга олиб, бу иш амалга оширилади. Агар гуллар очилишидан аввал олиб келсангиз, арилар бошқа бегона гулларга ўрганиб қолиши мумкин. Асаларилар сув ичади, шу сабабли уларга сув етарли бўлиши керак, акс ҳолда улар мева гулларига кўниш ўрнига сув ахтариб кетади.

Чанглатувчи навлар (дараҳтлар). Мевали боғларни ташкил этишда чанглатувчи навларни экиш жуда муҳим. Чанглатувчи навлар асосий навлар билан бир вақтда гуллаши шарт. Чанглатувчи нав етарли ва ҳарорат қулай бўлганда олма гуллари жуда осон чангланади. Олма дараҳтида 5–10% гул чангланса етарли ҳосил олиш мумкин.

Об-ҳаво қулай вақтда бир гектарга 3 та уя етарли бўлади, аммо совук, шамолли ва ёғингарчилик бўладиган кунларда камлик қилиши мумкин. Шу сабабли 4–5 та асалари уясини бир гектарга жойлаштириш тавсия этилади. Интенсив боғларнинг гектарига 5 та уя олиб кириш керак. Дараҳтлар зичлиги ортган сари уялар сони ҳам кўпайтирилиши зарур.

Чангланиш даврини қанчалик узоқ муддат давом этиши кўп омилларга боғлиқ. Салқин ҳавода кам сонли ари учади, лекин чангланиш даври узоқроқ бўлади ва гуллар бир вақтда очилмайди. Иссиқ ҳавода эса гуллар тез очилади ва гулчанг қисқа вақтда яроқсиз бўлиб қолади. Ҳар икки салқин ёки иссиқ ҳавода чанглатиш учун кўп асалари талаб қилинади.

Мева гуллари очилаётган даврда гуллаши мумкин бўлган бегона ўтларни назорат қилиш зарур. Бу



Расм-223. Олма мевалари ҳосил бўлишида чангланиш жуда муҳим ҳисобланади.



Расм-224. Ширдона (ренетки) навлари асосий олма навларига чанглатувчи сифатида кене фойдаланилади.

вақтда боғда инсектицид ва гербицидлардан фойдаланиш умуман мүмкін эмас.

Мева тугилиши. Дараҳт тұла күч билан ҳосил беріши учун олма гулларининг 5–10 фоизи мева тугиши шарт. Бу күрсаткыч шафтолидә 10–15% ва гилосда 25–30% ни ташкил этади. Аксарият олма навлари ўзини-ўзи чанглата олмайды.

На ўзини чанглата оладиган ва на бошқа олма навлари учун чанглатувчи вазифасини үтай олмайдын гулдар триплоид дейилади. Жонағолд, Мутсу ва Вайнсәп олма навлари бунга мисол бўла олади.

Чанг қандай қилиб ташилади? Мевали дараҳтларнинг гул чанглары оғир ва ёпишқоқ бўлади, шу сабабли ташилиши учун асаларилар керак бўлади.

Чанглатувчиларни жойлаштириш. Чанг манбани таъминлаш учун вақтнчалик чора сифатида чанглатувчи дараҳтнинг гуллаган шохларини кесиб олиб, сувли бочкаларга солиб, чангланиши лозим бўлган дараҳтлар олдига кўйиш мүмкін. Чанг ишлаб чиқариш даври узоқроқ чўзилиши учун шохлар бош гуллар (марказий гул) очилишни бошлаган вақтда кесиб олиниши зарур. Пакана пайвандтагли яқин жойлашган дараҳтларда ҳар иккинчи ёки учинчи қаторларда 6 та дараҳт учун битта чанглатувчи нав экиш тавсия қилинади. Умуман олганда, чанглатувчи дараҳтлар асосий нав дараҳтлар билан орасида 15 метрдан ортиқ масофа бўлмаслигини таъминлаган ҳолда экилиши мақсадга мувофиқ.

Асаларилар бир хил рангли гулларга кўниш одатига эга. Шунинг учун қизил гулбаргли чанглатувчи олма навларидан кўра оқ гулбаргли навлар яхшироқ натижада беради.

Олма гуллари асалариларни ўзига торта олсада, нок ва олхўри гуллари асалариларни кўп ҳам ўзларига

жалб эта олмайди. Агар боғ майдони асалариларни ўзига тортиши мумкин бўлган гулли ўт-ўланларга бой бўлса, дараҳт гуллари асаларилар эътиборидан четда қолиб кетиши мумкин. Шунинг учун боғ худудидаги бегона ўт-ўланлар ўрилиши ёки гербицидлар ёрдамида қуритилиши керак бўлади.

Бир гектар боғ майдони учун ўртачага 5 та асалари уяси керак бўлади. Уялар 4 ёки 6 тадан қилиб, ҳар 135 метр масофада жойлаштирилади. Катта боғларда эса уяларни 8–16 тадан қилиб, ҳар 180–270 метр масофада жойлаштириш ҳам мумкин.

Асалари уясининг кириш оғзи қуёшга қаратиб кўйилиши ҳамда ўт-ўлан ва майсалардан холи бўлиши керак.

Қаторлари зич боғларда асалари уяларини жойлаштиришда асалариларнинг бир қатордан иккинчисига кесиб ўтмайдиган одатларини ҳисобга олиш зарур. Уяларни қаторлар боши ва охирида жойлаштириш уларни қаторлар ичига жойлаштиришдан кўра самаралироқ натижада беради.

Чанг тўлдирилган идишлар асалари уяси киришига ўрнатилиши лозим. Асаларилар ўз уяларини тарқ этаётганда чанг устидан юриб ўтиш орқали оёқларига чанг зарраларини илаштириб олади.

Чангловчи навларни танлаш ва жойлаштириш. Катта майдонларга бир хил навлар экиш, уларни парвариши қилиш (зараракунанда ва касалликларга қарши курашиш, ҳосилни йиғиш, териш ҳамда сақлаш ва бошқалар)ни осонлаштиради, лекин ҳосил камаяди. Бунинг сабаби шуки, мева дараҳтларининг кўпчилик навлари ўз-ўзидан чангланмайди, балки четдан чангланади. Ўз-ўзидан чангланадиган навлар ҳам четдан чангланганда кўп ва сифатли ҳосил беради, уларнинг тўла чангланиши учун ҳар 10–12 қатордан кейин 1–2



қатор чангловчи нав ўтқазилади. Ўзбекистонда ташкил этилган ва янги ташкил этилаётган олма боғларида ҳар 4 қатор асосий навдан кейин 1 қатор чангловчи нав экилган. Айрим боғларда ҳар 5–6 қатордан сўнг 1 қатор чангловчи нав экилган.

Ҳозирги замонавий интенсив олма боғларида ажратилган ерга асосий навни тўлиқ экиш учун, чанглатувчи навлар орасига экилганда юзага келадиган ноқулайликларни олдини олиш ва ердан янада унумли фойдаланиш учун ширдони (манзарали олма навлари, ренетки) деб номланган кам жой эгаллаб, жуда кўп ва узоқ муддат гуллаб турадиган чанглатувчи олма навларидан фойдаланилмоқда. Бу навлар бир ёшли новдасида гуллайди ва чангланиш ўтгандан сўнг мевалари тўкиб ташланса келаси йилда яна мўл гулкортаклар ҳосил бўлади. Уларни қаторлар бошига ёки симбағаз устунлари ёнига экиб, боғлаб қўйиш мумкин. Асосий олма навидан келиб чиқиб, ширдони (ранетки)ларнинг турлари ва 2 хил навга эҳтиёж бор ёки йўқлиги аниқланади.

Ушбу олма навлари чанглатувчи сифатида фойдаланилганда 2 хил нави ҳар эҳтимолга қарши (яъни, биринчи нав гулламай қолганда ёки қатор сабабларга кўра, гуллаши камайганда) ўтқазилади. Юқоридаги расмларда 2 хил чанглатувчи нави ҳам экилгани меваларнинг рангидан кўриниб туриди.

2. Ҳосилни сийраклостиш (тоқалаш) ва мева ривожи

Фотосинтез етарлича озуқалар етказиб бера олмаслиги натижасида дараҳтдаги ғўралар (ҳали пишмаган мевалар) тўкила бошлайди. Мева ривожи мунтазам озуқалар таъминотига боғлиқ. Тугиладиган мевалар сонини камайтириш гуллаш давридан кейинги даст-

лабки ҳафталарда бир неча кун давомида дараҳт юқори қисмига қўёш нурларини туширмаслик орқали амалга оширилиши мумкин.


Мева ривожи икки омилга боғлиқ: унинг таркибидағи ҳужайралар сони ва шу ҳужайраларнинг ҳажмига. Ҳужайралар йириклишини бошламасдан туриб, уларнинг бўлиниш жараёни тугалланади. Олма ғўраларидағи ҳужайралар бўлиниши мева тугилгандан сўнг дастлабки 35–45 кун давомида унинг таркибида амалга ошадиган энг асосий жараён. Мисол учун, гуллаш 20 апрелгача тугалланса, ҳужайралар бўлиниши 25 май ва 10 июнь оралигида якунига етади. Бу даврда мевалар сонини камайтириш дараҳт умумий ҳосилининг сифати ва келаси йилда ҳам юқори ҳосил олиш учун муҳим аҳамиятга эга.

Нега ҳужайралар бўлинишидан аввал сийраклатиши зарур? Бир дараҳтда жойлашган йирикроқ мевалар майда меваларга нисбатан кўпроқ ҳужайраларга эга бўлади.

Ҳосилни эртароқ сийраклатиши ҳужайралар бўлиниши ва кенгайишини авж олдиради. Бу ҳолат кўп ҳосил соладиган навларда, айниқса, яққолроқ кўзга ташланади.

Тасаввур қилинг, олма шохиди 10 та гул бор. Ушбу 10 та гулга фақат 10000 та ҳужайра бўлиниши учун етарли барг ва ундан келадиган озуқа мавжуд. Агар олмаларни сийраклатмасак, 10 та гулда ҳосил бўладиган 10 та мевага 1 000 донадан ҳужайра тўғри келади. Агар мевалар сонини 5 тага сийраклатсак, ҳар бир олмада 2000 дона ҳужайра пайдо бўлади.

Мевадаги ҳужайра сони меваларнинг йириклигига тўғридан-тўғри таъсир этади. Ҳужайралар бўлиниши тугагандан сўнг ҳужайралар сув билан тўла бошлайди. Ҳужайра мевада қанча кўп бўлса, олма мевасининг ҳажми шунча катта бўлади.





Расм-225. Мевадаги уруғ қандай қилиб кейинги йил мева куртагининг ривожланишига таъсир ўтказиши тасвирланган (чапда). Сийраклатиши учун қулай вақт (ўнгда).



Расм-226. Пастдаги сарғыш рангы мевалар түкіліб кетади. Юқоридагы яшип рангелілары ривожланишда давом этади. Худди шу вактда сиyrаклатишни бошлаш керак.



Расм-227. Сиyrаклатилмаған мевалар майда бўлиб қолган. Кейинги йилда бу шоҳда умуман мева бўлмаслиги мумкин.



Расм-228. Сиyrаклатиш вақтида тик вертикаль ўсаётган шоҳларга яқин жойлашган меваларни олиб ташлаш керак. Бундай мевалар колдирилгандан шоҳдан зарарланади ва бозорболлигини йўқотади. Шу сабабли сиyrаклатишда тик шоҳларда меваларнинг жойлашувига эътибор бериси лозим. Шоҳларни горизонтал ҳолатда ўсиши меваларнинг сиғатли бўлишига олиб келади.



Расм-229. Учинчى ишләдәк солкашликка учраган олма дараҳтлары умуман гулламаган.

3. Солкашлик

Йил оралатиб ҳосил берадиган (солкаш) уруғли мевалар ўстириладиган боғларда дараҳтлар мўл гуллаган йили боғга асалари уялари кўйилмайди. Бундан мақсад — мўл ҳосил олиш ва келгуси йил гулкуртакларининг етилишига ҳалал бермаслиқдир.

Ўсаётган ёш мевалар, тўғрироғи уларда ривожланайтган уруғлар, фақат ўз ҳалқасимон мева шохидა эмас, балки кўшни (2–5 та) шохчаларда ҳам гулкуртакларининг шаклланишига тўсқинлик қиласди. Агар мевалар барглар билан тўла таъминланган бўлса, у ҳолда юқори агротехника таъсирида дараҳтда келгуси йил ҳосили учун гулкуртаклар шаклланади. Ўсаётган ёш мевалар гулкуртаклар шаклланишига тўсқинлик қилибгина қолмай, шу билан бирга улар ўсиш жараёнларини – новдалар, барглар ва илдиз тизмининг ўсишини бўғиб кўяди. Шуни айтиб ўтиш керакки, меваларнинг эртароқ пишиши навларнинг ҳар йили ҳосил беринини таъминламайди. Узиз олинмаган мевалар дараҳтнинг гулкуртаклари ҳосил қилиш учун тайёрланишига тўсқинлик қиласди.

Мева дараҳтларда гулкуртаклар баҳорги ва ёзги ўсиш жуда секинлашгандан ёки бутунлай тўхтагандан кейингина ҳосил бўлади. Олма дараҳти бир вақтнинг ўзида мевани етишириб, ҳам новда ва кейинги йил гулкуртакларини ривожлантириши қийиндир. Шу сабабли новдаларнинг ўсишини тўхташи мева ва гулкуртаклар ривожланишига катта ёрдам беради. Гулкуртаклар ҳосил бўлиши бошланиши билан уларнинг дифференцияланиши (фарқланиши) меваларнинг кейинчалик ўсиб бораётган даврида этади.

Шу билан бирга солкаш дараҳтлар куртакларни жуда қисқа муддатларда ва деярли бир вақтда, мунтазам ҳосил берадиган мева дараҳтлари эса узок муддатларда ҳосил қиласди. Чунки бунда дараҳтларнинг меваларини шаклланиши ва гулкуртаклар ҳосил қилиши учун озиқ моддаларга бўлган талабини қондириш қийин бўлади.

4. Мева теримини аниқлаш

Олмалар қай даражада пишганлигини уларга назар солиш билан аниқлаб бўлмайди. Олманинг кўриниши

ва таъми уни етилганлигини аниқлаш учун ёрдам беради. Лекин бу кўрсаткичлар йилдан-йилга ва дараҳтнинг турли жойларида турлича бўлиши мумкин. Шу сабабли, бошқа кўрсаткичлардан ҳам фойдаланиш зарур.


Олмаларни йиғишида етилганлигини тўғри аниқлаш уларни совуқхонада сифатли сақланишининг гаровидир. Қуйидаги 9 усулдан бир нечтасидан фойдаланиб, теримни тўғри белгилаш мумкин.

1. Қаттиқлиги. Олма етилиб пишиб борар экан, унинг этининг қаттиқлиги ҳам ўзгариб боради. Қаттиқликни ўлчаш учун пенетрометрдан (учки диаметри 11,9 мм ли) фойдаланилади. Жами 20 дона олмани текшириб, хулоса қилиш мумкин.



Расм-230. Пенетрометр ва ундан қандай фойдаланиш кўрсатилган.

2. Шакар даражаси. Олмалар пишиб борар экан, мева этидаги крахмал шакарга ўзгарида. Агар олма ривожланишининг охирги босқичида бўлса, бу жараён тезлашиб кетади. Текшириш учун олманинг икки то-



Расм-231. Юқоридағы расмларда рефрактометрнің иккі, рақамлы ҳамда оптик турлари күрсатилған.

монидан озгина бұлак кесиб олинг (рангли ва рангсиз томонидан). Бұлактардан шарбатни чиқариб, рефрактометрнінг (шарбатларда шакар даражасини аниқловчы мослама) текшириш жойига солинг. Натижә бриксда (шакар даражасининг ўлчов бирлигі) фоизда белгиланади. Олинган натижалар ҳар бир олма учун үрнатылған стандарт жадвалға солиштирилади.

3. Крахмал тести. Олмалар етилар экан, улар таркибидеги крахмал секин-аста шакарға айланып боради. Шакар ва крахмалны оптималь нисбатида совуқхонада сақлаш учун олмаларни териш мүмкін. Агар кеч терилса, крахмалнинг барчаси шакарға айланади ва натижада бундай олмаларни узоқ сақлаб бўлмайди. Олмадаги хужайралар таркибидеги шакар сақлаш жараённанда парчаланади ва қумлашиб қолади. Текшириш учун дорихоналарда сотиладиган йод ёки люголь эритмаси дориларидан фойдаланиш мүмкін. Сувга йод ёки люголь эритмасидан солиниб эритма тайёрланади ва иккі бўлакка бўлинган олмалар 30 сонияга солиб қўйилади. Сўнгра натижалар қўйидаги стандарт крахмал ва шакар нисбатига солиштирила-

ди. Йод крахмал билан реакцияга киришиб, қора ранг-са айланади. Шакар эса оқ рангда қолади. Шу усулда крахмал ва шакар нисбатини текшириш мүмкін.

Теримдан 2–3 ҳафта олдин крахмал тестини ўтказишни бошланг. Натижаларни дафтарга ёзип кўйинг ва келгуси йилда терим вақтини аниқлашда йиллик маълумотлардан фойдаланинг.

4. Ҳошияси. Қизил ва пушти олмалар ҳошияси ҳам уларни етилганлигини билдиради. Ушбу олмалар ҳошияси яшилдан оқга, баъзан сарик рангга ўзгаради. Сарғайиш даражаси мевалар пишиш жараённининг бир қисмидир.

5. Қизил ёки пушти ранг. Бу кўпроқ сифатини белгилайди, пишганлигини эмас, чунки қизил ёки пушти ранг олмани бозорбоплигини белгилайди. Грэнни Смит, Голден ва Мутсу бундан мустасно. Турли шароитларда (худудларда) қизил ёки пушти ранг секин пайдо бўлса, ранг киргунича олмалар пишиб кетади.


6. Таъм-маза. Теримдан олдин бир неча олмани ширасини ва крахмали камлигини билиш учун татиб кўриш керак.

12-жадвал. Олма навларига кўра совуқхонада узоқ муддат сақлаш учун крахмал тести стандарти.

№	Олма нави	Крахмал тести даражаси
1	Айдаред	2. 5-3. 0
2	Брейбурн	2. 6-3. 0
3	Гала	2. 5-3. 0
4	Голден Делишес	2. 8-3. 5
5	Гренни Смит	2. 1-2. 5
6	Жонаголд (Жонапринс)	3. 5-5. 0
7	Пинк Леди	2. 5-3. 0
8	Пинова	2. 8-3. 5
9	Ред Делишес (Скарлет спур, Ред Чиф ва Жеромин)	1. 8-2. 5
10	Фуджи	3. 0-4. 5
11	Элстар	2. 3-2. 5

13-жадвал. Олмани энг оптималь териш муддатини аниқлаш.

Олма нави	Шакар мөндөри, %	Қаттиқлиги	Гуллашдан теримгача бўлган кун	Кислоталик даражаси теримда	Сақланиш муддати (кун)
Жонаголд	12-13,5	5,9-6,6	144	3,7-5,6	150
Айдаред	10,5-11,5	5,9-6,8	155	5,4-7,0	130
Элстар	11,5-12,5	6,3-6,6	132	5,8-7,8	135
Фуджи	13-14	6,5-7,5	178	4-4,5	180
Голден Делишес	11,5-13	6,6-7,0	140	3,8-5,7	165
Ред Делишес	11-12	6,6-7,5	145	2,3-3,8	120
Грэнни смит	10-11	6,8-7,7	170	6,3-9,5	120
Гала	11,5-12,5	7,0-7,5	115	3,4-4,4	130
Пинова	12-12,5	7,0-8,0	142	4,5-5,5	-
Брейбурн	11,5-12,5	8,6-9,5	168	6,0-6,7	150



Расм-232. Олма мевасининг қай даражада етилганлигини текшириш учун солиштирма маълумот.



7. Мева ўзагининг сувланиши ва пўстининг ёрилиши. Мева ўзагининг сувланиши уруғ атрофига, баъзан эса мева этига таъсир қилиши мумкин. Бундай сувланиш мевани етилганлигини билдиради ва совуқхонада сақлашга тўғри келмайди. Мева пўстининг ёрилиши мевалар пишиб ўтгандан сўнг пайдо бўлади.

8. Уруғ ранги. Пишмаган олма уруғининг ранги оқ, етилганининг ранги эса тўқ жигарранг бўлади.

9. Ёғлилик. Агар олмани ушлаганингизда кўлингизга ёғли модда ўтса, бу олма пишиб ўтган бўлади.

5. Олма мевасида теримдан олдин ва кейин юз бериши мумкин бўлган ўзгаришлар

Олма меваси пўстининг дағаллашуви. Бу турга олма меваси пўстлоғининг дағал тўқимали юза билан қопланиши киради. Бу юза қисман бўлиши ҳам, ёки бутун мевани қоплаган бўлиши ҳам мумкин. Пўстлоқнинг дағаллашуви косагуллар тўкилгандан кейинги 11–30 кун давомида ҳужайралар фаол бўлинаётган даврда бошланади. Меванинг ёрилиши, силлиқ пардасининг юпқалиги, мева юзасида мум йигилиши, ҳужайралар бўлиниши тартибсиз амалга ошиши дағал пўстлоқ ривожида иштирок этади. Шунингдек, бу жараёнга таъсир қилувчи ташқи омилларга тунги юқори ҳарорат ва юқори намлиқ кўрсаткичи киради.

Кўп олма навлари мевалар пўстлоқ қисм дағаллашувига таъсирчан. Пўстлоқ дағаллашуви ёш мевалар силлиқ пардаси йирилишидан ҳосил бўладиган (одатда, гуллашдан кейинги дастлабки бир ой давомида) ёриқлар табиий равишда «даволаниши» натижасида юзага келади. Табиий «даволаниш» жараёнида ёрилган тўқималардаги ҳужайра деворлари эпидермис-ости ҳужайралар томонидан ишлаб чиқариладиган модда таъсирида дағаллашади.

Пўстлоқ дағаллашуви намарчилик юқори худудларда кучлироқ ва кўпроқ юзага чиқади. Лекин нисбатан қуруқ шароитда ҳам баъзи навларда пўстлоқ дағаллашувига мойиллик бўлади, мисол учун Голден Делишиз, Фуки ва Жонағолд каби навларда.

Эпидермис қатламида катта миқдорда мумга эга олмалар оз мумли навларга, Голден Делишизга қараганда пўстлоқ дағаллашуви таъсирчан эмас. Меваларда дағал пўстлоқ ривожланишига таъсир қилувчи яна бошқа сабаблар сифатида музлаш,



Расм-234. Скалд заарарининг мевадаги кўриниши.

баъзи бир кимёвий воситалар ҳамда ун шудринг камалликларини келтириш мумкин.

Скалд (мевалар ранги куйган каби кўриниш олиб, жигарранг тусга кириши). Сақлаш даврида ривожланадиган скалдга қарши курашда дифениламин (DPA) энг яхши восита ҳисобланади. Бу восита билан мевалар совуқхонада сақлашдан аввал ишлов берилиши керак. Скалд — бу мевалар юзасида жигарранг ёки қора доғлардир.

Скалд билан заарланган мевалар сақлаш билоларида қанчалик узоқ ушлаб турилса, касаллик белгилари ҳам шунчалик кучли кўзга ташланади. Скалд мевалар пишиш жараёнига кирмасидан аввал узиб олинганда энг кучли намоён бўлади. Мевалар пишиб етилишини тезлаштирувчи этелефон каби воситалар скалд ривожланишини камайтиради. Ҳосилни териб олиш арафасидаги иссиқ кунлар скалдни кучайтириб юборади.

Мевалар табиий пишиб етилганда ҳосил йиғиб олинса ва скалд пайдо бўлишига қарши ҳеч қандай кимёвий воситалар қўлланилмаса, ҳосил дарҳол мумкин бўлган энг қуий ҳарорат остида совуқхоналарга жойлаштирилиши скалдан зарар етмаслигини таъминлайди.

Скалд билан кучли заарланадиган олма навлари. Гренни Смит, Роум Бют ва Ред Делишес.

Скалд билан кам заарланадиган олма навлари. Гала, Фуджи.

Мева ўзагида ранг ўзгариши. Бу ҳолат мева ўзагидаги тўқималарнинг сарик, пуштисимон ва жигарранг тус олиши билан ифодаланади. Жуда эрта узиб олинган мевалар ўзаги пуштисимон қизил



Расм-233. Пўстлоқ дағаллашуви.



Расм-235. Мева ўзагида ранг ўзгариши.



Расм-236. Олма мевасининг ички ва ташқи сувланиши.

рангга кирса, жуда кеч узиб олинганлари жигарранг кўриниш олади.

Ўзакрангланиш ҳолати юқори азот микдори, мева-нинг йирик ҳажми, дараҳт устида сояда қолганлиги, ҳосилдан аввал узоқ муддат доимий намгарчилик ва булатли об-ҳаво шароитида қолиши каби умумий ўсиш кўрсаткичига таъсир қилувчи табиий омиллар билан боғланади.

Сувланиш (мева ўзагида сувли бўшлиқ пайдо бўлиши). Бу ҳолат иссиқлиқ таъсирида амалга ошувчи яна бир бузилиш. Пишиб ўтиб кетганлик таъсирида юзага келувчи сувланишдан фарқли равишда иссиқлик таъсирида пайдо бўлувчи сувланиш шишиасимон ялтироқ кўринишга эга бўлади. Бундай кўринишнинг сабаби, одатда, мева юза қисмига яқин тўқималардаги ҳужайралар мембра-наси (чегара тўсик) иссиқлик таъсирида ёрилиб, сув ҳужайралар орасидаги бўшликларга тошиб, уларни тўлдиради.

Бу ҳолат, асосан, олма ва нокларда учрайди. Жуда ҳам кучайиб кетган ҳолатларни ҳисобга ол-



Расм-237. Ёрилган мевалар (теримни кечиктириш ёки етарлича суғормаслик натижасида пайдо бўлиши мумкин).



маса, мевалардаги бузилишни ташқи кўринишдан аниқлаш ҳам мумкин. Газ усулида сақлаш учун яроқсиз. Сувланиш кам бўлган меваларда сувланиш йўқолиб кетиши мумкин. Бу ҳолатнинг олдини олиш учун энг яхши иш — мевалар етилганда ўз вақтида териб олиш. Юқоридаги 236 расмларда олма мевасида сувланиш қандай бўлиши тасвирланган.

Меванинг ёрилиши. Мевалар ёрилиши кеч мавсум давомида дарахтларнинг етарлича сув олмаслиги таъсирида юзага келади. Бунинг олдини олиш учун тупроқда намликни оптимал даражада ушлаш тавсия этилади.

6. Меванинг қуёшда куйиши

Олмаларни қуёшда куйиши жуда кўп мевани чиқитга чиқишига олиб келади. Куйиш мева ривожланишининг турли даврларида бўлиши мумкин, лекин теримдан 3 ой олдин кўп куяди ва айниқса, тушдан кейин.

Мевада куйишнинг зарарини олма пўстлогининг ҳарорати 45°C даражадан ошганда кўриш мумкин, қайсики ҳаво ҳарорати 30°C дан ошганда ва қуёш радиацияси юқори бўлганда содир бўлиши мумкин.

Куйиш белгилари: сарғиш кўриниш, баъзан кулранг рангизланишиш ва мева пўстининг ёрилиши.

Куйиш мева пўстидаги яшил ва қизил рангларни камайиши натижасида пайдо бўлади ва юқоридаги

белгилар кўрина бошлайди. Ёзда эрта ёки кеч кесиш натижасида күёшнинг тўғридан-тўғри нурларининг тегиши куйишга олиб келиши мумкин. Бундай мевалар паст ҳароратда ҳам куйиши мумкин.

Терим даврида яшикларга терилган олмалар қуёш нурида 10 дақиқа қолдирилса ҳам куйиш келиб чиқиши мумкин. Қуёшда куйган мевалар касалликларга чалинувчан бўлади ва ёзги чиришда нобуд бўлади.

Олманинг қуёшда куйишини камайтириш учун нималар қилиш зарур:

- Куйишга кўп учрайдиган шохлар, одатда, ҳосил оғирлигидан эгилиб қолган бўлади. Бунинг олдини олиш учун шох кўтара оладиган ҳосил қўйиш ёки шохларнинг қалинлигини таъминлаб ва барглар сонини ошириб, меваларни куйишдан сақлаш мумкин. Барглар билан тўсилган мева қуёшда куймайди, аммо жуда кўп барг мевалар рангини ёмон бўлишига олиб келиши мумкин (қизил ёки пушти рангли меваларда). Айниқса, Грени Смит нави қуёшда куйишга мойил ҳисобланади, бундан ташқари, унинг ранги теримгача яшиллигича қолиши керак.
- Меваларни сийраклаштиришни кеч амалга оширманг, акс ҳолда олиб ташланган мева ортидаги меваларни қуёш нурлари куйдириши мумкин.
- Теримдан 3 ҳафта олдин рангли олма дарахтларнинг шохларини кесиш зарур (масалан, Пинк Леди).



Расм-238. Қуёшда куйган мевалар.



Расм-239. Тўрлар нафақат куишидан ёки дўлнинг зараридан сақлайди, балки мевалар сифатли кўриниши олишини таъминлайди.

- Куишидан сақловчи воситалардан фойдаланиш лозим, ушбу воситалар мева устида куишидан ҳимояловчи юпқа қават ҳосил қиласди. Воситаларни ўз вақтида дараҳтларга пуркаш лозим.
- Боғ устига ёпиладиган тўрлардан фойдаланиш (дўлга қарши тўрлар деб ҳам айтилади). Сетканинг соя бериш хусусиятидан келиб чиқиб жуда яхши натижаларга эришиш мумкин. Кўплаб тўр сотувчи ташкилотлар 10 йилгача кафолат беради.

АҚШда олма етиштирувчи фермерлар меваларни яхши қизил ранг олиши ва қўёшда кам куиши учун дараҳтлар тепасидан ҳароратни тушириш учун сув сепиб, туман мосламалардан (гидрокулинг) фойдаланидилар. Барглардан сув зарралари буғланар экан, дараҳт совутилади. Ҳавода намлик паст бўлганда ва юқори ҳароратда барглардан буғланиш юқори бўлади ва илдиздан олинаётган сув етарли бўлмайди. Бундай ҳолларда барглардаги стоматалар ёпилади ва фотосинтез тўхтайди. Бу, одатда, ҳарорат 32°C дан ошганда рўй беради. Фотосинтез тўхтаб, озуқа олиш камайганда дараҳтлар тунги вақтда ўзларининг биологик жараёнларини кўллаб-қувватлашга олинган озуқанинг барчасини сарфлаб юборади ва натижада ранг пайдо бўлишига озуқа етишмайди.

Агар ҳарорат юқори бўлганда дараҳтлар совутилса фотосинтез давом этади ва кучли иссиқдан



Расм-240. Гидрокулинг мосламаси ўрнатилган интенсив оли боғи. Калифорния, АҚШ.

дараҳтлар стрессга тушмайди, натижада биологик жараёнларни ҳамда пигментация (ранг олиш) учун етарлича озуқа тўпланади.

Гидрокулинг касалликларни қўзғатиши, кўп сув талаб этиши, меваларнинг кеч пишиши ва терисининг ёрилиши каби муаммоларни келтириб чиқариши мумкин. Бундан ташқари, гидрокулингдан мавсум давомида фойдаланиш тўхтатилса меваларнинг куиши кўпайиб кетиши мумкин.



XII. Олма боғи яратиш бизнес режаси

1 гектар ер майдонида олма боғи яратиш бизнес режаси ҳисоб-китоби

I	Даромад	1 йил	2 йил	3 йил	4 йил	5 йил
	Хосил кг/гектар	0	10 000	20 000	30 000	40 000
	Даромад UZS / кг	0	2 500	2 500	2 500	2 500
	Жами даромад	0	25 000 000	50 000 000	75 000 000	100 000 000
II	Ўзгарувчи харажатлар					
2. 1.	<i>Ерни тайёрлаш</i>	23 500 000	2 000 000	2 000 000	2 000 000	2 000 000
1	Ер майдонини сотиб олиш/ер солиги	0	0	0	0	0
2	Дренаж тизимини яратиш	20 000 000	0	0	0	0
3	Ерни юмшатиш (рихление)	300 000	0	0	0	0
4	Ерни текислаш	200 000	0	0	0	0
5	Тупроқ таҳлили ва тупроқни бойитиш	1 000 000	0	0	0	0
6	Бошқа харажатлар	2 000 000	2 000 000	2 000 000	2 000 000	2 000 000
2. 2.	<i>Суғориш тизимини яратиш</i>	28 500 000	3 000 000	3 000 000	3 000 000	3 000 000
1	Қудук ковлаш ва сув насоси ўрнатиш	15 000 000	0	0	0	0
2	Электр тизими ва таъминоти	1 000 000	1 000 000	1 000 000	1 000 000	1 000 000
3	Ховуз ва сув тиндиригич	5 000 000	0	0	0	0
4	Насос ва сиғимлар	2 000 000	0	0	0	0
5	Шланг ва томизгичлар	3 500 000	0	0	0	0
6	Бошқа харажатлар	2 000 000	2 000 000	2 000 000	2 000 000	2 000 000
2. 3.	<i>Боғ инфраструктурсини яратиш</i>	72 000 000	2 000 000	2 000 000	2 000 000	2 000 000
1	Симбағаз (шпалер) ва сим, уларни ўрнатиш ва тортиш	40 000 000	0	0	0	0
2	Боғ тепасига тўр, ва уни тортиш	24 000 000	0	0	0	0
3	Боғ атрофиға панжара ва боғни ўраш	6 000 000	0	0	0	0
4	Бошқа харажатлар	2 000 000	2 000 000	2 000 000	2 000 000	2 000 000
2. 4.	<i>Етиштириш харажатлари</i>	39 500 000	9 200 000	11 850 000	13 000 000	13 400 000
1	Механизация ва ускуналар	500 000	1 500 000	2 000 000	2 000 000	2 000 000
2	Кўчатлар 12 000 UZS / кўчат 2 500 дона	30 000 000	0	0	0	0
3	Кўчатларни экиш 1000 UZS / кўчат	2 500 000	0	0	0	0
4	Кўл меҳнати (теримсиз)	4 000 000	4 000 000	4 000 000	4 000 000	4 000 000
5	Заракунандаларга қарши кураш	1 500 000	2 000 000	3 000 000	4 000 000	4 000 000
6	Ўғитлаш (минерал ва кимёвий ўғит)	500 000	1 000 000	2 000 000	2 000 000	2 000 000
7	Сийраклатиш	0	200 000	250 000	400 000	800 000
8	Хосилни суғурталаш	0	0	0	0	0



I	Даромад	1 йил	2 йил	3 йил	4 йил	5 йил
9	Чанглатиш	0	0	100 000	100 000	100 000
10	Бошқа харажатлар	500 000	500 000	500 000	500 000	500 000
2. 5.	Терим харажатлари	200 000	6 500 000	7 800 000	11 100 000	13 400 000
1	Кўл меҳнати (теримга)	0	1 000 000	2 000 000	3 000 000	4 000 000
2	Қути (яшик) 0,000 UZS / кг	0	5 000 000	5 000 000	7 000 000	8 000 000
3	Транспорт 0,000 UZS / қути (яшик)	0	300 000	600 000	900 000	1 200 000
4	Бошқа харажатлар	200 000	200 000	200 000	200 000	200 000
	Жами ўзгарувчан харажатлар	163 700 000	22 700 000	26 650 000	31 100 000	33 800 000
III	Ўзгармас харажатлар					
1	Солиқлар	0	0	0	0	0
2	Механизация ва ускуналар амортизацияси (20%)	0	0	0	0	0
3	Бошқа харажатлар	500 000	500 000	500 000	500 000	500 000
IV	Жами ўзгармас харажатлар	500 000	500 000	500 000	500 000	500 000
V	Жами харажатлар	164 200 000	23 200 000	27 150 000	31 600 000	34 300 000
VI	Сарфланадиган маблағ/Соф фойда	-164 200 000	1 800 000	22 850 000	43 400 000	65 700 000

Интенсив боғни ташкил қилишдан аввал бир неча саволларга жавоб топиб, кейин ишни бошлиш керак:

1. Яратилган боғдаги меваларни қаерга сотишини ўйлаб кўриб, яъни уни ички бозорда, экспорт орқали ташки бозорда, қайта ишлашга реализация қилинишини ҳисобга олган ҳолда нав танлаш зарур.

2. Боғнинг географик ўрнидан келиб чиқиб (жойнинг иқлим шароити, яъни тоғ олди, текислик ёки чўл зонасими) нав танлаш керак.

3. Боғ ташкил этишда ўрнатиладиган симбағаз (шпалер) лар узунлиги 5 метрдан кам бўлмаган узунлиқда бўлиши керак. Бу ерда ҳам нархларнинг республика бўйича ўртасасини олиш керак. Симбағаз (шпалер) нинг мустаҳкамлигига қараб, 1 гектарга сарфланадиган симбағаз (шпалер) лар сони турлича бўлиши мумкин.

4. Симбағаз (шпалер) ларга тортиладиган симларни заводдан тўғридан-тўғри сотиб олинадиган бўлса, нархлар деярли бир хил.

5. Суғориш тизимида, аввало, ҳар бир гектарга сафранадиган томчилаб суғориш шланглари миқдори бир хилда бўлади. Фақат бу ерда турли ишлаб чиқарувчиларнинг нархларида фарқ бор. Шунингдек, агарда босимни назорат қилувчи шланглар бўлса, булар ҳам бир оз қўмматроқ бўлади.

6. Магистрал шланглар, насос станцияси учун харажатлар, турли дори-дармонларни аралаштирувчи

идишлар, ҳовузлар, қудукларга қилинадиган харажатлар суммаси ташкил қилинаётган боғ қанчалик катта бўлса, шунчалик арzon бўлади (Лекин шуни айтиб ўтиш керакки, бу пунктда санаб ўтилганлар узоқ муддатли сармоя ҳисоблангани учун меванинг таннарх баҳосига секин-аста кириб боради).

7. Боғ ташкил қилишда ҳозирги кундаги ишчиларга бўлган талабни ҳам ҳисобга олиш керак. Ҳар бир ишчига 1 ой давомида 400 000 сўм ойлик тўланадиган бўлса, бундан ташқари, бу ишчи учун корхона томонидан давлатга ягона ижтимоий тўлов учун ҳар ойда камида 65 240 сўм тўлайди. Бир йилда ишчи 10 ой ишлайдиган бўлса, бу сумма ҳам 5 000 000 сўм атрофида бўлади.

8. Озуқа ва кимёвий ҳимоя қилиш эса боғнинг яшил барг сатҳи катталashiши ва ҳосилга киргандан сўнг ўсиб боради. Бу тахминан 1-йил 2 500 000–3 000 000 сўм ва кейинги йилларда бу деярли 1,5–2 баробарга ўсади.

9. Техника таъминоти, яъни трактор ва ускуналар мавжуд бўлмаса, у ҳолда ташқаридан ёлланади.

Бунда ер ҳайдаш, молалаб текислашга ҳозирда 1 гектар учун – 500 000 сўм сафранади. 1 гектарга 1 марта кимёвий ишлов бериш учун трактор ёлланса, ўртacha 120 000 сўмни, бир йилда эса 500 000 сўмдан 1 000 000 сўмгача, минерал ва маҳаллий ўғитларни ташиш учун транспорт харажати йиллик 500 000 сўмдан – 1 000 000 сўмгача бўлади. Бу ҳар йили қилинадиган харажатлар қаторига киради.



Фойдаланилган адабиётлар рўйхати

1. **Рибаков А. А ва Остроухова С. А.** – Ўзбекистон мевачилиги. – Тошкент, 1967. – 50-236 б.
2. **Мирзаев М. М, Джавакянц Ю. М, Раззоқов М. Ж.** – Мевали дараҳтлардан юқори ҳосил етиштириш бўйича тавсиянома – Тошкент, 2006. – 11-12 б.
3. Р. Р. Шредер номидаги боғдорчилик, узумчилик ва виночилик илмий текшириш институти – Ўзбекистонда мева, узум ва резавор мева етиштириш технологияси – Тошкент, 1976. – 25-40 б.
4. **Ферри Д. С. ва Варингтон И. Ж.** – Олма етиштириш. – АҚШ, 2003, 237 – 437 б.
5. **Бас ван ден Энде** – Интенсив олма етиштириш. – Австралия, 2014, 3-90 б.
6. **Акгул Ҳ. ва Качал Э.** – Олма етиштириш технологияси. – Туркия, 2011, 21 – 355 б.
7. **Арранд Ж. ва Бартрам Р.** – Олма етиштириш усуллари. – Канада, 1971, 103 – 121 б.
8. **Жукова А. П.** – Мевали дараҳтларни буташ. – Тошкент, 1979. – 3-10 б.
9. Америка Боғдорчилик Жамияти – Ўсимликларни буташ ва уларга шакл бериш.
10. Калифорния Штат Университети – Ўсимликларни уйғунлашган усулда ҳимоя қилиш – уруғли мевалар учун.
11. Калифорния Штат Университети – Ўсимликларни уйғунлашган усулда ҳимоя қилиш – веб саҳифаси. www.ucdavis.edu



Ушбу қўлланма Ўзбекистон Республикаси Савдо-саноат палатаси ва БМТТДнинг Ўзбекистондаги ваколатхонасининг қўшма ташабуси бўлган «Ўзбекистон бизнес форуми (III-босқич)» лойиҳаси доирасида тайёрланди.
www.chamber.uz
www.uz.undp.org



Ушбу қўлланма «Sasol Middle East and India» компаниясининг Ўзбекистондаги ваколатхонаси молиявий қўмаги асосида тайёрланди.
www.sasol.com



Ушбу қўлланма Германия иқтисодий ҳамкорлик ва ривожланиш федерал вазирлиги (BMZ) молиявий қўмагида Германия халқаро ҳамкорлик жамияти (GIZ) GmbH нинг «Ўзбекистоннинг танланган ҳудудларида иқтисодиёт ривожланишини қўллаб-куватлаш» лойиҳаси доирасида нашр этилди.



Қўлланманинг зааркунанда ва касалликларга қарши кураш бобида қўлланилган баъзи расмлар Калифорния Университети Ўсимликларни Уйғунлашган Ҳимоя Қилиш дастури рухсатига мувофиқ фойдаланилган.

ЎЗБЕКИСТОНДА ЗАМОНАВИЙ ИНТЕНСИВ ОЛМА БОҒЛАРИ

Муҳаррир : У. Раджабова

Фотосуратлар: Ш. Аброров

Нашриёт лицензияси AI № 263 от 31.12.2014. Босишга рухсат этилди 19.07.2016.

Бичими 60x90 1/8. «Arial» гарнитураси. Оффсет босма усулида босилди.

Босма табори 16,5. Нашр табори 21,4. Адади 1000 нусха.

«BAKTRIA PRESS» МЧЖ Нашриёт уйи
100000, Тошкент, Буюк Ипак Йули мавзеси, 15-25, тел.: +998 (71) 233-23-84

«Mega Basim» босмахонасида чоп этилди.
Baha Is Merkezi, Haramidere, İstanbul, Turkey.
www.mega.com.tr



Ijrochi:

giz Deutsche Gesellschaft
für Internationale
Zusammenarbeit (GIZ) GmbH



ISBN 978-9943-4569-3-8

9 789943 456938